

No 5



# 本誌特別廣告

## 浙江潮

---

第一版
第二期

---

第二版
第三期

---

## 來出

啓者同人前以居舍未定一切信件暫由東京神田駿河臺鈴木町清國留學生會館轉交茲已租定東京牛込區東五軒町九番地作為浙江潮雜誌部編輯所兼理內地發行事件各處如有賜函請即逕寄惟在東另售發行仍在留學生會館特此廣告

本誌甯波海灣圖頃以會員正在夏期考試倉卒未能繪就試畢定當補刊特此聲明

## 浙江潮第五期目錄

癸卯五月二十日

### ◎圖畫

- 浙江全省十一府新地圖(其四)甯波
- 浙江沿海港灣圖(其二)甯波灣
- 秀水學堂本年開校式
- 駕湖勝景(其一)落帆亭

### ◎社說

- 浙風篇……………匪石

### ◎論說

- 民族主義論……………余一

### ◎學術

### ◎政法

- 俄人要求立憲之鐵血主義……………獨頭
- 第六節反動主義之勃興
- 第七節民意黨要求

之繼起▲第八節俄廷行政上的改革▲第九節結論

### ◎實業

- 論銀行與錢莊之組織及其異同……………無逸

### ◎哲理

- 希臘古代哲學史概論……………公猛
- 第一章希臘上古之哲學

### ◎軍事

- 海軍教育系統談……………瀧川學人

### ◎歷史

- 印度滅亡之原因……………葉公
- 第五節歐人經略印度之始在乎商戰
- 第六節猶布烈之計畫
- 第七節英法之交爭



◎地理

●地人學……

壯夫

▲第一章(續)性質之研究……國民地理智識之必要▲第二章地理與歷史

◎傳記

●中國愛國者鄭成功傳……

匪石

▲第三節鄭芝龍十九年間降叛之概略▲第四節義師之初興

◎大勢

◎國際政局

●斯拉夫人種與條頓人種之競爭……

孫林

●英法之親交……

蘆中人

◎極東經營

●極東問題……

頑僧

◎談叢

●野獲一夕話……

匪石

▲傷哉孔子之裔▲法王路易受審之口供

◎雜文

●說愁……

通界

◎時評

●本省之部

▲台州甯海官竟不知天日乎▲在京浙官之公函

●內國之部

▲上海吳蔡兩公之被逮▲滿洲問題▲樂談神山之遊▲四民公會▲黨禍又作

●外國之部

▲列國東洋艦隊數

◎專件

●紹興教育會章程

◎雜錄

◎東報時論

●滿洲問題與列國之輿論●俄美于滿洲之競爭●論俄國半官報之暴論

◎留學界記事

●記軍國民教育會●記留學女生擬創赤十字社之緣起●記聯隊生劉君某被辱及成城學校諸君公憤事

◎小說

●斯巴達之魂……

自樹

●哀塵……

庚辰

◎文苑 (九首)

◎調查會稿

●日本神戶大阪兩埠居留之浙商人數事業●浙江運河輪船通行表●溫州樂清縣教育部●玉環縣教育部●杭州輸出貨大宗數目表●杭州外國輸入貨大宗數目表●杭州外省輸入貨大宗數目表●三門灣緊要調查書

購閱畧則

一定閱本誌在東京者可函向本發行所掛號每期當按址寄送在內地者可就近向上海各代派所購取或逕寄函本社亦可但必須將報費郵資先行付下自然按寄無誤  
一向本社定購者由本社發給收條向代派所定購者由代派所發給收條遇有已付報費而報未能按期送到者可憑收條向原定處函索

售報價目表

全年十二冊	半年六冊	每冊
三元二角	一元七角	三角

購閱十份以上者照半年例二十份以上者照全年例又定閱十份以上者每份價三元日本各地悉照前例八折內地郵費酌加

廣告價目表


洋裝一頁	洋裝半頁	一行
五元	三元	四號十七字 五號二十二字 起碼
元	元	角

惠登告白者須於本編定期發刊之前交到價預先付登長半年者當格外從廉

# 浙江全省十一府新地圖

(其四)

波 寧





富都津渠交錯而甬江實爲其網江上承餘姚之姚江曲曲而東入慈谿境爲大亭江東南流分爲二一曰前江亦東南流至府城北名甬江一曰後江東流曰東大河折而南曰西大河又折而西南與甬江復合爲一又東北流至鎮海境曰大澹江又東北流由招寶山麓入海其濤洄於甬江東北者有前大河中大河焉其分洩於甬江東南者有前塘河後塘河東中塘河焉其濤注於甬江西南者有西塘河南塘河焉而皆莫大於鄞江鄞江源出奉化西南達四明山北溪之水東北過奉化北復納縣溪及金溪之水又東北納鄞奉橋水又曲曲而東北入甬江其群北與東瀕海之洋浦澹浦松浦上河中河下河皆悉知促無足齒數郡北又有杜湖白洋湖亦頗狹小惟東南之東錢湖首受各塘河水東南分支逶迤由大嵩所南入海源流爲稍遠焉東南越爲象山象山之水有東西諸河能自入海而微細不足道又越海有片嶼曰南田近始壅隔北內地定海廳直鎮海東四面洪濤島嶼紛列僂指難詳其最大者八曰岱山曰長塗曰衢山曰普陀曰桃花曰六橫曰大榭曰金塘

## 教科書譯輯社刊行書目

日本東京神田駿河台鈴木町十八番地清國留學生會館

### 中學地文教科書

定價 大洋九角 洋裝全一册

海桑田變換不測說者謂造物之妙而不知實關至理日本神谷市郎以最新之學說明地球之構造論證確鑿說理詳明不特爲教科中之善本抑亦研究哲理者所不可不讀之書也插圖六十餘幅俱用精緻銅板鑄成尤覺燦爛可觀譯筆亦暢達流利

### 中學物理教科書

定價 大洋六角 洋裝第一卷全

是書爲日本本島久太郎原著義島陳提譯補陳氏於日本帝國工科大學校肄業研究物理確有心得故能說理透關措詞明達於數學公式尤所詳備物理之佳本也至其裝訂華麗圖精緻尙其餘事

### 中學生理教科書

定價 大洋八角 洋裝全一册

是書爲美國斯起爾原著醫陽何植時譯補說理既精攷證尤確每篇悉附試驗方法以供臨時參考插圖數十幅用最精銅板明細可愛洵中等生理教科之善本前此得未曾有者也

### 中學化學教科書

定價 大洋一圓 洋裝全一册

是書爲吉田彦六郎氏最新之作氏著書凡三種本編以法國化學名家奧世脫畫兒特博士之說爲主而參以平昔經驗提綱挈領透關摘深不沾沾於公式而公式自無不賅洽爲化學教科中傑出之書

### 物理易解

定價 大洋一圓 洋裝全一册

是書爲義島陳提氏撰旁搜各書博考學說補圖百八十餘幅說理簡明爲物理初步之佳本足與本社前出之中學物理教科書相輔而行

教育志叢第一編

# 青年教育

近刊

車之於輪舟之於柁四肢百骸之於空氣也猶教育之於精神也歐洲今日之種種科學有胎息於印度者是印度何  
年無教育而今亡矣曰惟無精神故有發源於亞刺伯者是亞刺伯何嘗無教育而今弱矣曰惟無精神故支那二千  
年來帝王提倡之儒生鼓吹之學界奴性根深柢固今當廿紀肇頭初優勝劣敗天演日亟青年荷猶蔑視人格  
墮落萬丈坑中而不一求解脫陳腐廢崩嗟何及矣是書專激發青年使養成獨立自尊不撓不屈之精神為主義爰  
函譯之以喻我同志對症發藥或將是賴  
教育志叢第二編

# 國家教育

近刊

嗟我同胞非問難於老學究即受業於宣教師而其結果甲則崇拜古人乙則崇拜外人求其卓然特立保我國粹者  
曠世罕聞是豈學於人之害耶抑不知所以學之害耳日本以學於我而開化學於歐美而進化其所以得成今日之  
日本者以其民皆以大和魂為性質足以保其國之粹也是書為日本初興教育之事雖事事借資於人仍事事不忘  
乎己洵足為我國教育前車之鑑爰急譯之以供世之有心教育者  
教育志叢第三編

# 教育原理

近刊

是書為日本東京專門學校文學教育科講義扶歐美大教育家之精義網羅萃萃而成為製造國民之基礎舉凡體  
育智育德育及設立學校之原理靡不委曲詳盡言之娓娓經海門季君譯出言簡意賅文筆暢適我國志士熱  
心教育者果一閱此則理想之發達教法之精良什伯疇昔無俟贅言現已印成不日出版  
教育志叢第四編

# 社會學提綱

定價 大洋二角五分 洋裝全一冊

是書為美國吉登斯原著渾陽吳建常重譯自個人之交際以至團體之集合其間若社會之本質活動發達等無  
不探源掘蘊闡述無遺理蘊精深筆犀利洵哲理中之佳品也

# 中學地文教科書

洋裝全一冊  
定價大洋九角

滄海桑田變換不測說者謂造物之妙而不知實關至理日本  
神谷市郎所著中等地文教科書以最新之學說明地球之構  
造論證確鑿說理詳明不特為教科中之善本抑亦研究哲理  
者所不可不讀之書也插圖五十餘幅俱用精緻銅板鑄成尤  
覺燦爛可觀

# 本社新刊

## 普通經濟學教科書

全一冊  
定價大洋陸角

是書為上海王宰善輯著 王氏留學日本 究心此學有年  
出其心得 以公世好 其中採輯之宏富 分晰之精當  
誠適於學校教科書之用 至其印刷工緻 裝訂華麗 尤  
其餘事也

# 新書豫告

近已付梓  
不日出版

嘉定夏清貽頌來著

中學地理教科書

內國之部

義烏陳槐樂書譯

中學代數教科書

上下兩冊


臨桂周家彥俊甫著

中學幾何教科書

全一冊

## 教科書譯輯社白


式校開年本堂學水秀



廣東省立大學圖書館



(一 其) 景 勝 湖 寫  
亭 帆 落



## 浙風篇

(續第四期)



社

說

匪

石

如。上。所。述。其。五。原。于。人。爲。者。其。一。原。于。天。然。者。以。歷。史。之。公。例。推。之。我。浙。江。蓋。已。進。于。世。界。之。第。二。階。級。特。尙。未。光。大。之。而。統。合。之。耳。雖。然。此。五。種。原。因。中。皆。含。有。第。六。原。因。之。種。子。第。六。因。其。母。也。而。五。因。者。又。是。母。腹。孕。育。而。手。提。挈。之。產。兒。也。夫。必。舍。其。天。然。而。人。爲。于。是。焉。獨。立。此。於。事。實。上。萬。不。能。然。固。已。雖。然。要。亦。非。漸。漸。離。立。而。使。終。達。于。圓。滿。之。境。不。可。也。吾。浙。風。之。屬。于。人。爲。者。蓋。猶。在。幼。稚。之。世。矣。此。駁。雜。的。而。非。完。純。的。者。也。不。寧。唯。是。吾。浙。江。于。人。爲。上。尙。有。至。重。要。之。弱。點。而。對。于。自。他。地。方。各。各。有。特。殊。之。元。氣。母。亦。唯。採。補。之。又。各。各。有。不。苟。同。之。單。質。母。亦。唯。調。和。之。乃。曰。姑。舍。是。姑。舍。是。盡。棄。一。切。而。孤。抱。一。保。守。主。義。亦。自。豪。于。東。海。之。一。隅。之。人。也。之。

言也。其將爲吾浙江病矣。

吾今敢正告于我鄉人曰。分治者統一之母也。無四方上下。則中央何說。無頭首手足。則胸腹何存。曰中國。曰中國。自剖解學者視之。是亦一空名焉耳。吾嘗釋中國二字之名義。猶一橘。然未見橘者。不知何物也。曰吾其吞之。皮歟。核歟。不復辨。別此其時。雖獼猴亦竊笑之矣。不然。刀以剖之。瓣瓣以析之。任取其一。亦復名橘合併七八。橘仍是圓。此食橘者無不鮮也。中國亦猶是說耳。中國大矣。析而爲十八行省。此十八行省之圈限。內必各含一中國之質點。而外此則無所謂中國。其義其理。無論言統一。言分治者。皆所當公認者也。亦已若是。則于吾浙江分治之時。而尙有否認此說者。直謚曰自暴自棄。充其所極。必使吾浙江永遠沈淪于萬重地獄之下。而後止。嗚呼。吾魂其狂顛也乎。

要之。不於自治上着想。雖日日言強中國。無益言自治矣。而或徘徊于鄉愿之門。拘牽于故常調停之學說。無非無刺曰可曰否。又或拾一遺二剗肉補瘡。若是者。雖盡舉吾浙江以畀之。又盡舉吾中國以畀之人。萃數百代累數十猶之無效也。抑猶有

大焉者。人能以世界之觀念視國家。則國家治。人能以國家之觀念視地方。則地方治。世界也。國家也。地方也。皆出于同一之系統。而非可分裂者也。由茲二義而憫憫焉。自棄或局。居然自隘。君子曰。是惡乎可。

二義不可盡去。而吾浙江今日自治之方。是亦有所在矣。我思之。我思之。敢以昔所知者。以略陳于我鄉人之前。

一。自地發達。一地方而不有堅固之根據地者。雖外力影響。日日有所輸入。吾懼其無以受也。風東則東。風西則西。此殆爲至切近之譬喻。吾浙風氣之不同。亦已如前云云。今乃曰必盡捨之。此于理論。或然而于事實。上究何裨益乎。不然。毋甯自發達。自地方所負有之特質。而修飾之潤色之。而猶得一當于社會。吾浙台州各城鄉。村族聚居。大都皆含有自治之質點。地方有事。必先取決於鄉老。無有願入官廷者。又一切納稅涉訟。亦必于鄉老受命焉。温州瑞安。縱橫不三里。而學校中小林立。地方紳士皆有參與行政之權。官則承命畫諾而已。同光之間。杭州善後一切事宜。如善堂書院土木工程之屬。莫不由紳士主之。其於權也。或兼議決與執行之二機關。



或由紳士議決而以執行權付之官長。自餘各府亦皆稱是。此猶就紳社會言之也。又徵之于商。嘉湖之絲。杭之扇。其餘竹木綿布酒茶麥棗之屬。莫不有統一之機關。以主持其全部焉。即以杭州言之。凡自絲錢藥材極于理髮猪市亦皆設立會館有事則公決之。雖然。猶此商社會言之也。又徵之平民。台州諸境歲有械鬥。而紹興諸暨則邊壽二姓。歷數百年未嘗通好將門。各號召數百人。兵械相接。死傷如山。官吏作壁上觀而已。（洪楊之難紹興有包村者聚族抗戰洪軍前後敗死數十萬人後以全力攻之乃破）夫此何足稱道。然吾觀歐洲各國所號為平民社會者其初何嘗不若是。吾民特僅有其影響而尚未有完全之規則焉耳。苟於其所固有者而充之以實力激之以歐風登高一呼必有應者不待數年而吾浙地方自治之權利盡移于若紳若士若商若平民之掌握而吾浙自治之基礎立矣。此屬於改良問題者也。

②通省調和。吾浙風氣問題之至不能解決者唯東西浙之各自殊尚而已。雖然此固限于天然而于人為力尚未發達之時則一有之耳。設自治益益圓滿其必能

達於統一之目的者亦復尋常。今就大別言之。浙西以文。浙東以武。浙西之人多活潑。浙東之人多厚重。浙西人好為表面之事業。浙東人能為實地之研究。其弊也。浙西之人柔。浙東之人剛。浙西人少團結之力。浙東人乏交通之性。又析而言之。浙西各府州縣又各有不同。而浙東諸郡又自有其殊異焉。例如台甯接壤兩地風氣儼如天淵。此府與府之異也。瑞安與永嘉同屬温州而地方性質無一同者。又析而言之。凡村與村之關係。鄉與鄉之承接亦復有特一之風氣。若是者何也。交通未便利之故也。惟無交通故地方紳民各自限于天然力之感動。久之又久乃成自地方一種特別之殊。尚惟無交通故地方紳民又各自局于自地方一種特別之殊。尚而無有統治機關以司全部之命令焉。此吾浙自治前途所最為遺憾者也。然則吾人注意於統一問題者亦唯置重于交通之機關而已。杭州當東西浙之中央。其人負有兩浙人之性質。又為各府人聚集之地。今當注重于是。而組一機關部。若教育。若調查。若招待。皆自茲發生。以布行於各分地。各分地人歲以時大會于省會以研究其風俗之美惡異同而一致之。雖然尤有至重要者。則語言問題是也。吾中國無國語

閩廣方言吾浙人聽之亦已一字不能解且就吾浙言之溫州語不移于台州金華語不移于紹興處州語不移于杭州此又交通上最不利之總原因也今就各省之所通用者則唯官音吾用之以達于各地方凡一學堂一社會皆設一官語研究所亦歲以時大會于省會而互爲研究焉此則吾浙風統一之要素而又爲吾中國國語之起點也此屬于浙風統一問題者也

三內國交通 雖然吾浙江于改良與統一之兩大問題而試一解決之設自閉于吾浙江之圈限而不復取法于他則雖種種成立而于將來中國統一之系統必成爲聯邦的而不爲合衆的尙未足以鑒吾中國國民之希望我浙江位于楊子江之下流地勢趨于東偏其于縱橫中原不無有隔膜之感昔者三國孫氏五代錢氏卓然可謂人豪矣然蟄伏東隅憚于進取此皆于地理有絕大之影響者也不甯唯是吾浙人之性質蓋尙含有多種之缺點甯人海外事業數頗寥落例于廣人之在美洲之在南洋各埠者其勢力大不若其情誼亦大不若且甯人純守一「私財主義」而于公共事業又自任不如廣人其缺點一也鄉軍之興也實惟湘人昔者洪楊難

作曾國藩提鄉勇馳驅奔逐以此底大難焉良由湘人皆負有「忍苦」「冒險」之性質又富于「團結力」故湘軍所至無不靡者（某評洪楊之役爲湘粵交爭時期亦自有說）吾浙軍國民之產鄉要必出于金處二州然未能湘人若也其缺點二也北省之民皆以爽直著殺人則自首格鬥則捨命卒以此故乃能造成野蠻排外之秘黨庚子一役全國震蕩此又爲吾浙人所未有也其缺點三也嗚呼吾浙江負此三大缺點則于其國系內而將爲其佳兒是非採擇他分子所特負有之各各物而以盡輸于我浙江以待合于吾中國獨造之國風則未有能濟者也而不然者必當自內國交通始矣是爲浙風成立之第三級

四外國輸入 日本前十餘年大行歐化主義保守黨聞而懼之日提「國粹說」以號于國德富氏評之曰「將愛國權而反充以鎖國之精神將維國體而適續以舊日本之慣習」夫斯語固非如今日之所號爲維新黨者仿其一履一杖逍遙海上以爲文明招市之比例蓋一國必有所稱爲國風者發于聲音則爲國歌國歌者全國人民之性質之代表也英法以海峽爲界而國風迥不相若英國開化程度爲他

國先其爲人也。堅制而有力，富于自治，厚于公德，言人格者要必取是法。經數王暴恣以後，跳天躑地，憤而爲不平之風。其爲人也勇而悍動而無常，處是善寫新國民之狀態者也。日本以武士道驕于人者，今國士日以軍國主義提倡，後進蓋猶仍尙武遺風嗚呼。若此者，吾中國嘗以數十萬方里之領土，數億百萬之金錢，又拚捨數千百萬之人民性命，條約屢結，港岸屢讓，而卒未能購得者也。雖然，誓必得之，不得則必注精神之半以購之，而以合于吾中國固有之特質，以造良吾國風。此國際精神貿易家所最當有事者，也不此之務，而年年所輸入者，乃在葡萄酒，乃在煙草，乃在飲食用處各種種物，而曰吾固持歐化主義，以改良吾中國。果若是，吾浙江之民風改良家，蓋無慮其仟佰其奈之造成一外國國民何也。然則注意于風氣問題者，亦必有所較矣。是爲浙風成立之第四級。

嗟乎！今鄉人所日日強聒于諸父伯叔兄弟之前者，非曰『開風氣，開風氣』之說乎？夫風氣何說？吾浙之風氣又何狀？乃曰開之，開之，開之，云者，吾鄉土本具有此種之風氣，而或閉于黑暗，無人之鄉，今乃大發其覆而冀一光大之耳。雖然，吾嘗觀我

鄉人之所爲，大都注意于表面之事業，與夫名譽上之一言一動，蓋尙有得是已足之概。夫未嘗治事，何得云得所治？已微何得云足？今日之浙風問題，蓋爲至重至大而又爲至繁至雜之事件，是非于吾浙社會上種種之方面而求得其真相，又非于所求得之真相而以解剖學分別其條理，又以統計學合參其情形，則固不易解決者也。我鄉人有試欲解決此者乎？則敢與我鄉人約曰：第一曰通情，何謂通情？吾鄉人自上下下官者吏者士者商者下至乞丐走卒，皆吾社會內至有關係之人物，而吾所賴以爲治者也。其勿離之，離則孤，孤則塞。第二曰習勞，何謂習勞？我鄉人耳所聞目所見，身所習處之各各事，各各物，薄米鹽爲瑣屑，斥歌謠爲鄙倍，雖然其勿以爲瑣屑也，其鉅大矣，其勿以爲鄙倍也，其重要矣。夫以鉅大重要之事件而概下以『不屑與語』與『無足輕重』之評語，則所謂風氣問題者，仍屬于虛無，無何有之鄉。雖日日以風氣之說大號于國中，而究何裨益也耶？

我鄉人其思之，其思之，美利堅之合衆德意志之聯邦，有不基于自治者乎？方其始也，十三州之獨立，四十餘國之分治，有不導源于社會者乎？吾嘗中夜不寐，撫髀太



社說

息求所以影響于吾中國者以爲吾浙江固祖國國系內之一分子而治浙即所以治中國又直挾浙江風氣之大概而別之以六因序之以四級又貫之以通情習勞二者治浙大要略具是矣雖然此非一人一社會力所能爲者也我諸父伯叔諸兄弟生於斯長于斯聚黨族于斯要皆有負擔全浙之責任而無可巧言飾辭爲中立計其濟也吾浙人之榮不濟亦唯吾浙人之辱榮辱二者我鄉人自擇而已不然徘徊中道議論日騰聞諛浙言而喜聞毀浙言而怒一若自處于莊周逍遙遊之地位而無復有擔任焉者則吾浙何賴焉夫至吾浙無所可賴斯其影響及于吾中國前途者當更何如詩曰嗟我邦人莫肯念亂又曰父母先祖胡寧忍予鄉人乎鄉人乎讀此詩者其怛怛然心動否乎

(完)



論說

論

## 民族主義論

(第續二期)

余 一

成立時代

嗚呼。民族主義之過渡。誠最慘痛之時代。哉夫。一物之生長。固未有不經痛苦。而能有濟者也。彼志士之日所思。夜所夢。之祖國。忽隱忽現者。有年矣。夫志一立。何事不成。而必千挫萬折。始克有濟者。母亦由於經驗之未足耶。夫痛苦。即經驗也。吾輩生今日之亞洲。以其時計之。則今日以後。吾知其爲痛苦之時代。必矣。讀前人之史。即其經驗。以爲後日辦事之準繩。此歷史之所以可貴也。故吾讀過渡時代之歷史。憂沈沈而襲心。乃因其經驗之跡。而得數義也。亦可爲後日之鑒矣。

民族主義者何。吾重言之矣。統一同族是也。雖然。吾知天下事業之難固。未有甚于

統一者也。蓋統一有要素焉。一曰內有統一之機關以持其秩序。一曰外有強劇之刺擊以激其感情。國民當過渡之時其交鬭之聲必劇。于是而不以一主腦爲之根幹焉。則雖對外有統一而政策有緩急焉。措置有先後焉。苟一事之不相合即足以坐失統一之機。千八百四十八年之日耳曼之伊太利皆是矣。是故日耳曼之有普魯西也。伊太利之有徹耳其也。所謂統一之機關是也。蓋昔日歐洲中部本爲無數小國。雖同族統一迫於天然之勢。自然然而其間因歷史地理上之關係。內部之終不免有衝突者。勢也。故畢士麻加富兒之謀統一終不得不藉手於普魯西。徹耳其以定中央之基礎。則誠以勢之所在非強力不足以濟事也。此一義也。戰爭者統一國民之良策也。無普魯西之戰則日耳曼終不能聯邦。無伊太利之戰則伊太利終不能獨立。自政略上言之。固事之至顯而不知其影響之及于國民心理上者。其力爲尤弘也。對外之戰爭起而內部統一之基礎定。故雖以徹耳其之小國而加富兒必力求戰爭。內擴軍備。外結法援。雖法帝半途食言一時不能遂其目的。然伊太利統一事業至是而大定矣。此又一義也。

今請歷述成立時代之歷史。

一日耳曼統一。千八百四十八年之後。日耳曼統一之形勢漸定矣。然當時各地小邦君主非得一強大有權力之一國以強制之。則互持其權結合終難成功。而普魯西之權力實未必能強於奧也。故畢士麻之第一政策首在強普而改革普國軍隊。則又爲強普之起點。雖然普強矣。兩雄不並棲。普奧之不能不出於戰者。勢也。而當時有一絕大顧慮爲畢士麻爲深忌者。則拿破崙三世方挾其蹂躪之野心。以虎視南邦。日耳曼是也。至是而畢士麻之外交手段出彼既以僞言誘法帝。而利乘丁抹問題。遂一戰勝奧。而北部之日耳曼大定矣。法帝初欲利乘普奧之戰以擴張領土而不意普人之食言也。于是普法之戰爭起。斯丹一役率以不振。而南部日耳曼之統一亦成。

一伊太利統一。伊太利之統一與日耳曼異。蓋徹耳其弱小於普。而伊民之執望自由甚于普。且其信任徹耳其不如日耳曼小邦之于普。而奧大利之勢力之在伊者較日耳曼尤甚。蓋伊之統一事業實較日耳曼爲尤難也。故當時欲統一伊太利。

不可不着眼此二點一則使伊太利全體知徹耳其之可信任而服從之一則使徹耳其具有抵抗壞人之力量其第一策加富兒所優爲者也徹王之即位既誓守憲法以收民心而格里米亞之役又得英法之歡心伊民信徹王之可與有爲也至矣若夫第二策則以區區之徵要終不可以敵壞而加富兒乃利用拿破崙三世之野心以成壞伊之戰伊太利各處皆雲集響應以求歸附于徹而事機遂熟南部伊太利又以加利波之功而大定所未定者特羅馬故都仍以法王之故而法人之勢力未去耳及普法戰後而伊太利統一之功亦告成矣

一愛蘭問題 吾觀愛蘭之於英而知民族主義之勢力矣嗚呼「使愛蘭一旦流入于太平洋不然或沈于海底不再見于是英人始得高枕臥」種族之威入于心骨雖遲之百年三百年亦安能禁人之腦中不發見一種悲慘的歷史耶雖然要亦惟義俠之愛蘭則然耳愛蘭之被征服于英也在十七世紀彼雖力屈不能抗然心目中國未嘗一日忘也且英人今日之于愛蘭也許其參政權一切與英人無以異而所謂宗教問題土地問題（宗教問題者愛蘭爲加特力教初英人不許加特力

教人入議會及爲官吏因此而愛蘭之暴動大起後卒許之土地問題者當英人初征愛蘭時盡沒其土地以入官故農人皆爲人勞作而已無土地所有權也）者自格蘭斯頓以後亦已着着改革而何以愛蘭人之激昂猶如是嗟乎使他人處此則必以爲英人之深仁厚澤涵濡教育者三百餘年固未嘗以印度波蘭相待夫亦可以安心靜氣貢大國民之名譽而安坐者矣而愛蘭之激昂猶如是國民國民可以興矣

一東方問題 土耳其者一舊式之帝國也彼始以武力鍵結無數之異種異教者而名之曰國土之專制政體夫在百年前則亦何不可決決然稱大國然種性之不同根之于無始以前雖一時強之使一而動機一發即沛然莫能禦自維也納會議後而希臘動最先而塞耳維亞而蒙內格落而羅馬尼亞咸仰首伸眉言獨立矣嗟乎彼雖小國地方不過千里人口不過千萬然而有忍百年之風霜（指塞耳維亞）誓死不顧必欲達其目的而後已者吾是以知民族主義之深入人心蓋有如是之甚也于是土耳其遂有瓦鮮之形俄羅斯適利用其民族政策而東方問題于以起



史老扶種族統一之說漸入于人心而俄人南下之勢漸急巴幹半島之風雲至今日尙連結紛擾而不可止蓋歐洲之大族三而在十九世紀中演民族建國之事業者要當以條頓人爲其主人公拉丁統一之說失敗于拿破崙三世史老扶統一主義發軔于東方問題雖以歷史土地之久於分裂與夫俄人政治之自由尙未通過其時機尙未成熟而識者謂史老扶人種其于時爲將來則二十世紀之歐洲中或爲史老扶民族改革之時期乎然而東方亦從茲多事矣要而言之則民族主義者發起于法國大革命而成立於普法戰爭之後蓋至是而歐洲非民族的國家已絕影消聲不復出現其尙有一二缺點者惟英領愛蘭德領羅命二州(割自法)奧匈之雙立君主及俄之於波蘭耳然皆以少數民族強鍵于多數之中固未聞以多數之民族而服從于少數之下者也然而彼愛蘭匈牙利法蘭西波蘭則尙且慷慨誓死必欲復其祖國而後已者

### 膨脹時代

自民族建國內部之統一事業定而向外之膨脹事業起膨脹者何有理想的有實

力的有自然的有個人的有強力的所謂理想的何也曰學說之勢力是也自物競自存之說興于是種類盛衰興亡之故明進化論者實民族主義之原泉也雖當時爲一種學說而不知理想既理解于人腦則事實即隨之而起「世界爲文明人所獨有」實進化論之後文而新帝國主義之精神也所謂實力的何也曰經濟之膨脹是也二十世紀中託辣斯脫(合數小公司而成一大公司)之制度興而經濟競爭之風潮一大變夫慾望無窮者也而經濟者資生之具也故經濟競爭實種族存亡之大關鍵雖然彼其侵略之勢力不在一時而在久遠不用急性而用緩性蓋其原動力之由來不由于一人而由于國民全體之動力故勢似緩而實則激也此則今日膨脹事業之第一事也所謂自然的者則生殖力是也自普法戰爭以後歐洲本部無戰爭所欲既遂相與休養生息而人口生殖力之速度乃大增千九百年終全歐人口四百又九兆有奇溯是以以前千八百六十年則二百九十兆餘千八百年僅百七十六兆而三十年來之殖民于外者尙不計也于是殖民政略遂爲世界之大問題而白種之足跡遂徧履于大地所謂個人的何也則以教育之進步而人之

能力日增也。夫生殖力之膨脹，亦有一定之期限。普法戰爭以來，亦不過三十餘年耳。而白人之勢力膨脹，如是其甚者，蓋不僅恃其人口之增殖，亦個人能力之發達有以致之也。白人之在澳洲者，其數較他人種少十倍，而彼乃能握其主權而有白澳洲之說。蓋一人之能力強，則所營之事業，即日廣彼所謂白種一人能營黃人十人之事實者，之何其勢力之不膨脹也。嗟乎！以數字計之，則吾中國人數等於全歐而成敗異數，則非以其能力強弱之殊，有以致之歟。所謂強力的，何也？曰政略的膨脹是也。一國之內，其人民之原力未必能勝人，然其政略主進取而武力又足懾人，則雖不能言實力之膨脹，而其政略所及亦足以爭雄於世界。若俄人是也。彼之膨脹未必如英美之悉，由于實力然，竟能虎視世界者，則以政略之善足以補個人之不足而適于世界之大勢也。因茲五義而膨脹之勢成，亘十九世紀二十世紀之交，其勢力遂一轉悉注于太平洋而支那適當其衝矣。

(未完)



政法

## 俄人要求立憲之鐵血主義

(續第四期)

獨頭

### 第六節 反動主義之勃興

烏乎。誰謂地球上最完全圓滿之專制國之君主如亞歷山第三者。果心如鐵腸如石拳手如豺狼而敢與最堅忍之民意黨一挑戰乎。當亞歷山三世未遭凶變以前，以人民要求之宣戰書，駸駸乎有滿山漫野之氣概。悚然知懼，乃於一千八百一二年二月開元勳會議，決議立憲問題。大詔制定，行將發布，而帝已忽忽受民意黨之公刑而去。及新帝踐位，政府多數懷懼，唯日不足知，非急降旛，必不能平國民之怒。而前禍殆將復興，乃忠告新帝，求布遺勅。帝然其說，朝夕待發。方是時，俄皇萬歲萬歲之聲，皆隱藏於全國民之喉際，而躍躍欲一試。而不料有一焦唇敝舌，舐排大政，竟能以一杯水熄全車之火。饒者則公爵惠拉第

密 Vladimir 其人也。公爵夙心醉獨裁政治。聞朝廷將發布憲法。百端阻撓。帝爲之動。軒然一大波瀾起。凡大臣有心懷非專制主義而主張立憲政治者。悉罷職而告日之策畫。遂成泡影。

俄廷自經此一大挫折。凡踞朝右執政柄者。一仍其壓制傾陷之故技。彼等以爲書報者產生新國民之母也。民意黨之鼓吹物也。故平日所最注意者。唯在民間出版之書報。夷之滅之不遺餘力焉。又慮其不能勝也。乃使內務大臣由內務省發刊書籍。報紙盛吹其忠君親上柔順服從之說。凡民間出版書籍。若關於政治上一切事情。不許登載。違者殺無赦。其窒塞民智。保持君權。自以爲操術之巧。未有過於此者也。

雖然。民黨苟欲得志於社會。而假一爲利用之物者。則莫若反動力。煌煌乎禁書報之諭言。適以促書報廣行而助之勢。而向日由內務省發刊諸書報。又資以兩兩比較。而民間社會之專信益力。當時青年志士。日日從事於秘密出版。而澎湃洶湧之風潮。又怦怦其欲動。

### 第七節 民意黨要求之繼起

一千八百八十二年三月十二日。皇帝下嚴令。凡學術會。劇場。圖書館。活版所。寫真店之出入者。須嚴行檢查。時民意黨實行委員。苦束縛之益密。懼勢力之渙散。乃設各種方法。以抵制政府。其方法有六。

一本黨之中央機關。吾人公然運動黨務。爲政府所不容。故不可不有秘密結社之手段。以整理中央機關。若交通機敏。號令迅捷。尤爲切要之事務。

二特殊機關及地方機關。當注意之細目。五

(一)當散布本黨員於行政官廳及軍隊中。

(二)本黨于農民間。當占其實在勢力。

(三)他團體有主張自由主義及立憲主義者。當結親密之關係。

(四)準備革命運動之用具。

(五)各地黨員。當設秘密通行機關。

三都市之勞働者。當爲勞働者謀權利之擴張。并得極力聯絡。爲本黨先後左



右之用

四軍隊 軍隊者政府之護身物也。吾人當離間之。又當以聯絡將校爲進取之要策。

五介紹新智識 黨員當實地研究學問技藝以教授青年學生。

六凡黨員之遷居西歐者當竭力聯合使彼等或直接或間接助我等之運動。而其時有一極秘密極勇激之舉動而爲各種機關之主腦。又爲要求政府之先鋒者。則暗殺主義是也。此主義既已實行。若裁判官。若偵探。若憲兵隊長官。相繼刺死。又設地雷謀殺帝者二次。雖以事洩被捕。而帝因是異常恐怖。潛伏密殿。雖近臣亦不易見。食息之頃。如履春冰。卒以疑懼之念。浸淫腦中。得神經病而逝。

### 第八節 俄廷行政上的改革

德相畢士麻克曰。天下無物可恃。可恃者赤血耳。黑鐵耳。俄民既恃此二大主義。與政府搏戰者數百年。而勢益盛。熾益熾。一千八百九十四年。尼哥喇二世即位。帝鑑於前日之慘禍。生平不置警衛。輒語人曰。『朕爲俄國生。當爲俄國死。吾民豈遂以

無故殺我。我何畏哉。』比即位。大赦國事犯。輕減地租。雖國民時有反抗之舉動。而帝則百計撫綏之。曩歲大學學生刺殺文相一獄。定讞。僅禁錮二十年。蓋帝爲太子時。目睹政變。知風潮之莫能禦。專主張懷柔政策。然以歷年讓步。終徘徊於彌縫補苴之圈限。以故未得民望。於是以今歲三月三十一日。即亞歷山三世誕生之日。發布行政革新之詔。舉其要旨。并附以說焉。

一許國民信教自由

二高正教徒之地位。而改其制度。且與以一定之俸給。

按上二條宜參觀。昔俄以希臘舊教爲國教。國教之與帝政。蓋有極切密之關係。今乃曰信教自由。則俄國國體勢必爲之動搖。因是而有問題曰。自今受教育於何宗。乎拍魯奇。哥海。沿岸之新教徒。例之昔日。尚有懸隔。耶向日被虐之猶太教徒。若與以教式之自由。果及於如何程度。歟。何以待羅馬舊教徒。歟。故自虛文上觀之。俄皇對於國民而已。自主義上。許予以幸福。若自實際上觀之。則所呈狀態如何。是亦未可知也。況關於宗教社會。而益高其地位。益優其生計也乎。

## 三改良地主與農民之信用制度

關於地主問題。自千八百六十二年農民解放以後。共出現於政治上及經濟上之大事。件亦非止一次。蓋俄國地租制度。爲村團的而非個人的。因是有禁止遷徙之禁。故此詔含有兩種主義。一保存村團自治之制。二發揮個人之自由。雖然是亦難言俄民之儉素而勤勉者。常爲怠惰者。負担租稅之責任。今日發達個人之自由。恐俄廷不能堪此。

## 四實行地方自治制以發達人民自由之權利

夫發達縣會郡會而使地方之有力者得參與地方之行政。斯固爲建設國會之第一階級。然縣郡設會。方見明詔。而即置帝國議會。則亦非法之善。徵之憲政之歷史。必先完其地方之代議政體。而後國會乃立。此固爲普通之順序。不然所謂代議士者。必曰貴族。必曰大實業家。則俄國往日國會皆然矣。又奚容喋喋爲。

## 第九節 結論

嗚呼。余嘗聞有所謂俄國主義者。其目的其手段皆含有專制之種子。即謂是爲俄

國立國之精神。可也。夫俄國國會之成立。其自彼得一世以前。亦已彪炳史乘。然偏而不全。駁雜而無序。又所選代議士。必出於貴族教徒。不然亦必爲商業之有名者。此何足稱哉。俄民憤憤不能平。起而合徒黨。立秘密會社。嘗以其父若母若妻女孫子之血。以紅其民意黨之旗幟。而與政府搏一戰。不勝再戰之再戰。不勝三戰之俄廷萬不得已。乃有今歲三月三十一日之舉。世或信之。方竊竊焉爲俄國民前途賀也。雖然。日本中村氏之言曰。『昔俄皇亞歷山二世。已制定憲法草案。未發身弒。及亞歷山三世即位。盡翻前政。今次詔勅發見之期。又爲亞歷山三世誕生之日。其專制精神。可窺而知也。』然則是詔也。謂爲形式上之文字。亦無不可。

雖然。俄國政治上革命之期。殆已愈逼愈近。俄政府日思所以防止之。乃移其對內之力。而使趨於對外。而東歐東亞兩問題。竟自爲其主動力。將以使國民之心。腦精血。專注于帝國主義之一點。而對內之勢。必殺此靖弭內亂之無上法也。不知國民進步固無後先輕重之差。對內不力則對外亦不專。試觀俄自彼得一世以後。屢開外費。而國中民黨之餓卒。亦未嘗少挫而焉能移之。而焉能熄之。

抑聞之。全地球有專制國二。一曰俄。其一則吾中國。是以吾中國與俄較。所謂宗教問題。地主問題。固未嘗如俄國今日之橫。若以言民族。則吾中國萬萬不能逮之。今日言人種者。誰不曰支拉夫人種者。後來之驕兒也。俄民既負此大好民族之名譽。度其將來。要必雄飛于世界。而吾中國民族之問題。猶沈霾于萬重泥犁之下。而猥曰。吾其要求立憲。要求何具。立憲何究竟。試一念及吾心寒。而魂驚。安得不爲我中國國民同聲一哭也歟。

(完)

滄波不可望

望極與天平

往往孤山映

處處春雲生

差池遠雁沒

颿百羣鳬驚

霧塵及薄領

棄捨出重城

臨川徒可羨

結網須時營



實業

## 論銀行與錢莊之組織及其異同

無逸

五十年前。無滙票。百年前。無滙劃。莊金融之機關。不知去今日幾倍。而當時之實業。未見大衰。則實業之不振。非由於金融機關之不備。明矣。不此之求。而顧欲設立銀行。以搜括個人之私囊。使盡聚於市肆。母亦不知大體。徒事補苴也。乎試思百年以前。工商之所恃以爲融通者。若何。百年以後。錢莊之所助以周轉者。若何。舍名求實。錢莊與銀行。詎有差池。有執是說以相難者。幾無詞以應。雖然。東西之經濟家。固無不以銀行爲實業之主腦也。東西之實業家。亦無不以銀行爲左右手也。即我國之貿易中人。亦無不以銀行爲必不可少之具。聞之銀行之定義曰。本一己之信用。以收集游散資金。而因而運用之。藉助世間之金融。以爲業迹。其經營本不以一事一業爲限。故無論錢莊之組織如何進步。如何擴充。而欲以精疲力竭之師出與兵精。

糧足紀律嚴明者相鑒戰於洪濤巨浪之中固無事兩軍之見而勝負已可豫決不觀之鐵路耶礦山耶彼以銀行而事事握其幾先我以錢莊而隨在無可爲力此事之顯著者也又況鷹麟虎視爭利益於東亞者曾未有極若徒任滙豐華俄正金麥加利德華寶興法蘭西有利諸行跳矇於大陸之上則數年後我國商權當無復存區區錢莊欲作爲中流之砥柱吾未見其可也夫此豈故爲震驚特以外界刺激日累日深不爲之探其源而窮其委恐以銀行爲無異於錢莊者固未甚悉即以銀行爲必不可少者亦未深知其組織也此予所以不得不將銀行與錢莊之異同比而列之與。

### 一 成立方法

甲 創立 銀行之初創也。有發起人焉。以資本重大。非尋常之鋪戶可比。故當照公司例。其爲合名公司 (Ordinary Partnership) 則發起人須二員以上。其爲合資公司 (Corporate Co.) 則發起人須四員以上。其爲股份公司 (Joint-stock Co.) 則發起人須七員以上。由發起人草定估量。估量以若干資本能營若干利益於地方有何關係 (Prospectus) 及

定款草案 (Provisional regulation) 呈請地方官認可。然後招股開辦。蓋較錢莊

之二三股東互相協議後。即能舉辦者。其輕重有別。因是之故。人之信用。銀行亦較錢莊爲甚。此創立之與錢莊異者其一。

乙 創立 銀行之設立也。有定款焉。 (Regulation) 凡銀行之宗旨。牌號。資本總額。各東分額。或各股分額。本行與分行之所在處。所公司之結賬方法。發起人之姓名。住所。存立年限。解散事。由股票募式。以至發起人之應得利益等。一切關於內部之事。無不詳盡。經股東創立總會中決議後。申請地方官認可。另有所謂銀行內規者。議載經理人以至各執事之職權及經理人與股東之關係。固非如錢莊家之僅有股東議單一紙及經理人與股東之議單一紙已也。其設立時之規條。較錢莊中之規條。詳略不同。又如此。此設立之與錢莊異者其二。

丙 經理 銀行既立。每年當舉行股東大會一次。載之定款。遇有特別事故。當招集臨時大會。每七日或十五日內。總經理與經理人等。當招集經理會。凡貼現滙劃。及利息之厚薄等。俱由會中協議。其營業繁盛者。又當時時集銀行總會。以銀行中



之全體執事成之。所以諮詢利弊。徐圖改良也。至此等會議外。又有業務規則。書凡交易方法。業務順序。咸詳載之。固不似錢莊家之隨時更換。祇憑經理者一人之腦力也。其經理之不同又如此。此經理之與錢莊異者其三。

銀行與錢莊之成立方法。已不同若此。然或謂此皆由於法律之故。各國商律。昭著無可苟且。以至有此種迂緩舉動。我國則向無商律。舖戶之組織。何若。惟資本主與經理人是視。而他無與焉。彼發起人與定款之認可。內規與業務規則之設立。以及種種會議。無非互相箝制之舉。未必大有關於金融說。亦近似不知銀行必規則。整齊事事。着實方足使人信用。有人信用。然後有存儲之款。項有存儲之款。項然後有運用之資。財否則藉資本以借貸。則一放債生息者耳。豈所以為銀行不觀我國之錢莊乎。其所恃以為存款者。僅二三股東之家產。官吏之游金。舍此以外。無復有絕不相識之人持金銀以求存者。然則錢莊者。不啻二三股東與數官吏之放債賬房也。較之以流通金融為宗旨之銀行。相去何啻倍蓰。

## 二 營業種類

甲存款 (Deposit) 存款有五。一曰交易存款 (Current account) 其存入之時。

須倩人擔保。並將支銀圖戳。留式備查。由銀行將收入之款。登入存款通用賬簿內。另擊小票 (Cheque) 一冊。一併交付於存銀者。任其需用之時。將需用數目。支取人之姓名等。填清於小票上。隨時支取。或將小票付人。均無不可。蓋即錢莊家之與各業交易也。其所填注之小票。即各業中所擊付之劃條。初無稍異。惟小票由銀行交給於存銀者。圖記式樣。則由存銀者先時留印。檢別較易。劃條則由存銀者自製。並圖記亦不存式樣於錢莊中。真偽之分。殊覺不易耳。至支取無餘後。再填小票。銀行亦不照付。或支取未盡。隨時增存。均無不可。二曰特別存款。自五元以上。隨時得以存入。並得以隨時支出。與交易者同。惟不給小票。存入時由存銀者交付圖記式樣後。另給小簿 (Pass book) 一冊。以使支取時填記數目。加蓋圖記。以作憑信之用。其利息較交易者為優。蓋最足以養勤儉風氣。勵儲蓄思想者。於國家之經濟。所關甚鉅。而錢莊中無此也。三曰囑託存款。存入時有一定之宗旨。如或備災患。或擬辦業等。用除宗旨中預約之事外。無論何如。不能支取。故其利息較特別存款為尤。

豐蓋有儲蓄銀行之意能於無形中誘掖獎勵爲地方上必不可少之舉而錢莊中無此也。四曰知照存款無論多寡可隨意存入亦可隨意支出第當支取之時必照約於若干日前先行知照以便行中預備於銀行之流轉甚便而錢莊中無是例也。五曰定期存款 (Fixed deposit) 存入之時約有一定期限非到期之日不能支取。銀行於及期以前亦不能預行歸還。故此種存款並不給付前項賬簿小票等物。而但與以期票一紙當爲錢莊中所時有者。惟此種利息須於存入之時先行扣去。則亦錢莊中所未會聞者耳。

按以上各款錢莊之所同者祇交易存款一種。然錢莊中之交易貸多存少與銀行之存款實亦不類。若夫特別存款以形迹求之類似者頗多而無如以五元起數以二千元爲限則錢莊中絕無其例。此以知錢莊之集金方法去銀行遠甚。因而知錢莊之信用亦去銀行遠甚也。

乙貸款 (Loan) 一曰交易貸付蓋即交易存款中之透支者在錢莊以此等進出爲營業中之大部分而銀行則不然。二曰抵當貸付即錢莊中之押款以公債票據

及貨物等爲質期滿價贖過期不償財變價作抵中外同也。其不欲以田產作質亦同。三曰信用貸付謂信其人而貸之或由人擔保或并無擔保者大致與錢莊之長期款項相似。四曰知照貸付稱貸時並不約定期限而惟視銀行之需用爲斷由銀行知照後應即尅日歸還。蓋信用之最厚者非錢莊所得期也。

按貸付各款錢莊與銀行相似至信用貸付與存款透支兩項尤爲錢莊中最盛之業。蓋半由公債不與抵當之品無多半由年終結賬商業之習慣勝人外人謂我國長於經商其以此與惜乎不更謀發達也。

丙貼現 (Discount) 錢莊之貼現也祇本莊期票而銀行則不然。本行期票固有貼現之舉其所恃爲營業中之大宗者大率皆三聯單之屬。但令出聯單者聲望不惡加之以此單付人後由收此聯單者持向應付處照票無訛加蓋圖記即可持向各銀行貼現。而要以應付者之交易銀行爲尤夥。至貼現之期則有長至三閱月者。利於金融實屬不少。嘗見有以百萬資本擬立銀行而於其估量書中則以五萬金建造房屋三十萬金備各種借貸二十五萬金備各種滙劃四十萬金備貼現之用。

可知貼現爲銀行營業之重要部分。較之沾沾於本票者。不啻霄壤矣。丁滙票 (Exchange) 滙票分電滙信滙兩種。買賣情形與錢莊同。代解 (日文送金英文 Remittance) 亦相若。惟滙劃信 (日文信用狀英文 Letter of Credit) 則有同有異。其同者由甲滙乙有一定之處所者也。其不同者無一定之處所。凡銀行之分店交易店中持信往照後。但令不踰信中所載之額。均可隨時支取。其法由銀行函至交通最便處所之分店外。另將憑信一函。外附各地分店及交易處所細目一紙但宜與憑信分處藏皮以免被竊上載事故及金額等。由本人自行署名蓋戳。沿路向各分行照信後。另行填給收條一紙。分行查其收條字迹與憑信中署名相符。並所支之數目尙未逾額者。即便照付。且將所付之數填注於憑信背面。仍將此信還之支銀者。以便他處更行支取。至滿額之時爲止。此種憑信在各分行祇以信中署名與收條署名之筆迹爲據。固便於沿途收貨。及游歷各地之用。而真僞不易別白。非信用甚厚者。銀行中不輕於給付也。歷數各款大致雖同。而錢莊以貸付爲大宗。銀行以貼現爲主要。錢莊之貸付以稱貸者之信用爲衡。銀行則於稱貸者之信用外。仍必衡以己之資本。觀各銀行之內

規曰。貸款一家不得過資本十分之一。押貸一欸不得過資本二十分之一。其慎重之心固較錢莊爲甚云。

### 三 執事權限

銀行中之有總理。猶錢莊之有經手也。顧一則事事不得違背定欸內規。一則得以隨意變換。其權限固自有別。一切執事人等。尤屬情形不同。茲將銀行中所應有者分別陳之。

甲存入課 (Deposit teller) 主應接存主清理存款賬目之事。至存款通賬及存

金期票。仍須由總經理加蓋圖記後。方足爲憑。現欸進出。存入時由存主將欸項填明存款箋中。錢由銀行置備隨時填寫與現金一併交出納課檢收。出納課點檢無誤。於存款箋中

加蓋圖記。轉交存入課登賬。支取時由存入課點檢無誤。填寫傳票。交支取人自行持向出納課支取。

乙貸付課 (Loan teller) 主稱貸貼現之事。凡貸付之可否。抵當之確否。貼現之應否。俱由渠估量後。面商於總經理而決之。至現欸出付。則由渠填注傳票。交稱貸

者或貼現人。持向出納課支取。償還贖取時。則俟出納課交到傳票後。填注賬簿。與存入課同。

丙。滙劃課 (Exchange teller) 主持滙劃賬目。至進出現款。則一如他課焉。

丁。出納課 (Paying and receiving teller) 主理出納之事。無論何人。非持有各課

傳票。及本行應付之票據者。不得擅自支付。蓋所支付之款。皆以各票爲証據也。

戊。計算課 (Book keeper) 主整理各種票據。及登記總清之事。所有賬目。俱憑各

課。加蓋圖記後之傳票核計。

以上各課。係照極普通之銀行而論。至交易繁多者。或分或合。或各課置課長一人。分課若干人。均無常格。惟銀行中之重要票據。無論貸押存借。滙劃付現。均當由總經理蓋戳。不得以口說爲憑。每日自午前九下鐘開市。午後四下鐘閉市。閉市後各課所收付之票據。合出納課之現金。與計算課之賬目相核計。必絲毫無誤。方能散職。否則各就所得之傳票相稽察。以得其錯誤之源而止。界限分明。一如吾鄉之典舖。然其見信於各業。固有由也。

(完)



哲 理

公 猛

## 希臘古代哲學史概論 (續第四期)

### 第一章 希臘上古之哲學

哲學之起源。哲學之起源亦與諸科學等而非突如其來者。必有其從來之原因。漸次進化。遂成哲學之統系者也。然而欲求起源之故。而下一正當無誤之斷語。要亦甚難。姑且思之。其殆起於人生所必須與夫人性所固有之好奇心。可無疑也。攷動物之鼻祖。則知爲亞。溯學術之起源。則又有其濫觴之地。濫觴何在。則神話是也。夫神話者。帶有諸學之性質。其屬辭比事。焉似歷史。其假物垂訓。焉似宗教。其即物窮理。焉似科學。其牛鬼蛇神怪誕。不經焉。又似小說。神話者。固兼其歷史宗教科學小說之四原素者也。彼哲學之起源。要亦胚胎於是。況乎神話之傳說。雖有種種如神與物。交與男與女。相構物與物。同化而要以天地開闢爲其間一大問題。夫

術



此問題之目的在講明物界之權輿以何因緣而產出而希臘始期之哲學亦以講明物界之現象執主張是孰憑藉是爲其學之目的則雖謂哲學由繼續天地開闢之問題而起亦無不可也

然則哲學之起源不可由是而明晰乎然而古代人民見象而拜以雷爲神種種荒唐不可思議而欲使之脫神話思想之範圍一躍而入於哲學之域其原因又別有在一由於競爭一由於交通當西歷紀元前六世紀之頃希臘廢君主貴族而立共和政體其時黨派紛紜達於極點敏腕之擅政家各拔其市府之秀者使立己麾下以互相角逐而智識於以進步又時適覆伊尼安人海上之勢力頓殺希臘伊尼安族起而代之極地中海之霸權通航四國曠觀八表滿載他國之智識而歸以此二因其結果焉遂以舊日之感想之信仰爲不足憑不可信而必來一可憑可信者以當之而於是據經驗與觀察以判斷事理之傾向生而於是神話之科學遂一變而爲哲學之統系也講希臘哲學者通常皆以德黎氏爲嚆矢吾亦以氏爲斷而依次陳之如左

第一時期 此時期中以德黎爲始至詭辯學派其研究之目的在講求宇宙萬有之本源

### 第一 伊阿尼亞學派

此派一名密理圖學派又稱物理學派其曰伊阿尼亞學派者以於伊阿尼亞築一精舍以講哲學遂得此名此派之目的在探求萬有之原素見其變化無端之所在以說明此萬象所由來其研究之道則用經驗歸納兩方法以講明之此派始祖爲德黎氏繼起者爲亞諾芝曼德氏亞諾芝蘇尼氏

德黎 Thales (640 B.C-540 B.C)

德黎者小亞細亞西岸伊阿尼安種族密理圖都府之市民也其生卒年日不可攷或曰西歷紀元前六百四十年者近是生有異稟爲希臘七賢中之魁嘗漫遊埃及腓尼西亞諸文明國修數學理學天文學等而於哲學尤別有所見以爲千古不祧之祖

氏以爲宇宙萬物其現象雖千差萬別其塞不過一物質而已此物何物即「水」是

也。隨因緣而萬變其狀態以構成宇宙。此所謂水其意蓋指液體而非謂水然氏之著述無有傳者何故以水爲萬有之元質其意要不可知。亞里士多德解之以爲水者生物之源。天地自然之美非水不著禽獸草木之生非水不能以此之故故以水爲大源近世哲學者解之以爲水者可爲氣體可爲固體無一定之形以水爲元質意在此乎以余觀之二說皆近是。德氏或有見於此而取水亦不可知。然循何順序緣何方法而能現萬殊之形體爲萬象之本源。恐起德氏而問之亦將無詞以對也。惟在當時超出神話之範圍以物理之眼光觀察宇宙知天地間雖至繁極賾而有永遠不變之原理統一於其間不可謂非千古之卓識也。

氏既以有形之物體爲萬物之本源。然天地間有無形之生機也。徧巨庶物變化無極無臭無聲中含妙用欲以水當之此固不能。於是又立無形之原理以謂如動物之活動力感覺力草木之生長力空氣之壓力磁石之引力等彌綸於有機無機之二體者其本體即神也是說焉與今日之心物二元論異。可名爲物力二元論。然氏既以有形之物質定爲萬物之本源又指物之本體爲神此其所以失也。於是亞

諾芝曼德起而補其缺點。

亞諾芝曼德 Anaximander (611 B.C.—546 B.C.)

氏亦密理圖人而德黎之門人也。通數學天文學地理學等相傳爲製地圖之始祖。又爲日晷儀之發明者氏之學說較之德黎氏則進一層。

氏疑德氏之說以爲有定形有常性之物不可爲化生萬有之本化生萬有之本厥惟『亞攞羅』譯言『無極』其爲物也無狀無形無體無性無時不存無處不在既無始終亦無涯涘萬物皆出於此皆入於此其開發之序則以一元氣動而生乾溼二氣二氣分歧遂生火土風水而萬有接踵而起矣。

氏之天地人三體構造說以爲由溼生火而分飛八表於是蒼蒼之天體緣是而成既生火矣向之溼者爲火薰炙而蒸發遂分水陸而吾人所住之大地以成人類之初以泥水爲家鄉以魚鱗爲衣服奇形怪狀與今大異待至由水上陸長養子孫窮年積歲遂成今日之人形以上諸說皆同臆造自今現之甚爲可笑而不知由此可笑之學說漸次進化遂成今日之進化說後之學者不可不察也。

氏以德氏之二元論歸於無限之一元進有形之元質於無形之原理比之德氏固稍勝矣。然無形無限之厚理決不能生有形有限之元質也。於是亞諾芝·蘇尼起而矯正之。

亞諾芝·蘇尼 Anaximenes (588 B.C.—524 B.C.)

氏者亞諾芝·曼德之門人而同爲密理圖之人也。矯前說之弊代之以『空氣』蓋以空氣瀰漫宇宙人禽之生命無不賴以維持因生此想像未可知也。而空氣者有厚薄其薄者熱而厚者寒薄者變而爲火厚者凝而成雲成水成土遂生萬有其說比之前者則進一層比之今日之物理說則支吾不少。繼氏而起者爲某氏(忘其名)探空氣而達於極端以爲艸木之生活人生之精神皆爲空氣熱度者比周圍之空氣位於稍高度者也陷於唯物說即歸消滅。

伊·阿·尼亞學派其中雖有諸說然皆注重於有形之一邊即如前亞諾芝之『無極』亦同爲有物質者而不得謂非有形之說明者也。於是一學派起而爲無形上之說明即畢達哥拉斯派是。

(未完)

## 軍事



## 海軍教育系統談

(續第 四期)

瀧川學人

海軍大學校乙科之程度及教科

乙種將校科以養成專通一科之將校爲目的故其教科程度以專科將校所當講習之範圍爲主但砲術及水雷術二種海軍大學校所講習之範圍只及學理上之研究而止若關於實地應用之研究及諸練習則于砲術練習所或水雷術練習所教授之。

乙種將校科之教育其程度在海軍兵學校之上故彼此當互相聯絡。

乙種將校科之專科又分三科。一航海科。二砲術科。三水雷科。

航海科以關於航海之學爲主若砲術水雷術造船學築城學機關學及其他航海術補助上必要之事項亦同時教授之。

砲術科 以關於砲術之學科爲主。若築城學、造船學、水雷術、航海術、機關術及其他。

水雷科 以關於水雷之學術爲主。若造船學、築城學、機關學、砲術及其他。水雷術補助諸科亦同時教授之。

以上之外。數學、理學、力學及應用力學、擇宜教之。化學則于海軍將校所當講習之範圍內教授之。

海軍大學校機關科之學科程度

機關科實以養成高等機關官爲目的。使練習機關上高等之智識。以膺將來重要之職務。故教授要目以蒸汽機關、實地機關、學機關、計畫蒸汽機關之理論材料。及構造、強弱、水力學及水力機械運動動力學等爲重要科目。同時又教授數學、理學、力學、化學等相關連之學科。

機關科教育程度。適在海軍機關學校教科之上。彼此當互相聯絡。

海軍大學校設立選科。使上級將校及機關官。可隨其志願選擇海軍上至要之科。

目、二種以研究之。

海軍大學校又設隨意科。教授各種學生海軍刑法、海軍治罪法、寫真術及外國語學。

海軍兵學校之程度及教授要旨

精神涵養爲軍人教育中第一要事。況在造就異日可爲將校之兵學校乎。夫將校第一美質。其在處事貴有純潔快活之風。而又熱心應事。抱堅實充美之精神。又有深遠研究之智。慮故負教育之任者當注意于此。以率先誘導之。以期貫徹其目的。初級將校有直接統御部下士卒之責任。故爲生徒之日。左之諸項宜隨時訓戒之。

一 將校平日第一之任務。在誘掖部下。教以優等之技術。故雖發號施令。亦不失教育誘導之本意。

二 統御部下。不可不以實踐誘導之。以躬行感行之。故將校當第一留意之事。在謹慎其躬行高潔其品性。



三 統御部下不可拘泥情實而失之寬恕常守嚴正之制裁行確實之獎勵以保持其純潔之志氣。

四 將校須具有判別部下優劣之識然恃感情以判決優劣不獨有失當之慮且易釀成重大害故于部下之性行技倆必徵之實跡然後判決優劣。

兵學校擇可爲海軍將校之人教以初等軍事教育其精神教育上既略言之而教授之學科則又大別如左。

一普通學科 外國語學 數學 理學 力學 化學 法律

異日爲將校有必須研究之學術則非藉普通學不可且能純潔嗜好高尚品性其中如數學及外國語學皆爲職務上及兵學研究上極要之事故特重視之又數學力學理學化學之程度須與海軍大學校普通科相聯絡。

二兵學科 航海術 運用術 砲術 水雷術 造船學及機關學之大意

兵學科之目的在教以航海術運用術砲術及水雷術中一般之智識兼及造船學及機關學之大意而其教科之程度須與海軍大學校砲術練習所及水雷術練習

所相聯絡。

三別科

兵學校校長可于普通科兵學科之外設別科教授他種科目于體育科則講求鼓勵尙武之方法以養成軍人尙武之嗜好。

漢學非僅少之日月所能造就故不加入然于精神涵養裨益不少且命令報告及其他將校職務上或文書往來漢學之用至大校長當留意于此使生徒獨修不忘海軍砲術練習所及水雷術練習所之程度及教科。

砲術練習所及水雷術練習所之目的在使學者精通砲術及水雷術其主要科目亦不外此然因學生階級之高下卒業後所用不同而程度方針又不可不異于準士官以下其目的在使海軍所用之兵器能供實用收最良之結果決非徒恃博聞洽識以爲長故當遵左之方法以施行適當之教育。

一海軍大學校乙種學生之卒業者

砲術練習所其目的則養成砲術長或職

務上須有砲術特技之人其教程則如左。

砲術 砲科戰術 小部隊之陸軍戰術及關於服務事項

水雷術練習所。其目的則養成水雷長。水雷艇長。水雷團員。或職務上須有水雷特技者。其教程則如左。

水雷術 水雷戰術及關於服務事項。

二機關官 教以關於水雷職務上應要之事項。

三第一類以外之將校 其目的在研究砲術水雷術之專門學。故其教育之方針。與海軍大學校選科學生同。

四準士官 其目的在修得砲術或水雷術之實用。以上達其技倆。故當隨時設置適當之教科。

五充當砲術或水雷術教員之下士卒 選拔優等下士卒。使之入學。此種下士卒于基本教育上。負有重大之責任。故必選拔適當之人。使之入學。而其教科之程度。亦比他種下士卒稍高。故當鑑于海軍教育之進步。而設適當之教科。

六可為水雷工之下士卒 以養成管理及修理水雷并電氣諸機具之兵員為目的。故其教育程度。最重實用。傍及他種學科。

七第五類以外之下士卒 以養成掌砲兵及掌水雷兵之兵員為主。其教育性質。非研究砲術及水雷術之科學者可比。故當于實用範圍以內。而定教程。又于前項之外。凡掌水雷兵或掌砲兵。于其修得之學業。使之復習研究。且冀其技倆之上達。可設適當教科。

海軍機關學校

精神涵養及教育方針。與下士卒之統御與海軍兵學校無異。唯機關官之職務。其性質上須有綿密之注意。較長于前項之外。以培養此種性行為急務。又本校之教育。科學及工業上之教科為多。生徒之性情。往往偏畸。故負教育之責者。不可不知也。

機關學校。乃造就海軍機關官之地。故高尚深遠之學理。無甯避之。而教授之目的。在開發自修之途。教以諸學之階梯而已。其學科則如左。

普通學科 外國語學 數學 力學 應用力學 化學及製造冶金學大意。而普通學之程度。須與海軍大學校機關科相聯絡。

機關科 機關科之教育其主眼在使生徒可爲初級機關官具有機關學上一般之智識所施之教育以適切于實用爲主其程度須與海軍大學校機關科相聯絡。

校長于普通科機關科以外可設立別科且誘導生徒有尙武之嗜好。

漢學則與海軍兵學校同不加入教科然執務上及精神涵養上漢學之神益者多故校長當注意使生徒獨修之。

海軍機關術練習所

機關術練習所之目的在養成優等之專門準士官凡學術之不適用者避之其教科遵上之目的及左之類別而定。

一練修機關術之下士卒

教科以機關術及工業爲主所定教育程度在養成

海軍機關兵曹使適其職

二練修船匠術之下士卒

教科以工業爲主及船體構造之大略又其他必須

之學科所定程度在養成海軍船匠手使適于職掌

三練修鍛冶工之下士卒

教科以工業爲主及其他必須科目所定程度在養成

成船艦鍛冶手使適于職掌

四掌機工之下士卒

教科以工業爲最重及必須之學科其目的在應急或小

修理之掌機工必使素養充足毫無遺恨教育程度亦因此而定

五掌罐工之下士卒

教科以工業爲重傍及他種學科其目的在養成應急或

小修理之掌機工必使素養充足毫無遺恨教育程度亦因此而定

六爲船匠工之下士卒

教科以工業爲重傍及他種學術其目的在養成小修

理之船匠工必使素養充足毫無遺恨教育程度亦因此而定

七爲兵器工之下士卒

教科以工業爲重傍及他種學術其目的在養成應急

或小修理之兵器工必使素養充足毫無遺恨教育程度亦因此而定

八爲機關術教員之下士卒

選拔優等下士卒使之入學此種下士卒于基本

教育上負有重大之責任故必選拔適當之人使之入學其教授程度亦較他種士卒高尚當留意于此鑑于海軍教育之進步而定適當之程度凡上等機關官兵曹

船匠師及機關教員卒業者。于已習之學業。使之復習研究。以冀技倆之上達。而于左記之外。可設適當之學科。

右日本海軍教育。大略如是。讀者以是爲煩言乎。則自今請勿言。如其不然。則一國未有海權。不伸而能保其國防者也。今我國士夫於陸軍主義。不可謂不發達。然補佐陸軍而使國本益以鞏固者。海軍也。吾國人留學日本者。惟海軍學校。尙未得日人許可入學。故此科于吾國各種學問程度上。尙在至黑暗之處。茲特其嚆矢焉耳。雖然。至重也。至要也。吾國人有熱心是者。不得入于日本。則遠求之于歐美。憑藉我力。誓發大願。諸君諸君。幸勿日日聞各國海軍擴張而嗤以爲無與中國事也。

(完結)



歷史

## 印度滅亡之原因

(續第一期)

葉公

### 第五節 歐人經略印度之始在於商戰

印度當十六世紀之交。莫臥兒朝衰弱之程度。已達極點。諸子爭位。藩侯分裂。於是回蒙兩種人。迭相爲主。其所以顛覆王家自謀獨立者。非果有民族之見存也。又非由於政治上之反動力也。憑藉亂機。竊王號。據土地。以自雄。長方揚揚自得。而不知彼歐人者。已如黴菌。然潛入肺腑。吮舐膏血。一旦暴發其症。已不可救。世徒驚歐人之戰勝。攻取訝爲天助。惡知夫彼于未兵之先。所經營而布置者。已別有在。夫強權何物乎。財權即強權也。歐人經營政策之發達。固由於民族膨脹之力。而亦全賴印度支那之空地爲其試驗場焉。方印度航路之初現。實自葡萄牙人華斯哥德噶馬始。彼初從喜望峰沿亞非利加達馬拉巴爾海岸上陸。齎印度土物而歸。旋於千五



百二年。噶馬更以大艦二十航印度。直入甲爾加達灣。與印人戰。勝之。遂以亞爾明達爲葡領印度太守。使管領東印度海。亞氏在職五年。築城堡。定物價。開互市場。杜絕回教國商賈。繼其後者爲亞爾伯傑克氏。又攻略麻刺加。臥亞。交趾等地。得盡占印度貿易權。未幾。荷蘭應之。侵入東印度。立甫爾。雷商會。又遣好多曼航。歷東印度。大發揮蘭人貿易。進取之氣質。惟以各立分社人。自爲戰。雖氣勢勃勃。然以言握樞權。占大利。則未也。千六百二年。蘭政府聯合各洲之商館。爲東印度總商會。氣力爲之一振。於是漸驅葡人。使馬忒利甫來東印度。設蘭領殖民地。以千六百六年圍麻刺加。葡以艦援之。不勝。於是蘭。葡以印度爲戰場者。有年後於千八百八年。至同十年。如孟加拉海岸之申爾加達。信地亞之拉及。古羅茫特爾海岸之黑爾夫爾。皆爲其貿易場。同十年。荷蘭東印度商社。自小船外。有大艦二十八艘。大習海軍。人人皆跳蕩欲戰。乃於同三十二年至四十三年。略取葡領之麻刺加及錫蘭數城。於是葡地盡爲蘭有。蘭以馬忒利甫爲蘭領印度太守。當是時。能與蘭人角逐于商界者。英人也。方千六百九十一年。英人雷孟特至東印度。與印人訂各地通商互市之約。

### 第六節 猶布烈之計畫

同九十九年。英商以商社同一之方法。募資本金三萬磅。設立商社。名東印度會社。印度一片乾淨。土葡蘭角於前。英蘭逐於後。蓋歲無寧日焉。初葡人之在印者。謀阻英人之商務。英人怒。以泊司士爲總督。率商艦戰於印度之修朗次忒港。勝之。自是東印度會社之勢力。上壓莫臥兒。希朝一般之臣民。乃更立一製造場。至千七百八十年之終。又與荷蘭戰。前後不距數十日。奪其艦二百。以歸。復征峇東。印度。蘭領之要地。是時英人代荷蘭而興。較其權力已有并吞全印之勢。盡變其在印各處所建。壓舍之體制。上自監者。下逮僕隸。皆以軍法部勒。隱隱一大成。壘于臥榻之側。而印度諸侯。猶未悟也。偷安逸。居猜忌。相攻或揣摩。媚外種種之方術。以博英人歡。加以葡蘭。英法日事商戰。印度帝侯已成空王。語曰。室已焚而徒薪。疾已成而求艾。雖殫力爲之弗及也。故以東印度會社成立之日。爲印度亡國之第一紀念。

乘莫臥。帝國之空虛而首先觀破此機關。決欲移植歐人之勢力于印度者。法國。猶布烈其人也。先是英國商社。徒謀貿易之務。未遑并吞之策。猶布烈至。則放膽爲一

豫言曰：『印度諸侯雖據多兵，實不當歐兵之少。數苟招募土人以歐兵法教練之，以歐將士指揮之，則可成壯勇之軍隊。』又曰：『歐人欲收印度之全權，必先籠絡其有尊號而爲印人所尊敬者，如乃撒姆訥薄普等，引爲我助，實爲經略印度之第一妙計。』嗚呼，是術也。歐人行之于吾支那者，有年矣。吾支那人以爲不足憂，則試觀布烈則試觀印度，布烈計已定，乃觀釁而動。適印度聯邦諸侯皆謀獨立，歐人乘間干預其內治，或以歐洲新制，或以封建舊例，政出多門，國內日亂。千七百四十八年，印度德干太守亞爾摩利薨，其子奈爾襲位，德干版圖中有哥納給克一地，饒土也。亞爾摩利孫麻撒法襲額謀奪之，且思篡其君統。同時有故納薄普之義子曰姜賽普者，欲篡亞納巴爾湯之位，於是共起兵，且求援於布烈。布烈則大喜，蓋以我苟定哥納給克地，立德干太守位，則二人者必助我，我以時經略南印度，何欲不遂？乃遣兵四百輔以所募之土人二千，屢戰皆捷。亞納巴爾湯敗死，其長子麻罕穆德阿厘，時爲亞爾摩利之納薄普斂殘卒，走武利幾奴普里，于是麻撒法襲額遂占領哥納給克全部，尋奈爾襲額爲臣下所殺。麻撒法襲額代爲德干太守。至是布烈政

略軍謀皆大驗。麻撒法襲額遂行即位禮，布烈服回教國最上等紳士服，與乃撒姆同車招搖過市，羣以爲元勳，尋拜爲印度知事。自克利斯武奈河至古莫令岬，咸被占領，權力迥出襲額。賽普上布烈，又以時握鑄造貨幣之專權，凡德干太守累世所辛苦積蓄之金產，盡入布烈掌握。馬則虞之厩壁則虞之外府，布烈所爲實與晉人滅虞將母同，同時又以民三千萬歸其管轄，任何爵位非由布烈推舉，則印政府不敢給與之。任何章奏非經其簽押，則不能上達于國王。未幾麻撒法襲額死，其家族又以布烈力得承襲所有權。布烈以數年經營之全力，至是遂躋登于全印度帝國第一有力之君位。皇皇法人猶布烈名直驚于莫臥兒帝國之宮中，然固破胆失魄，奔走懼伏，不敢動。


## 第七節 英法之交爭

方猶布烈隻手播弄印度時，英人尙蜷伏于麻罕穆德阿厘朝，瞠瞠乎正在人後。麻罕穆德阿厘雖爲哥納給克之納薄普，而其領土則僅有武利幾奴普里一小地，猶布烈猶攻之忽焉。一勇將出現于英軍，則路德克雷武氏也。自路德克雷武出現，猶

布烈乃大挫。且盡代法人勢力而有之。克雷武初爲東印度會社書記。見英威之日替也。乃以書告政府曰。『今若不決一處置之法。則忒利幾奴普里且入敵手。亞納巴爾湯之王家將亡。印度半島恐非我有。故今當以一大血戰爲第一要着。宜襲擊甲爾加達。蓋以此爲哥納給克首都。世世納薄普所居也。得之則忒利幾奴普里之圍當自潰解。』英人大贊成之。盡委其事于克雷武。勒卒得五百人。一日暴風雨。克雷武突進甲爾加達城。守兵大潰。乃貯糧食。築壁堡。爲持久之計。時襄額賽普方與法軍共圍忒利幾奴普里。聞訊大驚。以兵四千往援。比達猶布烈亦以自彭其樹里遣來之法兵百五十人至。遂以襄額賽普之長子拉甲賽普爲統帥。合圍甲爾加達。攻甚急。克雷武不少挫。已而麻刺加酋長馬拉利路以兵六千人來援。拉甲賽普見援軍之動也。密以巨利昭克雷武。使速媾和。克雷武不允。又辱之。拉甲賽普大怒。將以麻罕穆德長子呵賽因忌日來攻。克雷武偵知之。既接。克雷武擊卻之。是役也。捷報至生特局。忌同地人民皆大喜。即遣英兵二百。土兵七百來。克雷武既得此軍。乃益奮擊幾密里寨。陷之。又追擊拉甲賽普。大勝之。降土兵六百人。既拉甲賽普又以

軍並法兵四百人。叩生特局忌之寨。盡毀英諸紳之別墅園囿。尋又爲克雷武所敗。喪法軍百餘人。克雷武遂乘勝直赴生特局忌所向皆捷。敵兵泰半乞降。方戰之酣。猶布烈益憤發不少挫。挫法政府則背之大排。猶布烈之所爲困其財絕其軍。猶布烈乃自以賂誘土人。盟至盡傾其私產不足。則貸巨債以益之。將以煽動民心。使背馬德拉斯政府。鬱鬱未遂。竟以千七百五十四年。自法政府召還。或曰。是英人所爲也。其後法政府以拉爾列代。猶布烈爲法領東印度總督。不數年。法人東印度所領。盡入英人之橐中矣。猶布烈以靈敏機詐之政。略導英人而先之。而英人乃收其成功。誠哉盎格魯索遊人種之力。非拉丁人種所及。無知印人又復何論。徒日以印土爲外人之戰場。以印人爲外人之虎俥。而不之悔。忘國之禍如是如是。 (未完)





靈鷲高峰照暮霞  
 凄迷塔樹萬人家  
 恒河落日滔滔盡  
 祇樹雷音付落花

# 地人學

(續第  
四期)

## 第一章 性質之研究……國民地理智識之必要

夫學科亦夥矣。充塞于廣宇悠宙之間。無往而非學問。顧何以必自地理教育始者。則以地理者。啟蒙之第一良法也。教育需材料。而材料繫于茲。教育需實驗。而實驗賴于茲。小學校之教科。若歷史。若物理。苟根于地理。而演講之。學徒未有不豁然貫通。愈覺有味者也。

今試導學徒一遊西湖。鳳凰(山名)已去。宋宮何在。蘇白(堤名)既逝。岳墓猶存。不特歷史上之事實。歷歷眼前。而種族之觀念。且將油然而勃。起于不知不覺之中。若觀夫所謂「三潭印月」「雙峰插雲」使之了然于物理上之常識。而反知印插二字之爲無當也。馴至一草一花。一水一石。無一不可以化學博物之理。分割而指畫之。是



壯夫



故地球一大學校也。兒時釣游之地。則又至近至便之實驗室也。雖然。此猶普通之言耳。實則養成一國之民。非如呂新吾所謂『泰山喬嶽之身。天空海闊之腹。和風甘雨之色。日照月臨之目。旋乾轉坤之手。槃石砥柱之足。臨深履薄之心。玉潔冰清之骨』斷斷乎其不可也。諸君諸君。亦知今世界各按其民族之特色。逐鹿于大地上者之英。俄。德。美。乎。及推其所以致之之由。不過地理智識。有以養之而已。英之兒童。其氣魄其精神。吾已言之于前。以言乎俄。則前途決決。隱然有鯨吞歐亞之勢。彼得之遺訓。即謂其國民之代表焉。可也。以言乎德。則乘民族主義之風潮。龍門一躍。稱霸西方。今皇威廉。且以輔朕為世界主翁之語。以勵小學之學徒矣。以言乎美。則小學之學徒。更有令人驚倒者。其唱歌其游戲。皆有破浪乘風。凌駕萬里之概。此孟魯主義所以一出口而為帝國主義。而二十紀之政治界經濟界。皆足稱南面王也歟。

吾今更合前後而切言之。曰世界地理其要矣哉！世界地理其要矣哉！！大地茫茫。待吾操縱。豈可囿于本國為井底蛙乎。萬事必有比較。而後有觀念。否則徒斷斷。

夫本國之何處。有山何處。有水。是所謂排門板之教育。聞者昏昏。欲睡。末由知天地。開學問之樂。則國家之思想。更無論矣。故教授本國地理。本所以啟其愛國思想。然必高出局外熟觀。夫世界大勢之所趨。而後有以曉然于國家民族之關係。宜何如。而獲占一席于大地。于是愛國愛種之念。愈根深蒂固。而無可撼也。噫。世界地理其要矣哉！世界地理其要矣哉！！是在以本國為標準。為朝宗焉已耳。

## 第二章 地理與歷史

地理與歷史。猶舞台與劇曲。不可以須臾離。不學地理。而學歷史。是無盤之奕也。盲人之究天文也。其可乎。其不可乎。

且歷史之精神。在民族故民族與地理又有極大之關係。山國民族。歟。平原國民族。歟。海國民族。歟。觀其風俗。察其性質。皆有特別之感化。雖以今日人為之力。猶未能抉其藩籬。此天定力之強大。實有不能誣者在焉。嗟嗟。人動物也。地球非動物也。而其關係之緻密。一至于斯。東人有言曰。『一國之歷史。乃其地其民之相互的動作。其關係之緻密。一至于斯。東人有言曰。』

Interaction之結果也。誠然誠然。吾今請先述山國平原國海國民族之歷史。

## 山國

一山與自由國之分界不依水而依山者自由愛國者之城壁也野望的侵略家之妨害物也來因滔滔不能奠法德之疆于久遠而派來尼斯 Pyrenes 山脉獨能鎮法西之爭北海雖洶湧澎湃顧英倫三島不能免大尼人種之來侵而如蟻垤之切維脫山 Cheviot 獨能保蘇格蘭千年之獨立

埋于愛耳披斯 Alps 峰巒重疊之中爲歐洲自由之本源者非瑞西乎自千三百八三年三小州同盟以來隣邦多事亘六百年而專制之毒終不能乘隙以入即以拿破崙之饒狠手段蹂躪全境然不四年而自由復出現于故國美哉美哉山巍巍兮高峙水涓涓而環流瑞西眞仙境哉

其他若鐵羅兒 Tyrol (在瑞西之東) 之民舍舞衣 Savoy 之教徒皆賴山國以久存其自由者也

一山與宗教 山之上空氣清明四隣靜淑俗界遠而天上近眞宗教思想之絕好產地也故矛撒山 Musa 之巔煌煌十誠天授生人喜馬拉山南面之靈鷲山佛教

開三千年之基而爲東洋宗教之遠源

一山與英雄 嘗讀世界史知天眞爛漫之偉人多于山而少于平原諺曰英雄出所山水好有是哉今夫蘇格蘭岩石崎嶇之地也而世界人物輝映于青史者踵相接又北美之紐哈披蜜 New Hampshire 合衆國中最小州之一也山占地之什八砂石狼籍不便耕耘歲出物產稱爲下下而獨以人材一物冠絕羣州剛勇着實之丹宜兒 Daniel 慧勃斯倫 Webster 苛來斯 Horoe 革利來 Greely 實足稱代表的美國人而無愧色者也

吾聞之西班牙北方之諸州派來尼斯山脉蜿蜒盤旋于其間其國人常自誇曰此吾國人物之誕生地也吾又聞德國之南有苛治山山石磊磊陰森幽鬱德人亦自誇曰是乃吾國剛骨男子之產所也

上之所述支離破碎不足觀吾不多言已吾今乃就山脉之爲境界線者而略論之山脉之爲境界線者有二種一走東西一走南北前者于統一民族有極大之妨害後者于聯合國民有非常之勢力謂予不信請略舉數端爲國民告 (本節未完)



傳記

匪石

## 中國愛國者鄭成功傳

(續第三期)

## 第三節 鄭芝龍十九年間降叛之概略

欲述鄭成功之生平。不得不先述其父鄭芝龍之歷史。

吾大不解吾中國元祖黃帝之何子何孫以何年何月何日乃怪產一鄭芝龍先儒有說國家將亡必有妖孽此言若可信若不可信但亦偶偶有一二故實鼓激于吾人之耳膜迷離恍惚賊人聽聞余嘗聞故老言明萬歷甲辰三月怪石出浮於廈門其石有文文曰。

草離雞鳴長耳大尾銜鼠千頭拍水而起殺人如麻血成海水揚眉于東傾陷馬耳生女滅雞十倍相倚志在四方一人也爾庚小熙皞太平伊始噫嘻鄭芝龍何配擔當此大祥雖然鄭芝龍者屠殺國族之創子手也降叛旗下之

傳記

Hanshan Collection

好人物也。肇自始生之年。下逮身死之歲。芝龍無一時無一事不與朱明爲死敵。黃帝在天有靈。其淚滴滴化而爲石。芝龍年十八。不安于福建泉州之血地。遁入廣東香山。依于母舅氏黃程。程業商。芝龍乃業商。時中國海商經行地。率不越日本緬甸暹羅諸國。芝龍居三年。以商來游日本。從舅氏志也。

日本國于吾東海之東。其文字同。其風俗同。吾中國海上豪傑。不得志於政府者。大率流寓於是。所至散財立俠號。召徒黨。而閩人顏思齊實爲之魁。芝龍既至。投入之。既。日本幕府疑思齊將不利於其國。下令逐客。思齊曰。其曷返吾祖國乎。或曰。往舟山。或曰。閩。比決議。某某言臺灣新土。利于生聚。遂以明天啓四年八月十四日。以十三艘向臺灣進征。逐土番而居之。明年。思齊死。以下推芝龍爲渠帥。自是南犯閩粵。東掠江浙沿海諸州縣。吾國民大騷擾。嘗以芝龍爲吾國民身家仇。

雖然。彼鄭芝龍何人。斯屠殺國族之劊子手也。降叛旗下之好人物也。其腦筋其眼簾。非燦燦之黃金。即戔戔之紗帽。夢中時作大官狀。覺而知爲夢也。曰。吾安能鬱鬱久居此哉。適盧毓英討芝龍。爲所俘虜。芝龍以爵要之。毓英歸述于都督俞咨皋。咨

皋素持討伐主義。不應之。芝龍又勝之於廈門。已而熊文燦撫閩中。芝龍率所部來歸。彼一時乎。此一時乎。芝龍裂海盜冠。毀海盜服。面目都改。心腸皆非。居於「海盜儲海盜」之忍鄉。有年。殺夷紀平。黃香敗鍾斌。滅李魁奇。而自以副總兵擁妻子。廣積聚于八閩之泉州。

大風忽來。落日無色。閩海波濤洶洶。已逐唐王聿鍵。黃道周。張肯堂等孤舟。而至芝龍以定策功。封爲平鹵侯。然驕恣益甚。在朝與何楷爭坐。王行郊天禮。又不至。彼嘗以唐王爲難兒。爲亡王彈冠。躡履。竊竊自喜。大有「滅國由他滅。國富貴自我富貴」之奇概。故常與清人招撫江南。福建者通。成功患之一日見王。王怏怏不樂。成功曰。『得毋以臣父故耶。雖然。臣王臣也。而王今日中國之中興主也。臣義無反顧。請以死扞王矣。』慘乎成功得于家。則失國。得于國。則失家。家破能瓦。全國亡。不可興思之。思之乃終其身與芝龍長辭於降叛之天地。

而是時清兵已由浙趨閩。閃閃「大清順民」之旗。直隨清師所到。地迎風而立。清師博洛略泉汀。成功母在圍城中。而題曰。『余夫非中國人乎。今惜一死。何顏面以對。』

中國『死之清師益進。芝龍猶豫未決。博洛乃遣人招之。其書曰。吾所以重將軍者。以能立唐藩也。人臣事主。苟有可爲。必竭其力。力不勝。天則乘時建不世之功。又一時也。若將軍不輔主。吾何重將軍哉。且兩粵未平。今鑄閩粵總督印。以相待。吾欲見將軍者。商地方故也。

嗚呼。此閩粵總督印。果佩于降將軍鄭芝龍之腰間乎。索其身。僅得降表。一降旗。數十餽金。數百萬。芝龍乃召成功計事。成功曰。清兵不足患也。閩粵吾所自有。父欲得之。則乘時練兵集餉。號令天下。豈無應者不聽。子弟勸入海。不聽。成功又諫曰。父教子忠。不聞以貳且北。朝何信之有。倘有不測。兒只惟縞素復讎而已。又不聽。而盛張投誠勳。求官者皆就議價。比見博洛。博洛陽與歡。痛飲三日。夜半。忽拔營挾芝龍北去。嗚呼。亡國大夫。其如是矣。自是聞芝龍一喚。僕則偵者至。一作書則監者至。所俱五百人。垂垂盡散。博洛時來。強芝龍作家書。令作『清朝厚恩。爾當來歸』。語告成功。清始以閩粵總督餌芝龍。又欲以芝龍餌成功。成功不受。芝龍曰。是兒不至。清其敵于奔命乎。未幾。芝龍卒爲清廷所殺。

#### 第四節 義師之初興

東山鳳已去。西野麟未歸。物猶如此。人何以堪。徵聲間作。忽觸吾耳。歌曰。

噫嘻。我所愛之祖國兮。夕陽猶是。兮江山已非。

噫嘻。我所愛之生父兮。燕山之東兮。燕山之西兮。胡笳嗚嗚。胡不歸。

噫嘻。我所愛之慈母兮。泉州城上兮。烏鳥南飛。泉州城下兮。麋鹿追隨。兒身未死兮。

兒心不違。

此歌者。誰則中國英雄鄭成功。其人也。嗚呼。水激則立。空氣遇壓力太重。則躍。英雄乎。英雄乎。抑鬱至極。則益奮。成功既身遭『父亡』『母死』『國家多難』之三大慘境。俯仰身世。悲憤交集。益慨然有『甯爲國民死。不爲奴隸生』之抱負。沿海一片土。或可爲英雄發祥之鄉。迺投袂而起。

雖然。成功是時。猶王侯府第中一驕兒也。成功雖遇主列爵。王則寵之。父則暱之。固未嘗與聞兵事。至是大激昂。跚跚過孔子廟。解所服儒服。陳於先師之前。而焚之。且

祝之曰。



嗚呼。先師國家已矣。父諫不聽。母死非難。成功之罪。其曷可道。謹謝儒服。以矢厥志。嗚呼。先師昔爲孺子。今爲孤臣。仗先師靈。宏濟大難。其濟國民之福。不濟成功之罪。嗚呼。先師實式憑之。

既祝長揖而去。遂部勒將士。所善陳輝、張進、施琅、陳霸、洪旭等。願從者九十餘人。其自外至者。文臣則浙江撫臣盧若騰。進士葉翼雲。舉人陳鼎。武臣則甘輝、藍登、顯貴、則林壯、鄭金裕等。皆來歸。部署既定。廼以大艦二收兵南澳。望風來附。得數千人。成功乃告天誓師。其誓詞曰。

忠孝伯招討大將軍罪臣朱成功。敢以一掬淚一滴血。瀝誠竭忠。以誓於我三軍。我普國國民之前。嗚呼。爾祖爾父。所日日教告于爾等者。何言乎。夫國民之所以能受光榮者。徒以有國在耳。今清兵南下。行且盡收中原。爾等試一轉念。爾等累累狂奔如喪家之犬。如待亡之人。爾士誰踐之。爾衣食誰衣食之。嗚呼。不有國母甯死。余將誓師中原。與決生死。爾等有與吾同志願者。其投鞭來從軍行矣。

於是一片從軍。從軍。殉國。殉國。之聲直應成功誓言而起。皆曰。今唐王已

死。吾閩無主。雖然。吾聞永明王尙在梧州。已改元永曆。其下文臣猛將。皆能爲國家死難者。且兩粵亦吾中國土。吾等舉師援應。閩粵勢合。徐圖東方。事必有濟。既決議。遂以某月日上表于永明王。奉朔稱永曆元年。

是歲成功與鄭彩、鄭聯共攻海澄。不克。八月與鄭鴻逵攻同安。敗清將趙國佐。進軍圍其城。以援至解圍。明年成功又攻同安。守將遁。遂拔其城。成功令葉翼雲守之。而自將兵轉侵泉州。已而清兵攻同安。葉翼雲死之。方是時。魯王令大學士劉中藻略定福甯州。與平夷侯周鶴芝相犄角。連復建甯、漳浦諸州縣。溫台義兵雲集響應。一時軍勢頗張。

而成功卒以孤軍懸絕。無所用武。又念母田川氏以日產殉身。國難東望。神山吾弟尙在。乃以一紙書寄于日本長崎譯官。略曰。

大明龍興三百年。治平日久。人人忘亂。乘虛攻陷兩京。愴懷神州。咸被腥羶。成功深荷國恩。義無返顧。徘徊閩浙。頗有從者。然孤軍懸絕。萬辛千苦。中心未遂。日月其邁。成功託生貴國。深慕俠風。伏維仗義。假我師旅。惟執事實昭鑒之。

比達。日本以有事不報。於是中國南部。蟄龍鄭成功。廼以單身搏戰于閩海者十數年。

(未完)

如公更緩須臾死

此勝安能八十年



國際政局

## 斯拉夫人種與條頓人種之競爭

(續第二期)

孫

林

奧自查爾斯大公之後。有大將軍名臘豆箕者。距今七十年前。論俄奧二國之政治。及軍事之關係。洋洋數萬言。悉中肯要。雖奧之國勢。屢屢更變。而臘氏之言。仍爲俄奧今日之大關係焉。今特摘其最要者數條。其言曰。

俄以天然地勢之故。永爲土耳其之大敵。蓋以俄之國土。既廣且大。而其產物之輸出。船舶之交通。惟有二水路耳。一爲巴傑克水門。其他則包斯弗拉海峽也。故俄人盡其獅子搏兔之全力。惟以取君士丹丁堡爲第一要着。否則俄國國民。未能安枕東流。即領土亦不能完備。俄之蓄意于君士堡。良非得已也。故俄之對土政策。雖屢變遷。而決不肯毅然捨去之。因是之故。歐洲諸國。日觀東歐俄國之行動。而深爲之備也。

奧國自勃陸乏至克樂卡之地之居民。爲國中強大之要素。而彼等居民。其言語宗教。與俄國有密接之關係。故常有東傾之勢。奧人患之。所以日夜畏俄。而爲之備也。

俄國之欲攫取包斯弗拉海峽。果何意乎。夫固言之矣。俄不得此海峽。則其國不能安全也。雖然。俄若得此海峽。則奧國之利害關係。何如其勢。不至奧爲俄吞。不已。是又奧之所以日夜恐俄而爲之備也。

多腦河者。奧國最要重之交通路。全國之血管也。與俄國之於巴傑克水門同。是河注於黑海。奧國處於下流。雖享此河之利。而每每恐人斷其上游之大定。奈司海峽。則此河之水利大減。是以俄奧二國。若不因對於土耳其而同盟相提携。則交爭利益之事。且不休也。雖然。斯二國不能。

臘氏之言。明料如神。前後數十年。二國之國勢。竟莫能越其範圍。當氏之時。奧國國勢。尙未如今日之分裂。尤有雄飛全歐與俄人對壘之概。及國內變作。奧匈分裂。奧國政府汲汲於內治。姑求保其所有。不遑復作雄想。加之奧匈國民。顧近時之歷史。

## 大勢

喪敗之餘。勇氣頓減。朝士大夫。無進取之精神。奧匈之政治家。徒恐悻悻。畏縮坐觀。斯拉夫人種。統一主義。駸駸日上。而已。於是奧國之斯拉夫族人。見俄勢之日西。歡然迎之。如水之歸藪。大有同化之意。項羽駐軍垓下。四面楚歌。君子於是知項楚之將亡。斯時也。奧人大窘。於是不得不左折而傾心於德。低首下氣。怵怵。俛以求爲其司心。聊自壯氣。以爲快。

德自畢士麻時代。即昌言東方問題。於德無稍關係。雖至今日。德之政治家。尙以此言愚人。其實東方問題。與德之利害。有絕大之關係。焉。何則。俄而果得君士丹丁堡也。則斯拉夫種人所居之巴爾幹半島。必直折入於俄。而奧國之三面。均與俄接壤。俄人之勢。必大侵入。終至奧匈之斯拉夫種。爲俄所吸取。全化爲俄民。而後已。而所餘千百五十萬之條頓人。與巴傑克沿岸之德人。同陷於苦境矣。故曰。使俄人得君士丹丁堡。是使奧匈爲俄化也。

夫俄取君士堡者。吞巴爾幹半島之義也。吞巴爾幹者。兼并奧匈斯拉夫種之義也。也兼并奧匈斯拉夫種者。同化奧匈條頓人種之義也。由是觀之。德人於俄人之。

取君士堡也。不容袖手旁觀明矣。是故縱俄人使得意於巴爾幹諸國。則德失奧匈友邦。而親蒙俄禍矣。故曰俄秦人也。巴爾幹韓魏也。奧匈趙也。德齊也。韓魏入秦則趙舉而齊患及矣。

以上所言。則德人甚忌俄之東方經營無疑。然畢士麻及諸政治家。言其無關係何也。是亦畢公之政策也。德人知與俄開釁於已不利。故於俄國之經營。每不于正面反對。而暗施其外交手段。嗾使諸強用反對之策。絕俄之南進。蓋以爲法國者。俄之同盟。而德之世仇也。德若與俄戰。則必不得不與法戰。以一敵二。其勢將不支。即幸一勝。亦于德無大利。是以專事敷衍。務買俄之歡心。以繼古來之友誼。雖然。如此交歡。實不過表面之交情耳。以德之境遇而論。是宜堂堂正正。盡力以阻止俄人之勢。俄人勢長。則德人勢消。試觀俄人之對于土耳其。其惟恐其不亡。德人則惟恐其亡。輸之軍械。助之將士。爲之敷鐵道。以延土之國命。其用心可知矣。

是故德之于君士堡土政略。明爲非俄的無疑矣。欲知德之見嫌于俄。而親于土。觀德帝至二國之情形可知。于八百八十八年七月十九日。德帝維廉二世訪俄帝于

聖彼得堡。俄人遇之甚淡。德帝怏怏而歸。俄帝又不即答禮。直至五月以後。始一至德京。禮儀不備。草草了事而已。事後一月。德帝乃訪土帝于君士堡。土國國民極友邦之誼。以歡迎之。上自土帝。下至庶民。無不以德帝爲恩人。爲保護者。竭款待之誠焉。于是德俄之感情益傷。夫德之所以盡力援土者。非獨爲防斯拉夫人種之勢而已。抑亦有野心于小亞西亞也。蓋德爲歐洲諸強之後進。殖民政略。每後人一步。惟小亞西亞可爲德將來之殖民地。因特注意于君士堡。夫今日之君士堡。雖不如古時爲世界之關鍵。要尙可爲小亞西亞之關鍵。若俄人一旦占之。則德人之勢斷不能及于小亞西亞。是地終落于俄乎。故使俄人得君士堡。則德人于此則失。奧匈之友邦于彼則失。將來之殖民地質而言之。俄人得君士堡。則德人于歐洲之內。歐洲之外。無所施其膨脹。德不能膨脹。則不能躋于第一等國。而其人民悉爲盎格魯撒遜人種所吸。徒使英美益強大而已。

是故德人若勿注意于近東。使俄人得自由行動。則俄人滅土耳其。收巴爾幹。取奧匈。慾壑無已。必張牙舞爪。而迫德矣。夫俄人亦垂涎于德國中之波蘭之一部分。欲

吸取之久矣。若德人于近東之勢失，敗則普魯士之重要部分必失。德人知之甚悉，故極力注意于君士堡以防俄之南下。

俄人之擴張領土于亞西亞，是德人之所喜也。何則？俄之亞西亞領，非獨不能增俄之勢力，反減之耳。不獨不能致富，反以費行政之鉅額，使財政疲弊。加之俄人爲維持亞細亞之領土，駐兵十三萬以防禦之，向使此兵移戍于歐洲，以對德人，則德人之憂也是。以德人于亞西亞每與俄人相維持，而與他強相反對他日極東德國有不可思議之舉動，職是故也。若知此關係，則他日德人于支那之方針可推而知矣。俄自柏林議會，屢爲德欺，即闕破德之陷阱，視德人爲其大敵。蓋即防害俄人君士堡之政略故也。以爲反對俄人之近東政略者，非英非奧，厥維德人。怨之頗深，是以德雖竭力僞表親誼，欲求俄歡，俄人只以形式答之。雖以惟廉二世親屈萬乘之尊，首先枉顧，亦只喀喪而歸耳。

欲知俄德以後之勢，不可不察俄人於德境邊境之兵力。蓋俄人爲備德，故兵馬之數，歲有增加。防備極嚴，如臨大敵。其伏兒遜那及勾府三州兵士增加之數如左。

千八百七十九年

一四步兵師團

八半騎兵師團

千八百八十九年

二五

一〇

千九百年

三一

十六

至於其兵士及馬匹之全數，尙未知其明細。蓋俄人軍隊之組織，秘密異常，數數增減，無從闕測。然以專門家之記算，則俄兵之聚集于德境之邊境者，約六十萬。馬匹十萬。野戰砲二千三百門。爲數之鉅，殊令人聞而失驚。按俄之全國，除此三州以外，共計僅十七師團之步兵。四師團之騎兵已耳。若是，則此三州之兵數，已敵全國三分之二矣。顧不可畏哉。其最接近德境之兵數，有步兵百五十大隊，騎百四十中隊，及砲兵五十中隊。故一旦令下，二萬騎之俄兵，不及數時，可直衝入德境矣。均以是故，人或謂俄人之厚集兵力，于是，蓋別深意。夫俄國之地勢與美國同，土地廣濶，無他國侵入之恐，且國中產物足養其人民，不至以他國軍事之故而有饑饉之憂。故俄人若果以平和爲心，則如美國之僅用常備兵而努力于國內之警察可矣。俄國不然，不問財政之困難，以盡力武備。平時養將四萬兵士，百十萬。其目的非專在防



禦可知其用維何。讀者試觀上言，當能下一斷語。俄之爲國也，其在歐洲，則爲不須武備之國。何則？自德之邊境至聖彼得堡，計四百五十英里；至莫斯科，六百英里；自奧之邊境至聖彼得堡，計六百五十英里；至莫斯科，七百英里。則俄無兵燹之恐明矣。反之，俄軍至德京柏林，僅百九十英里；至奧京維也納，僅二百英里。況德奧富國也，敵軍入其國，可因糧支食。俄貪國也，敵軍入其國，有絕糧之憂。加之俄之國土，遼遠無際，雖失國都，尚可持久待戰。而德奧若國都一失，則國墟矣。觀上之所比，則俄之汲汲于武力，非具有雄心爲攻擊之具而何？俄國之政治及軍事之活動，由其國土之情狀、人民之境遇及治者之野心而發者也。夫俄國之幅員廣大遼遠，固不待言。即其人口之增殖，亦聞而心驚。千八百六十二年，全國人口不過千九百萬耳。不五十年間，至千九百年，直增至一萬二千九百萬。其增加之速，歐洲諸國實罕見其儔匹。其國土其人口其富源天然，使俄之人民自信爲大國之民而發雄心。其土地大故其政治家之野心亦大。嘗考俄之政治家，厥有二野心：一欲自由開放門戶于地中。

海一欲統一斯拉夫人種是也。然此二大野心實出一途。夫固言之矣。俄人若出地中海，則必取君士堡。其結果必使斯拉夫人種悉爲俄所兼并。反之，俄人若先統一斯拉夫人種，則君士堡必亦仍落其手也。

俄之政策，千變萬化，雖有智者難闡其奧。然苟知其目的之所存，因而推之，亦匪難知。質而言之，俄人之政略，厥惟以取君士堡爲主。其冒險於亞細亞行滿洲政略，不過以近東無機可乘，閑殺英雄，聊以此消塊壘耳。其侵印度，進波斯，威嚇英國，其目的所在，亦不過欲使英人畏而默許其占君士堡以速成近東之政略耳。故俄之政治家行種種政略，出種種之計謀，外面似極複雜，要其旨仍不外取君士堡也。夫俄人之欲得君士堡，非獨便于通商，實別具有大雄心焉。若俄人既得君士堡，則黑海全隸俄版，于是練絕大之海軍，他國均無能知其虛實。一旦出人不意，輸送艦隊，擾全歐威嚇諸國，則歐洲且無寧歲而後施其蠶食之技，以建一極大帝國。亦非難事。要之俄人得君士堡，雖不能統一全球，而雄據兩洲，則綽綽乎有餘。

由此觀之，雖云欲得君士堡爲俄人獨一無二之大希望，非過言矣。其日夜孜孜，惟

以擴張武備爲事。蓋俄之于此。由來已久。至今雖終不得遂。而其欲得之之心。如一日也。試觀俄國于千八百四十三年。尙無國債。至千九百一年。忽有國債至六萬五千六百五十五萬。是皆軍需之用可知。俄人之不屈不撓。欲達其目的。實可敬可畏也。欲知俄之政略。當先求其指導此政略之人。其人維何。則非外務大臣。而教務總官卜比得司覺夫氏其人。卜氏者。爲俄廷最有勢力之人。其同黨極衆。皆以氏爲首。氏爲人長於外交。每神妙無窮。且熱情任事。嘗欲以俄之國教。遍及全球。因以取君士堡爲首基。噫。若氏者。歐洲平和之大敵也。

俄之政畧既如斯。將欲行之。則德人首當其衝也。故斯拉夫人種。隆盛則條頓人種衰微也。條頓人種。隆盛則斯拉夫人種衰微也。而人種中。死生存亡之大戰。其終不可免乎。歐洲諸強。與是二國有關係者。則惟英爲最。蓋以地中海之勢力故也。則若他日英與俄有戰事。則德人乘勢收巴爾幹。伸其勢於小亞細亞。英與德戰。則俄人乘勢吞君士堡。以達日夜所求之目的。雖然。英人亦非昧于國際政略者。彼必自立於界外。以傍觀俄德二國之戰。則彼所最願爲者也。

俄人謂英人曰。德英之敵也。不可不極力與之爭。德人亦告英人曰。俄人若取君士堡。則英人于地中海之勢。其危乎。曷合力拒之。爲英人者。亦固知之。然德之爲英敵。不如爲俄之甚。而俄人取君士堡。其爲英患。亦不如爲德患之甚。蓋均非直接而爲間接之關係。故英人亦左右答之。而坐以觀變。將欲收漁人之利也。

(完結)





## 英法之親交

蘆中人

世界有奇幻不可捉摸之一物。昔昔而殊觀。旦旦而異彩。雖以大技師大偵探家。竭生平之全力以窺測之。殆亦如登天之難。則國際政局是也。彼其物雖須臾之間。亦復不能固定其重心點所在。自上下下無可指限。奇乎不奇。

英法者相嫉視相猜疑之兩鄰翁也。其互讎也久。其締諱子訴而聲聞于外也人。又以為慣一旦感于時勢。畫取其昔日所為而委而棄之。以促彼等二國之親近。他日變化如何。誠哉不可豫知。而今日固已切切私語于戶庭之間。

今日所謂為三國同盟。吾例之于畢士麥時之三國同盟。殆有殊異之感。其目的其結合力均有無數之變化。而非可一致等視者也。俄法同盟。蓋亦猶是。現今俄法引。力注重之處。非欲吸引義大利和蘭白耳義三邦乎。其力集其勢重。其魂移而睛注者。蓋不出於同洲之比鄰英人。覺其然也。于是投袂而起。

迺盡翻其昔日孤立主義。而於同盟政界之內部洶洶起一大波瀾。將來一瀉千里。

必於外部有多少之動搖。此外交家所能豫言者也。倫敦泰晤士報載三月十日自法京巴黎寄書。書述法國下議院討論外交問題。大傾向於親英主義。先是法國二三有力之新聞。屢導英法宜親之先河。如苦佩炭氏。如必卡大佐。如普盧笙綏氏。亦大主張是說。同時英國新聞。亦漸和答。德國週刊雜誌名斯拔推拖者。又唱英法同盟之論。而三月中旬泰晤士報之社說篇。昌論英法親交之有益。嗣茲五十日。爲本月二日。英皇愛德華德七世臨幸巴黎。與法國大統領相見于壇站之上。異常浹洽。又對於法國國民。宣言英法親交之希望。于時法國自大統領以下。爭躍迎英皇。一如家人。異哉。吾上溯英法交讎之始。以長以養。于今五十年。一旦舍其舊而新是謀。重之以聘問。申之以盟誓。斯于國際關係又何如也。故吾人今日所當注意者。在此點而欲研究此絕大之問題。則必先述英德之關係。與法德之關係。何以故以德爲英法二國之公敵故。

其一英德之關係。試一瞥英德之外交界。德于人爲少年。其氣勃勃。其勢焰焰。充其野心。將以海軍全力擴張海外。而負有政治的及商業的帝國之希望。英于人爲

壯年。其力充其勢裕。高視大步。而帶一種保守已有之政治的及商業的帝國之意志。故英有多數之海外殖民地。而惟德則覬覦之。英有碩大之海上利益。而惟德則思占之。英于世界爲先步。德于世界爲後塵。德不欲擴張其帝國。則已苟謀擴張。則必自英之右而入于德國之左。而後可也。而顧質焉。向德人而致辭曰。爾其犧牲爾野心。嗚呼。德人其誰信之。德人其誰信之。

讀者曷披世界帝國史。彼英人對于列國而潛藏其抵抗力者。亦于德爲最弱矣。惟其弱也。故德人思侵掠之也。抑不僅此。德人得以力而一試其抗拒者。舍英何有。吾就諸國殖民地觀之。其爲德所垂涎而謀吞之者。亦非一地。雖然。試思之。試思之。將逞兵于俄領。歟。德之東境。其無甯日矣。將移軍于法領。歟。拉英河。岸其將爲戰場乎。將對于舊西班牙所領之南美諸共和國而圖逞其野心。歟。則西方美人。方持孟魯主義之旗幟。而前行也。然則現今諸大帝國中。而有可爲德國之侵集地者。吾必曰英一而已。雖然。英持重之國也。又善取遠勢之巨人。也。彼對于德國所爲。仍弗破友邦之和好。盡舍其強硬之態度。而惟以緩慢之政策。臨之。試證以達瑪耶德。尙箕哈

魯沙莫揚子江之協商西河問題之歷史夫亦可窺其微矣。

雖然德之雄心固不僅于殖民地見之。即商業亦何不然。蓋自德國出現于商界以往其蒙受此最多之侵畧與最強之打擊者亦唯英人德何圖乎德何心乎彼常欲使孤立無援之英國而與俄戰而與法戰而已則中立于兩敵之間及是時支配海權盡入吾囊此德人所日夕仰望而不得者也不甯唯是德于製造航海造船諸業莫不與英作衝突焉危乎哉英人輾轉反側乃折而入法而爲異常之親交此迫于勢而不得不然者也此一因也。

其二法德之關係。法之于德也其交讎而互惡固不自今日始一千八百七十年之役法國國民之胸中尙懷懷如臨其戰場德人今日雖餌之以甘言餌之以重幣終未能得一迴顧焉故德人益誘之法人益疑之常以軍備全力以防德軍之來侵雖然以軍人之眼決之法固非德國敵也法自近數十年來其武步不可謂不雄其軍力不可謂不增進然例于德國軍隊蓋猶瞠乎其若後試懸一陸軍擴張之競爭點而比附之凡人口稀少之國必不勝人口衆多之國據弼愷兒大佐所言將來法

國陸軍必益劣于德國故法國對于國防的一絕大缺點設欲以獨力彌縫之亦已自知其未能於是於其國防政策之範圍內而漸含有一種依賴外力之性高瞻全球惟俄可恃蓋俄法合而法對于德國陸軍所含有之缺點可泯然矣雖然德國非瞶瞶者德見俄法同盟而自聯伊塢以爲之抵設三國盟詞日益堅固吾恐法國對德之危機不于俄法未親之先而又在俄法同盟以後。

當時法國外交家若外務卿笛爾格德氏及駐劄羅馬大使白累耳氏感於德伊塢同盟之不利於法也乃力除其昔日伊法兩國之惡感情而接而近之以間德伊兩國之交一千九百一年四月伊大利艦隊來訪于法國軍港支崙以表示伊法兩國親密之意則伊法聯交之結果矣夫伊大利小國也介於德法而爲之中堅亦廓然自增其勢力伊太利果棄其三國同盟而與法爲援手歟則法得以舉向所用以防伊之陸軍直達德境以聊試其雄舞又得以舉向所聚以敵伊之艦隊盡輸入于北海或拔爾捷克方面以與德軍艦乘風搏浪而博一海戰之勝利此亦可斷言者也讀者試思之法始以拒德故而聯俄德以俄法合故而與塢伊同盟法又以塢伊德



同盟故而親伊以間德。然則伊入于法。大勢其遂定矣乎。曰有英國在而忘之。英法不合則伊不敢與法合何也。英法同時與伊爲敵。即俄助之法。助之而伊終立於極危險之地位。故必使英法互相提攜。以爲伊太利之保障。伊乃得舍三國同盟而來列于英法盟壇之下。故法人自爲計。欲拒德。必間伊。欲間伊。必聯英。雖英法與伊法之二大事件未能同時就範。而一先一後以左以右。大有一步一步以自達于國際的圓滿境域之希望。此又一因也。

英德法德關係之說明。乃可述英法兩國之關係。

一殖民地問題。法人于意中所必需之殖民地。亦已得之。其于現今所經營者。于暹羅于南清于南北阿非利加于自湫尼斯以迄雀德于埃及于東阿于麥達格概爾。英人皆退步斂手而自立於旁觀之地位。故英法對於殖民地事件斷無味味開戰之舉。且法國已由少年以進於壯歲。進取之心漸去。保守之念方來。究其現勢。實與英國有同情之感。一方對於海上勢力問題。亦未嘗萌全握海權之野心。夫如是故於英國海上之所爲。亦非欲覆而去之。是亦有可合之機一矣。

二商業問題。於商界上英法之競爭。亦不甚劇。何也。英法之重要商品各異。故也。故英夙不向法國之葡萄酒以求爭。法亦不向英國之煤鐵及棉絲以挑戰。兩國商業本有互相提攜及互爲發達之性質。法國一新聞記者曰。『法國殖民地地方對於英國商業要爲最良之市場。若法國自殖民地排斥英國商品。其所損害不獨英國商業而已。即法國殖民亦大受打擊也。』試就法國殖民地輸出入之數而比例之。其自法國來者僅較自英國購入之十分之三。不甯唯是。即自法輸出之三分又復爲英國所購買。然則英法兩國於商業方面儼如一輪布帛一輪菽粟二者須臾不可離。其若是又尙何爭戰之有。是亦有可合之機二矣。

二問題既決。而英法之間。其自政治上及經濟上觀之。已漸泯其兩兩衝突之陳迹。且現今乘波鼓浪而直入於歐洲競爭之中心者。又堂堂有一德軍。在法欲合英固以自衛。英必聯法亦以自固。而以各自扞衛之希望。反同出于一致。聯合之蹊徑。時乎時乎其不再乎。而猶或不然。則必昔日敵視之感情。尙有餘波。又以法援英敵（指俄國）之非望爲之也矣。



# 極東問題 (續第 四期)

極東經營



頑 僧

且吾觀俄羅斯外交上之運動其政略之陰摯其手腕之敏捷列強殆有防不勝防之慨既強租旅順口爲屯軍港復奪取達爾尼爲商業地他如達的紐爾<sup>土耳其之海峽</sup>之事件列國已認爲違背國際條例而第二次之水雷艇又高揭商旗而通過矣東三省問題之初起有英美日三國之干涉即移其方針而向朝鮮矣曠觀今日俄國外交上之活歷史如鬼之無形如賊之不可測其機械變詐之術雖聚世界外交家之心思才力尤不能貫徹其真面目或曰俄之耽耽逐逐傾全力以經畫極東方面者既公認爲破壞秩序之蠹賊排斥和平之巨擘則曷不結聯與國以防遏其包藏禍心之行動則答之曰唯唯否否不然夫結聯與國以牽制對手國徵之他國歷史固

極東經營

gion  
by the river

亦有消息無形而轉弱爲強者然其所謂某某國同盟某某國協商云者要皆利害相同休戚與共始得立於世界列強中而互相維繫也而不然者去甲國之凌辱即入乙國之牢籠彼日日言担保日日言扶持由表面上觀之眞若有可親愛者而其處心積慮吾敢斷言之曰欲伸張其政治的勢力範圍而已

且夫結聯與國之政策吾豈必欲梗是議哉雖然吾觀列強中之同盟之協商其間自有一各操勝算之媒介物以維繫之其物維何則外交是也今日列強之對吾國固安有所謂外交者哉由他國言之強權而已由滿政府言之媚外而已是故結聯與國之策果有一日而能達其目的也吾知其將借同盟協商之名詞以操縱其麻木不仁之政府壓抑其痿痺不振之人民而徐圖擴張其勢力握取其主權也必矣嗚呼天下惟不能自助而望人之助爲最可悲耳立國於大地中其國民無獨立不羈之精神而惟依賴他人之是望其不至於滅亡也幾希

雖然吾欲解決極東問題之結果而先泛論吾國之外交則離題萬里之謂知不免矣茲聊述俄國大藏大臣東方視察之報告如左

據近來俄國官報所載俄國大藏大臣烏依脫氏東方視察之復命書凡關於西伯利亞滿洲鐵道之過去現在及將來之顯象皆縷縷報告今摘錄其大要以窺俄國當局者之意見

烏依脫氏謂西伯利亞及滿洲之兩大鐵道帶世界的任務實與歐亞間有密接之關係也東洋人對歐洲市場之需要逐年增加歐洲人對東洋之放資亦逐年增大故此二大鐵道可稱謂東西調和融通之一大機關也

西伯利亞鐵道不僅使發達該地之生產力且便於俄政府之實行移民政策

滿洲鐵道不僅使擴大該地之礦業且便於俄政府之實行帝國主義

就二大鐵道之工事費而論加入培爾姆馬特司之支線及愛克利丁堡支線之附帶費需七億五千八百九十五萬五千九百七盧布若加入巴依卡爾湖週回鐵道工事費須達十億盧布云

俄國今日經營此二鐵道之工事費洵稱巨款然將來所得之利益必能倍蓰西伯利亞鐵道亞歷山大第三所謂完成平和的事業及教化的任務之原則也雖

然。欲完成先帝未竟之志。洵非易事。非熱心獎勵之不爲功。

由歐洲之俄國。指俄國得俄移殖人民於西伯利亞。今日俄國之最大急務也。

就達爾尼之市場而論。計畫商港之落成。須一年以後。該市得商業上之最大便利。可設石炭貯藏。所以開掘滿洲之石炭。

欲達吾人指俄人之目的。必以達爾尼市場爲世界商業之中心。然俄國人必於同時掌握全市之不動產所有權。

就達爾尼市與海參崴之關係而論。達爾尼之開設。或不免損失海參崴之市場。故兩市之關係。不可不預謀適當保護之法。俄國占領關東州而築長其鐵路。以黃海爲中心。則其終點非得不凍之商港。仍非俄國之利益也。達爾尼爲終年不凍之良港。固遠勝海參崴。且接近支那之中央市場。以言將來之利益。頗有絕大之希望。故達爾尼不能爲海參崴之犧牲也。

欲冀海參崴達爾尼二港之繁盛。並行不悖。則不得不先擴海參崴之商業範圍。故經營沿黑龍江及東北滿洲鐵道。乃今日之急務也。至達爾尼之商業範圍。則

南方滿洲一帶。尤不可不注意。

俄國於達爾尼市場之經營費。已達一千八百八十五萬盧布之巨額。由今日之現象觀之。該市已漸趨於繁盛。至去年一月迄。在該市內外人所收買之地面。計一萬六千八百四十三平方哩。其代價共得四十二萬五千零二十七盧布。若平均計之。則一方哩之代價。須二十五盧布。今觀其趨勢。尙須騰貴。且在該市第一期所賣地面之總面積。共六十萬平方哩。其收入費計一千五百萬盧布。況此外之餘地。尙有四分之三耶。

更論二港之實施關稅。法曰。無稅港之廢止。是衰敗。二港之一原因也。滿洲鐵道之設置。南滿洲線是欲拓殖海參崴之一原因也。欲保護海參崴之市場。由無稅港而變爲有稅港。已非易事。而况欲達此目的。先不可不以海參崴爲自由港。如是。則本港內之輸入品。悉爲無稅。若由是而輸入內地者。亦僅課其應得稅而已。以上皆據俄國大臣烏依脫氏之東方視察報告。夫俄國積數十年之精力。擲數千百萬之金錢。以經營此二大鐵道。二大商港。其果爲商業上之競爭而起耶。此

大勢

其故固不待智者而決也。要之自俄土戰爭以來。俄人於地中海之勢力。屢屢爲英人所扼。蓄其勢而不得逞。則不能不轉向東方。施種種之政策矣。

(未完)



談叢

匪石

# 野獲一夕話

(續第四期)

傷哉孔子之裔

當清祖入關。嚴令薙髮之始。天下從風。陝西道孔文驤奏曰。臣家宗子衍聖公孔允植。已率四世子孫。告之祖廟。俱遵令薙髮訖。但念先聖爲典禮之宗。顏曾孟三大賢並起而羽翼之。其定禮之大者。莫要於冠服。先聖之章甫。縫掖子孫。世守之。是以自漢迄明。制度雖各有損益。獨臣家服制三千年未改。今一旦變更。恐於崇儒重道之典。有未盡也。應否蓄髮以復先世衣冠得旨。薙髮嚴旨。違者無赦。孔文驤奏求蓄髮。已犯不赦之條。姑念聖裔免死。况孔子聖之時。似此違旨。有玷伊祖時中之道。着革職。永不敘用。此一事也。

野獲一夕話

一九

談

叢

101



方桂林昭孔有德以留守瞿式耜去。有德勸之降。曰吾在湖南。已聞留守盛名。（中略）甲申闖賊之變。大清爲先帝復仇。葬祭成禮。固人人所當感謝者。今人事如此。天意可知。閣部毋自苦。今後我掌軍馬。閣部掌錢糧。無殊在明可也。式耜曰。我爲永曆皇上供職。豈爲□□供職耶。有德曰。吾居王位。亦頗不微。式耜笑曰。祿山朱泚。而自以爲王。一何王之賤也。有德曰。我先聖之裔也。勢會所迫。已至今日。閣部何太執耶。旁有張總督同敝廬聲答之曰。爾無辱先聖。爾爲毛文龍之門子。而自以爲先聖裔。耶亦被執。（見庚寅始安事蹟）此又一事也。

嗚呼。孔子距明清鼎革時代。已二千餘年。而不肖孫子。於國破家亡。身辱時尙齒及之。以爲撫牌爲市招。然則人何樂爲賢父兄哉。法人之言曰。吾國有拿坡侖美人之言曰。吾國有華盛頓之人也。皆自愛其祖若父。若神聖不可侵犯。苟污辱之。直指斥以爲大讎。此族系之所以可貴也。彼若文騾有德者。或僅自好。或大不然。而曰余固爲孔聖人之裔。孔氏子孫。而乃若是。乃若是。

### 法王路易受審時之口供

法王路易第十六。國民憲法國民大憤起。而執王。王卒與后同上斷頭臺以死。此一段歷史。盡人能言之。余不復述。其受審時與議長辯答之口供。

議長 路易。今法蘭西人民來議會劾汝。汝滅却法蘭西人民之自由。施虐政逞暴威。行種種罪惡。先是汝於千七百八十九年六月二十日。中止代表國民之議會。以暴力逐代議士於議場。此事有立憲會議員於伯爾塞之投球殿所作之調查書爲證。投球殿宮殿之名。千七百八十九年六月二十日夜。王下令閉議事堂。命軍士守門。戶一切人皆不得入。衆議員乃集誓于此。誓非故不得退散。二十三日。汝對於國民而發布數條之法律。欲使兵士圍代議士居而妨害之。又布命令書。二通而使散會。其證確鑿。汝能辯之乎。

路易 是等禁行之法律。余未知曉。

議長 汝向於巴黎人民而派遣軍隊。虐殺府民數十人。又有拍司羈魯城之役。此於七月九日及十二日十四日。汝向於立憲會議員自述之辭爲證。且又有求意魯利城之暴殺。汝能辯之乎。

路易 當時軍隊之進退。得任余意。雖然。余決非有暴殺之事。

議長 此後於十日約諾於國會於十七日約諾於巴黎廳尙計畫妨害人民之自由又關於奴使封建什一稅之廢止案汝又不能實行而私增其親兵員數徵集法蘭德聯隊於伯爾塞以十月一日三日大饗軍士於伯爾塞城內之演技殿以求其歡心各兵士足踐國民之帽印而着白色帽印（王家之帽印）且縱辱國民汝則不禁之爾後又起暴動使多數國民斃命於暴軍之下（因前宴惹起國民之憤以十月五日六日激戰於伯爾塞城外故議長言及之）及親兵敗走汝又變易其詞而爲詐欺之約諾此等事實加入于八月十一日議會之決議書又於九月十八日汝之意見書及立憲議會所作之調書且於十月五日六日之亂同日汝對於立憲議會一委員所述之辭爲證汝能辯之乎。

路易 余以正當之意而付余意見於尼開米以待其決議（指奴使封建什一稅廢止事）至於帽印一條全屬虛說余未知其事。

議長 汝於七月十四日行大祭禮誓言保護憲法而又背之又以達龍之力而使內地人民抗敵革命又以米拉坡之力而腐敗公衆之精神汝能辯之乎。

路易 當時事雖不記憶然皆係於余認可憲法以前事。

議長 汝糾合同志而散金以買人望其事載於達龍之筆記及四月十九日拉坡路德送汝之書翰汝曾署名其下兼述承認之意且拉坡路德以此書翰協議於利拍羅德繼又告散金不効之事於汝汝又企脫走之陰謀而於二月二十三日拉坡路德送來一通筆記示汝脫走之方略汝署名於此筆記之末張其餘頁尙附有汝承認之言汝能辯之乎。

路易 余以布散金錢爲無上之愉快決無關他種計畫之事。

議長 於二十八日汝會合多數之貴族及軍人於求意魯利城謀種種脫走之事果於四月十八日私出巴黎而奔於聖哥魯德汝能辯之乎。

路易 此効告係誣罔。

議長 汝於二十一日携帶偽造通行券脫走巴黎汝已背曩日認可憲法之正條又命各省長官凡自國會所發之各種書決不署名又下於司法大臣有不得扶佐國會之嚴命汝又絞國民之膏血而自供謀叛之資且又假破伊之指揮兵以

助之破伊者。先汝擔任舉行暴殺者也。汝又送書曰。人望者。卿之要務也。子其勉之。以上事實。汝自署承認之言于其餘頁。與二月二十三日之筆記。汝以自筆而備錄全文。又六月二十日汝之宣言書。及千七百九十年九月四日汝送破伊書。又破伊報告書。內述已支金九十九萬三千盧布。供一部糾合兵士之用。其證據實。無可疑者。汝能辯之乎。

路易 二月二十三日之筆記。余則不知。至旅行拍蘭一條。余當時已告於立憲議會委員矣。

議長 汝于拍蘭被捕後。向日汝所握之行政權。一時終止。執行然汝尙糾合黨與。以七月十七日於向德瑪魯司地方虐殺國民。又据千七百九十年汝自筆送拉伊愛德書。證據判然。且汝於糾合黨與一事。亦備用種種方法。如雜誌小說新聞等項。凡可改變公衆之意旨者。汝無不行之。又使國會發行之紙幣失信。國民且於脫走之人。多方以護之。投金以助之。凡此者。汝皆以束縛國民爲目的者也。至於汝之消費。已不知幾萬千之巨款。此有賽德伊愛所持之手冊爲證。汝能辯之乎。

之乎。

路易 於七月十七日之事件。與余無關。至其他事項。余更無所知。

議長 汝於九月十四日承諾憲法。當時汝臨會演說。亦示欲維持之意。且告憲法尙未完備。汝已謀早覆之。汝能辯之乎。

又七月二十四日。烈阿波爾與不烈特力維廉二人（烈阿波爾爲法國王后之兄。不烈特力維廉則普魯士王也）於披露尼茲。期再興法國王位。而開君主專制之政府。且與汝締結盟約。此約涉於全歐人民之事。而其原則由汝一人而起。汝又能辯之乎。

路易 余於此約。直爲報告。且非余一人之事。至其他一條。皆據憲法而爲大臣管掌之任。

議長 於土耳其有舉謀叛之旗者。汝送員三人以助之。又委員或不從事於糾治。或抗敵於革命。則汝力證其無罪。汝能辯之乎。

路易 付於委員之委任狀。即委任何事之證。然大臣初示余委任狀時。余更不知

其然。

議長 方羅馬法王領地阿披終及披空達婆奈省二地隸入法國時汝於一月後尚未施行命令內亂乃起。是地人民悉被塗炭且汝前後派遣之委員數人皆逞暴威縱剽掠汝能辯之乎。

路易 該命令之施行。因何濡滯。今亦不能記憶。至其他事項。非關於余身。而關於被派遣之委員與派遣之者。

議長 方宣告人民自由時伊尼姆孟德班莽特轄奈諸地方大爲動搖遂致擾亂。汝爲革命之敵而挫折之又賽蘭陰謀破裂不復擬罪汝能辯之乎。

路易 當時大臣等稟議於余而下命令一無所遺。

議長 馬耳塞人託義革命汝直攻擊之汝能辯之乎。  
路易 此事余有一件書類答之。

(此節未完)

談

叢

二六

雜

文

109

說

愁

hōm



雜

文

聲語

通界

不。愁。毋。寧。死。強。矣。哉。愁。愁。故。動。偉。矣。哉。愁。愁。故。猛。雄。矣。哉。愁。愁。故。無。畏。迅。矣。哉。愁。愁。故。精。進。藹。矣。哉。愁。愁。故。大。仁。熟。矣。哉。愁。愁。故。至。誠。烈。矣。哉。愁。愁。故。貌。死。愁。兒。愁。兒。我。香。花。祝。而。神。明。祝。

新義

舉。數。千。祀。腐。敗。訓。詁。婦。孺。冒。罵。之。穢。名。詞。倒。掀。而。爲。極。高。尙。極。尊。貴。之。徽。號。可。愛。哉。愁。之。形。可。敬。哉。愁。之。義。最。人。有。獨。立。之。特。性。必。無。依。賴。之。劣。根。賴。根。一。萌。即。不。克。奮。斯。奴。隸。已。愁。者。有。獨。立。之。精。神。者。也。欲。提。精。神。湏。脫。奴。軛。欲。鎔。偉。業。湏。播。愁。子。柔。矣。

說

愁

一

靜矣。我民之根性微動矣。奈無意識。苟有敢爲之士。提奇議。出怪行。則通社會羣起而攻之。曰：「愁。愁。于是極高。尙極尊貴之愁字。遂變爲笑罵不堪之成語。儒者。赧道婦孺。醜辭冤矣哉。」雲雲。世界唯愁者。克離諸縛。注一心而鑒其空。墾其荒。雖跬步荆棘。片言網羅。而無罣礙。無沾滯。

## 界說

流血。購自由說法。度衆生。以希未來之樂。利。睽彼世。開曷。愁兒。非有盧孟之愁兒。則佛蘭西不克發革命之火。非有亞密斯丹之愁兒。則英吉利不克行平稅之政。斯愁也。我敬之。愛之。是謂之有意識之愁。是謂之公愁。公愁是益民。傾萬金。裂匹帛。于花酒世界。以博美人之一笑。羣黃白。拈香火。于泥木之前。以禱五穀之豐。登因風水而阻。止開升。阻止鎮路。爭墳墓。爭田產。而闔族械鬥。較鎗銖銖。競米鹽。而手足路人鄙夷。狄而燬教堂。刈教民。斯愁也。我厭之。恥之。是謂之無意識之愁。是謂之私愁。私愁是毒民。嗟我兄弟。嗟我同胞。母結成私愁之惡果。湏孕成公愁之愛花。

## 原理

愁也。者人之糧事之母也。無愁性。即是心死。明知法無可說。而常樂說。法明知先時人物之心苦。而常樂先之。明知與社會戰。其身必死。其事必敗。而常樂挑戰。明知事無可爲。而常樂爲之。愁與愁與。是真愁也。

然則愁之關係羣治。誠密切哉。證愁之因厥有四果。

甲 無愁根性則無希望

乙 無愁根性則無魄力

丙 無愁根性則無俠氣

丁 無愁根性則無破壞

無愁根性。則無希望。希望者羣治進化之主動力也。有希望而有進化。有希望而有愁性。無愁性是無希望也。大雄哉。希望之動力。能提起人。能鞭策人以任一切事。最有知識。即有希望。飛潛走蠕。莫不具焉。知度益高。則希望亦益大。大矣哉。人類之希望。希望益高。則愁志亦愈猛。愁我剎那樂我。永劫愁我。幻體樂我。法身得茲希望。諸縛淨離。邪穌之流血成仁。其希望在天國。釋迦之苦行絕俗。其希望在涅槃。丘軻

之周行說法不憚舌敝。其希望在大同。許身稷與契。致君如堯舜。得志之希望也。庶士傾風。萬流仰鏡。名之希望也。著述數萬卷。自期古聖賢。古之希望也。黃金數萬兩。致身青雲。上利之希望也。朝秦暮楚。屢穿刺破。啜殘羹。咽冷炙。于侯門之下。者勢之希望也。大仁哉。希望大危哉。希望人間世一切事物。莫不由希望而來。

無愁根性。則無魄力。○勤破生死界。則一切無畏。然非有愁性。必生懼心。有愁思想者。則知無所謂死。無所謂生。刮剝齧碎。體魄毀已。而靈魂不離斯念。一起雖獨往。獨來于怪岩倒壁。間虎狼吼。呻吟魍魎。隱現而無所于怖。無所于遁。具此魄力。然後鑄成金剛不壞身。然後能造震天撼地大事業。佛曰奮迅曰勇猛曰威力曰大雄曰大無畏。

無愁根性。則無俠氣。○頭可斷。腕可折。肉可嚼。名可污。勢可敗。白刃可蹈。而俠氣必不可挫。而俠風終不可衰。豪奇哉。俠乎壯雄哉。俠乎人無俠骨。厥疾麻木。國無俠風。厥餒武魂。古今大人物。所以義之所在。水火甘蹈。道之所在。鼎鑊勿辭。苟缺。愁火渴望。鑄俠曹沫。却盟。豫讓漆身。聶政以狗屠而殺韓。隗漸離以傭役而報荆。軻荆軻奮

尺八七首。入虎狼之秦。與炙手可熱羣黎。懾服之暴。主決生死于一刹那間。相如持壁倚柱。怒號一聲。天地變色。毛遂侯生。奮身不顧。以酬知己。魯連折魏使。却秦。帝願赴東海。死不忍爲秦民。以至朱家田仁。郭解劇孟。隱娘空精之流。莫不結熱血。煽猛火。而戰膽仇敵。礪魄民賊。俠乎洵世界唯一之眞價值也。

無愁根性。則無破壞。○輯和萬民。民賊制腦。制口。渙羣之第一毒辣手段也。制其腦。俾無破壞之思想。制其口。俾無破壞之言。論渙其羣。俾無破壞之能力。雖然。愈壓愈激。再接再厲。而世界成一血世界。然後有人物出現。遂變血世界。而爲無血世界。有林肯華盛頓之愁性。則成放奴戰爭。抗英獨立之兩破壞。而現光華美滿之米利堅。有吉田藤田西鄉南洲之愁性。則起覆幕維新之大破壞。而造亞東文明之日本。政治然已最百學術。莫不皆然。即破即建。遞衍遞進。達于彼岸。

雖然我衡其理。復有兩鍊證。

甲

(愁名易顯。則愈野蠻)

乙

(愁人愈多。則愈文明)



愁名易顯則愈野蠻。◎樂矣哉野蠻世界。而愁名之易顯。然其身命亦險矣哉。何以故。彼無知識。饑則索食。樂則求偶。渾渾惺惺。醉生夢死。我突有驚天轟地之偉業。欲盡革通社會注集之目的。未有不激刺其神經而集矢我身者。苟非有特別之性質。絕大之魄力。不克抵之。基督慘死於十字架。佛孔被詆于社會。盧孟爲舉世之公敵。職是之故。

愁人愈多則愈文明。◎欲驗文明進退之程度。當視其愁數增減之程度爲比例。差人類性質。愚則固。知則王。愈愚愈蔽。愈知愈王。當文化長進。知識發達之時期。衆生心目中皆有目。營九州。手摘八星。一舉冲天。聲聞萬里之思想。思想益高。希望亦益大。精神不足以相攝。于是遂成白雲在天。不可呼明。月豈肯留庭隅之奇。疾代想代。高則愁數益多。而其國之文明亦進于無量。

### 價值

大刀。潤斧。開闢事業。愁之價也。無愁。志則不克。發火力。無愁。志則不克。抽高想。無愁。志則不克。揚偉議。無愁。志則不克。造奇事。人羣中一切事事物物。大而宗教。學術。人

心風俗。小而文藝技術名物。何一不自真愁。人物揮愁。淚絞愁。腦敵愁。舌禿愁。筆瀝愁。血填愁。戶以易之者也。嗚呼。偉矣哉。愁之真價值。不可思議。哉。愁之動力也。來如雷霆。收震怒。罷如江海。凝清光。一刹那頃。演出無量事業。玄奘法師之一鉢。一錫。越葱嶺。冒毒瘴。以達印度。曰。惟愁之故。哥倫布之一帆。一楫。步巨濤。藐生命。以覓新洲。曰。惟愁之故。瑪利儂以雕工家之一纖女。而能臨死不撓。放一文明燦爛之奇花。于黑暗法國大革命之洞裏。曰。惟愁之故。若安。以眇眇一田舍。青春之弱質。而能退十萬貔貅之英軍。曰。惟愁之故。

### 變相

愁之代名詞。曰癡。曰狂。曰癡。曰方。曰蠻。強曰不懂事。曰蟲性。暴氣曰不近人情。

(癡)他人恥爲我獨爲之。他人樂爲我獨不爲。

(狂)有飛揚不能自己之情。

(癡)單刀直入。旁若無人。

(方)棱角聳尖。重慢重轉。

(蠻強)有特別之性質有冒險之精神  
(不懂事)事無可爲而必爲之

(羈性暴氣)直前敢爲萬難甘犯  
(不近人情)奪人所樂樂人所厭

怒之對待名詞曰悶曰愚曰畏曰疑曰假曰怕結怨曰客氣曰傲氣曰敷衍曰名士氣

(圖)無是非無善惡萬人皆知已

(愚)具非人動物之性質

(畏)畏首畏尾一切不敢

(疑)三思四五思一事無可爲

(假)無真志唯大言

(怕結怨)意退後畏進前

(客氣)最人不可不具自主之氣概獨客衆客萬事皆待

(傲氣)目空世界藐視一切儒者毒習等是人也何界何他化身彼界說法超度

則衆生未有不霍然猛省者

(敷衍)言無是非行亦無是非

(名士氣)汝輩渾沌不可嬉笑常樂開之否則彼無知識者永錮已甚矣烈矣數千年相傳最劣最毒之名士氣也

### 彌言

通界既受鄉里婦孺罵人最不堪之穢名乃絕食發憤擊節而嘆曰嗚呼愁乎愁乎世人假汝之名爲村老鄉嫗譏詈最穢之污名我獨表汝之名于數千年腐紙殘簡中而揭爲通球蠹古鑠今豪傑之偉號汝今有知當敬愛我我敢敬告于我同胞曰人間世一切事非發愁火振愁力必不能成我發我愁念達我目的雖舉國欲殺舉世欲殺而我愁性終不可變我能有愁名徧世界乎其愁性未有不高邁哀峯者矣孰愁名我我將事之敬之祝其愁名之日來禱其愁名之日大我烏敢詆我烏敢怨天果欲降大任于我乎莫美于位我于愁名集注之場而俾占一最高之席于愁界



時評

## ◎本省之部

台州甯海官竟不知有天日乎

吁○吾○何○忍○述○吾○國○民○顛○連○無○訴○之○慘○狀○吾○國○民○受○辱○受○抑○受○痛○苦○於○官○吏○之○手○歲○不○知○幾○千○萬○人○或○限○於○窮○鄉○而○不○得○訴○或○束○身○純○謹○而○不○敢○白○求○其○究○竟○只○以○飲○恨○吞○聲○四○字○了○却○此○一○段○糊○塗○帳○哀○矣○哉○吾○國○民○之○柔○極○累○歲○以○來○捐○派○益○重○虎○冠○者○流○大○肆○貪○虐○其○間○稍○稍○有○氣○血○者○柔○聲○下○氣○求○為○民○緩○外○須○臬○而○官○吏○即○坐○以○犯○上○之○罪○若○閔○堂○若○歐○官○要○皆○出○於○萬○不○得○己○之○途○而○身○慘○家○毀○己○駸○駸○加○乎○其○身○吾○國○民○何○冤○何○孽○而○受○罪○若○此○

此種事。吾充耳其聒聞。雖然。不忍說。亦不忍不說。讀者知甯海縣官有一段異聞否。

甯海縣官某。到任未久。種種不堪事。姑不說。今年春。府有試事。各縣士人來府應試者。皆賃屋以居。謂曰。考寓。甯海人某某亦租屋待試。屋之鄰。則甯海吏役長之居也。夜。宵。開賭博。會呼盧喝雉。聲達于戶外。某某以不安於夜眠。往告之曰。某夜余等將赴試。請少靜。比期。博聲益喧噪。某某憤呈其狀于官。官照例遣役查察。役以

是爲役長家。含糊以應。命然某亦始聽之。某日。某某自試場歸。闢其房。則衣物狼籍滿地。失物已不勝計。而門固無恙。窺求再三。則房之側。有門通役長家。居常閉。此次則門縫相差。與平時異。大怪之。叩其故。于役長役長大罵曰。吾豈作賊。要汝秀才物耶。某某益憤。又呈狀于官。而役長亦呈狀於官。其略曰。余有妻。隣寓某生數挑之。余見之。稍辱生。生以是嘲我。以他事相誣也。官納其說。令某日兩造皆聽審。至期役長往。某某亦不敢不往。終以士役並獄。竊以爲恥。各士子亦大憤。乃相約偕往。往則官命跪。既跪。官不問失物事。而但向役長言曰。某生訴汝家聚賭。事有之乎。役長曰。無有。官曰。或偶又麻雀耳。役長則應曰。余家祖考。生偶戲麻雀耳。官曰。然則不得謂之博也。又問曰。汝訴某生挑汝妻。若何。役長刺刺訴事。方官吏登場。演戲正酣。有某生者。氣憤不能平。起而言曰。此竟是一面焦我輩。尙想有出頭日耶。如此審法。不如去逕出身外去。官命捕之人多疊哄。而某生已被捕入官矣。某生者。素以明白名。嘗在甯開演說會數次。官嘲其名久矣。今次非以應試來。亦非與失物生同腐。以激於公憤。遂及於禍。時官欲坐以閱堂之罪。且欲加以妖說惑衆之識。賴富人保持之。乃得釋。而役長卒揚長于里門。

嗚呼。官護吏役。乃如父子相隱。事豈非至奇。役說不博。官曰。或又麻雀。又麻雀不算博。通同一氣。不復置問他語。悲哉。吾浙江乃幽黑暗地。獄若此。恨未能一光明之。雖然。此亦吾浙人之羞也。何羞爾。柔也。柔則役欺之。官欺之外國人欺之。普天下苟爲人。衆皆得而欺之。則今日之中國是也。

### 在京浙官之公函

浙官不可恃。我不得不九頓首以請命于鄉先輩先生之前。書至此。適滬上報紙至。內登在京浙官以浙江大學堂事。致函黃都轉及勞總理。詞意懇切。愛鄉人如其兒。既一憤。又一喜。書節錄于下。

致黃都轉函（上略）以上云云。吾浙人皆可恕公。獨至學堂一事。則公出全力以制浙人。我浙人亦當出全力以報公。方公蒞浙之始。我浙人有以提倡學堂爲託者。公漫應之。經濟學堂一票。由幕中人介紹達公。據稟詞則陽託贊成。據商言則陰相撓阻。故以萬分結實之公牘。閱兩載而化爲雲烟。而省學堂府學堂。自公督辦以來。迭起風潮。務以摧抑士氣爲宗旨。今以移官他徙之人。尸居餘氣。猶敢倒行逆施。將我辦有成效之學堂。敗壞殆盡。致省學堂全班散學。就各報及同鄉來函所述。辦理荒謬之處。約有數端。學堂爲清嚴之地。不應有宵小瀝跡其間。時時失物。其荒謬一。既失物矣。即不能禁學生追求。乃失物則聽之。追物則革之。待宵小何優待。學生何酷。其荒謬二。學生革而風潮起矣。即當更換戴籍查戴姓。安慰在堂學生之心。以昭平允。乃竟任聽全班散去。其荒謬三。夫庇宵小而虐諸生。護一人而壞全局。決裂若斯。中丞尙有挽回之意。而公又從旁阻撓。其荒謬四。若謂吾浙士氣素不馴耶。何以林迪臣太守創辦學堂。不聞稍有齟齬之事。今之在上者。動曰學堂難辦。難辦如京師。張大冢宰之爲管學。畢世皆諒其難。蓋猶辭其職而不可得也。此外則陽託難辦之名。而陰行其盤踞把持之術。公之貪狡陰邪。爲全省官場巨擘。而又始終具一執犇根性。以爲吾既紅其頂。而化其翎矣。縱有再加十倍之荒謬。爾浙人其奈我何。嗚呼。此所以不敢不止也。月前許筠菴被劾之後。行將及公。幸同鄉某太史竭力消彌之。豈江西人有鄉情。我浙江人無鄉情。願以辦有成效之學堂。聽公敗壞耶（下略）

## 期五第潮江浙

致勢總理函（上略）公蒞堂之始。于孫某文字之案。妥為消弭。不致釀成巨變。尤見公保全同類之盛心。乃未幾鄉人來函。屢有短公者。謂僑寓眷屬。創泰東西未有之奇。某劣幕之子。因違章私出宿娼。被中學堂革退。公竟以某劣幕私條。收為高才生。此外尚有偏信戴姓屠姓等事。（以下詞意與黃函略同故从略）今日文明諸國。往往厚多。數而損一人。中國則反是一稽查。必曲庇之。衆學生可卒散之。蓋公熟讀野蠻之律。深體野蠻之心。以為吾用專制。以底稽查。將來督辦必用專制。以底總理。矧黃幼慶都轉。本與吾浙士人為隣者。耶是故全堂學生風流雲散。而公則山雞對舞。海燕雙棲。仍不失其朝歡暮樂。福建以武備學堂。而為臬司。置諸浙江。以全省學堂。而為總理。矯矯天下事。所謂無獨有偶也。夫中國野蠻之事。誠多。顧敗壞全局。專顧其私。膽大妄為。如公等者。殆亦不數數觀。公老刑名也。吾等請援最近最切之案。以斷斯獄。南洋公學。以護庇郭敦習。而致全班散學。汪總辦即日辭差。浙江省學堂。以護庇戴稽查。而致全班散學。乃執事居然戀棧。覺南洋總辦。猶有人心。而公則毫無廉恥矣。公既具此全無心肝。有蛇面目之長。而又應運而生于野蠻之中國。宜其投無不利。何必含鄴靴手。版而戀々於百四十金之館。以毒我後昆。總之此輩已成。無可解免。吾等同鄉在京之人。決不願公再尸皋比之座。（下略）

大學堂全班退學事。前本誌已加評斷。得此兩函。凡敢於侮慢學生。而大肆其壓制之威力者。亦可稍熄其餘矣。大學堂為全浙性命所係。此而敗壞全浙。皆敗壞吾浙人之爭之者。義也。雖然。吾浙事之待吾浙人而舉者。殆亦不勝枚舉。而族棄之。即放棄其浙江也。此義願吾浙人共勉之。

## ◎內國之部

上海吳蔡二公之遭逮

上海自教育會成立後。踴躍馳發。儼為中國全部關鍵之中心。今歲廣西事起。滬上馳電交錯。繼之以東三省事。又繼之以四民會。政府及外省督撫。皆注目而未有以發也。日前聞有呂海環者。向嘗出使歐洲。而其見地。其品格。仍塊然一如北京政府。見上海教育會舉動。心惡之。乃告上海道袁海觀。令逮其主者曰吳君曰蔡君。袁漫應之。未即發。呂又告江蘇恩撫。令促袁行事。袁乃與領事商辦。且簽字矣。工部局以故不允。事遂中止。方風謠正急。或勸吳蔡暫避地。二公皆不欲。甯待捕以死。真落落大丈夫哉。政府之不能與國民敵也。久矣。遠之。法蘭西之革命。近之俄羅斯之立憲。皆出其死力。校謀以與國民搏。而其究也。乃若此。如中國者。此僅其萌芽耳。度政府之力。亦非能如法蘭西俄羅斯。而顧乃東施效顰。漫罵嘗試。豈非計之左歟。上海為外人租借之地。吾國民之居於此者。非以其能避禍也。以其能交迤也。勢力既展。要必布之於內地。吾國民所為。仍若是也。大無畏也。大無敵也。如其未信。請姑試之。以上吾國民將來之興亡。

## 滿洲問題

自滿洲問題出現。各國新聞。屢加評論。吾國人未嘗知也。知其事而論之者。約有數種。一說俄未嘗有滿洲也。一說英日美三國聯盟拒俄。吾國人不加察。而亦漫然言拒俄。是為英日美三國所愚也。之人也。吾憐之。此事

時評

關係若何。見之各報。見之論章。亦無待論斷。今但述俄兵駐紮東三省人數。試請讀者猜之。彼俄人何所爲而若是。何所爲而若是。列駐防東三省俄兵現在數如下。

屯地營	步隊	馬隊	砲隊	合計
營口及牛家屯	二〇〇	七〇〇	二〇〇	二〇〇
大石橋及附近	七〇〇	二二四〇	三八〇	一四〇〇
遼陽及鳳凰城	二五六〇	二二四〇	一四〇	五一八〇
奉天	四〇〇	一四〇	一四〇	六八〇
鐵嶺	二〇〇	四〇〇	一〇〇	六〇〇
公主陵及附近	六〇〇	九〇〇	一〇〇	一六〇〇
長春	八四〇	一四〇	一〇〇	九八〇
吉林及附近	五〇四〇	五六〇	一一八〇	六七八〇
老稍溝	四〇〇	四〇〇	二〇〇	一〇〇〇
哈爾濱阿什喀等	三〇六〇	二八〇〇	八二〇	六六八〇
烏吉密	四〇〇	三〇〇	一〇〇	七〇〇
橫道河子及近步	一三〇〇	一〇〇〇	一〇〇	二四〇〇

六

寧古塔	穆稜	齊齊哈爾	布哈特及附近	海拉爾	合計
五六〇	三〇〇	四〇〇	一二〇〇	四〇〇	一九一六〇
二八〇	三〇〇	五〇〇	一四〇〇	三〇〇	一二六二〇
一〇〇	一〇〇	一〇〇	一〇〇	一〇〇	二八八〇
八四〇	七〇〇	九〇〇	二六〇〇	七〇〇	三四六六〇

觀此亦可以悚然懼矣。夫滿洲之爲俄人所有。法德亦已公認。即美人亦作是說。即未治者。英日二國已耳。英以其關於牛莊日。以其關於朝鮮。然其于牛莊不甚注意。則所餘者僅日本一國。今乃欲以稱壯之力。挈東方老大帝國。而使之無遠于予言。其力固尙有未逮。然則滿洲將終爲俄人所有矣。滿洲滿洲爾。鄰有虎行且噬爾。爾又噬之。是如深居窮山而引虎以自衛也。危乎不危。

樂哉神之山遊

今歲日本開第五次內國博覽會。吾國官場人來觀覽者。絡繹不絕。其位望。其体制。以振貝子爲最隆重。日人所稱爲清國五欽差是也。同來者有那侍郎。前嘗以庚子謝罪事來日本。今次開以調查銀行事來者。某銀行主謀占此一宗好生意。獲之於神戶舞子濱。是日大開筵會。招名妓三十人。侑酒。席間履舄交錯。杯盤狼籍。妓不能華語。各欽差又不能日語。則以繙譯官通之。聞此筵計費三千金云。或問各欽差滿洲事件。欽差曰。此外

本國之部

七



國與外國人開戰何與我家事或啞然余讀此何足異果知之吾威海衛大連灣膠州九龍諸地何至讓與外人耶割一地焉夕讓一地焉中國十八行省值得幾次送禮嗚呼數年以往吾不知中國十八省地圖果以何顏色渲染之書至此吾心爲之悸

## 四民公會

吾中國有最可悲可痛之一事則以士爲四民之首又不能自成一社會而又與他社會離而絕之若判天淵而不可合故日日言社會改革言社會發達而終無效

而不料中國曠古未聞之四民公會竟堂堂成立於今日之海上近年以來海上志士已紛紛散之四方自去年中國教育會成立漸露頭角而愛國女學校而愛國學社蓬蓬勃勃駕鸞觀而上之迄于今歲乃有西電爭之役有東三省電爭之役終以限於士流力量未充于是本埠紳商有四民公會之議一時願簽名者殆二千人四月四日乃布文啓及簡單公約數款繼又謀設一議事廳以爲代議部之機關且又謀設一中小學校以爲教育部之見習近聞已租定某地房屋爲議事所其發起及主持者爲廣東馮鏡如君君素爲南洋富商領袖群流則人易集振衣千仞則財易聚國民進步當於是焉祝之

比來內政外患之日日衝擊于國民之腦中者殆如電線交錯息息而不得停茲會之設則又如電信局之總匯國民之機關在是矣而又自士社會以待合于其他種種各社會以造成一致之精神與一致之風氣則又所謂國魂也記者於是乃投筆西向祝四民公會萬歲

## 黨禍又作

自戊戌庚子至今忽忽又四歲政府悲刀斧之寂寥懷鐵血兮已昔將以留學生所組織軍國民教育會事以聊試其霍霍殺國民之屠刀

自東三省事急留學生之在東京者組織學生軍電告政府其旨謂俄事急當出發前敵時有滿人某則電達北京謂此次學生軍皆係漢口餘黨非實爲拒俄來也已而特派員鈕君永建湯君德出東京道滬往天津已成行矣駐日清公使蔡鈞乃以電告湖北端方略謂庚子之亂以勤王爲革命此次則以拒俄爲革命日日在東京練軍禍且不測端方懼以此照會于各督撫令所在緝拿袁世凱則又以軍國民教育會長藍天蔚奏達北京近數日內地風鶴警報儼如革命軍之已至

政府將以能殺志士爲能事乎爲殺一足以儆百乎則戊戌以後何以有庚子庚子以後何以復有今日國民者非刀鋸之足畏而文告之足懼也其受禍益迫者其產生益速而其權謀智力又益勝故處于今日之政府而欲以殺人嚇國民是人也吾諡之曰大愚

## ◎外國之部

## 列國東洋艦隊數

二十世紀有至難解決之一事則東洋問題是也其間俄日兩國固爲不相承讓之好敵即歐美各國亦莫不

注意于是。據日本最近調查。而得列國艦隊數如左。

(一) 英國艦隊

戰艦四隻 裝甲巡洋艦二隻 巡洋艦九隻 驅逐艦九隻 海防砲艦九隻 水雷艇二等三等九隻  
此外又有小砲艦河用砲艦合計十一隻 倉庫艦一隻

(二) 俄國艦隊

戰艦八隻 裝甲巡洋艦四隻 巡洋艦八隻 砲艦二隻 驅逐艦十八隻 海防艦砲艦十隻 水雷艇十一隻

此外尚有水雷敷設船二隻 特務船數隻。又于旅順尚有驅逐艦七隻 水雷艇十五隻。均方建築云。

(三) 日本艦隊

戰艦六隻 裝甲巡洋艦六隻 巡洋艦(廿節以上)四隻 又(十六節以上)十二隻 砲艦(廿節以上)二隻 驅逐艦十五隻 裝甲海防艦二隻 海防艦砲艦十七隻 水雷艇一等二等三等合計八十五隻 現今建築之數合此數內。

(四) 美國艦隊

戰艦三隻 巡洋艦二隻 裝甲海防艦二隻 海防艦及砲艦七隻  
此外尚有劣等之小砲艦十餘隻及炭水糧食之輸送船數隻

(五) 法國艦隊

裝甲巡洋艦二隻 巡洋艦四隻 驅逐艦一隻 裝甲巡海砲艦二隻 海防艦砲艦五隻 水雷艇二等三隻三等五隻

(六) 德國艦隊

裝甲巡洋艦一隻 巡洋艦六隻 驅逐艦二隻 海防砲艦四隻 又河用砲艦二隻

嗚呼。列國于東洋艦隊之隻數如此。而猶日日譁海軍擴張其間最注意是者。則莫如俄日兩國。俄于光緒三十一年將有一萬三千噸之戰艦六隻。依于近日新聞。則有一萬六千噸之戰艦三隻。尚在製造。故于光緒三十一年以後。則有七八萬噸。于光緒三十三年以後。則有十二三萬噸。日本則以海軍擴張案。已付議會議決。迄于光緒三十九年。可加入新擴張之軍艦八萬餘噸。而中國則自甲午一役。海軍盡廢。立于二十世紀之舞臺。而海權不伸。則帝國主義莫由發達。而民族亦終不可振。中國今日其財其力。雖萬萬不能言。是然國防則固繁是矣。而所為乃若是嗚呼。以如是國而求立于世界競爭之中心。知必為列強所仆矣。瞻望前途。憂易有極。



## 紹興教育會章程

### 第一章 總則

第一條 本會以紹興全府人民教育普及爲目的

第二條 本會以達前條之目的而籌定教育法程及事務法程經決議公布後全會一體依此法程而行即以力副此法程爲全會會員之責任

第三條 依前條所籌定之法程如中途有所斟酌損益以會議決之

第四條 依第二條籌定法程而施行教育及事務時其各項規則亦以會議決之  
第五條 本會設本部於郡城設支會於各縣及外省都會商埠凡同鄉人流寓之地



專 件

## 專件

## 二

## 第二章 會員

第六條 凡紹興人之認可入會在先之會員所已經決議之章程法規者皆得入會爲會員惟須有入會在先之會員一人介紹

第七條 凡入會時須送志願書於本會由本會給以證書

第八條 會員無論在本部或支部入會其權利義務相等

第九條 凡會員入會時當量力捐資於會中日創捐無定額

第十條 凡會員須量力捐納會費按月分捐以每月三角爲最少之額

第十一條 會員除上二條之例捐外有隨時捐助會款之責任

第十二條 會員有爲會中籌款之責任

第十三條 會員有傳佈本會意旨募集會員之責任

第十四條 會員須量力效勞於會中如會中職員因公務而有所委托時應協力助之

第十五條 會員月捐如果無力繳付者由會員一人之協同告於本會立輟捐請

## 專

## 件

願書於會中可刪除若干個月之捐費期滿復捐

第十六條 會員有不合於本會之事或願出會者須陳明意見於本會但不能索還其所捐之款

第十七條 會員有不合於本會之事經會員提議由會中決議而除名者亦不能償還其所捐之款

## 第三章 職員

第十八條 本會依職員所定法程規則而公舉職員其人數名目義務權利任期於法程及規則內定之

第十九條 職員之任事須依會中所定之法程及規則而行未盡事宜職員得依法程及規則之意旨而行之

第二十條 職員未滿任期而有更任兼攝罷職之事者須經會中之議決

## 第四章 經費

第二十一條 本會之經費依第九條至十一條而募集

第二十二條 本會應用經費依法規之所定而出之

第二十三條 依法規所定而有所增減損益以會議決之

#### 第五章 會議

第二十四條 會中每月第一星期開常會一次每年七月朔日開大會一次常會於本部及各支部分別行之大會合本部及各支部而行之

第二十五條 會中應定規則由所任之職員提議

第二十六條 凡會員有所提議或職員而於其任外之會事有所提議須經會員二人之協贊

第二十七條 提議各事須先具草交於會中或在會中演說其意悻

第二十八條 會中有提議之事由職員將其提議文件通知本部及支部

第二十九條 凡會員提議或與議無論在本部支部均一律而無岐視

第三十條 凡提議之規則事件由會員詳書意見各定可否合本部支部彙計而依其多數者為決議

第三十一條 無論常會大會依多數決議即以到會之人數為準因事故而不與會者不計

第三十二條 依多數而決議之事件全會即一體承認

#### 第六章 附則

第三十三條 右章程所列之各項其未盡之義以法程及規則定之

第三十四條 右章程俟第一次大會後修改施行

#### 教育法程

#### 第一章 創立中學校

第一條 中學校舍已將郡城能仁寺修葺借用如有未敷可另營寄宿舍於近處校中職員已由會員公舉經理一人議員十人其規則大畧亦經議決

第二條 校中學科為心理倫理教育國文歷史地理理化博物算學英文東文體操其組織之法由校中職員及教師定之

第三條 校中購置書器修理校舍製備校具約以銀千元為率

第四條 校中募集普通科學生六十人須文理清通年在十四歲以上者依第二條所列各課講授兩年卒業

右學生每人每月收膳金三元雜費一元學費一元

第五條 校中增設專修科學生四十人須有門徑年在二十內外者分五門研究之曰心理倫理國文曰歷史地誌曰理化算學曰博物算學以上四門皆須習束文及教育學餘一門爲英文及體操應選取已讀英文三四年之人就學專授外國語之學校皆兩年卒業

右學生每人每月收膳金三元雜費一元不收學費

英語專修之學生每月約須遊學費銀七元除本人自出四元外每月貼學費銀三元

第六條 校中延教師五人任教授普通科學生并指導專修科學生教師照上條分門延請有應變通之處由校中職員酌定教師修膳以每人每月二十元爲率其中增損由校中職員酌定

第七條 校中經費分爲開辦費校中雜費教師修膳費三種校中雜費卽由學生所收雜費內開支隨學生之多寡以爲增損教師修膳計每年一千二百元如普通科學生足額可收入學費七百二十元尙不足四百八十元  
英語專修科八人月貼學費三元每年計貼二百八十八元  
照右核計會中應貼開辦費千元常年費七百八十八元如學生不滿額時尙須增加

## 第二章 創立小學師範學校

第八條 校舍由就地借用公屋校中職員由會中公舉

第九條 校中研究之事分三種一小學教育管理之法二普通中學各科之大意

三以關於德育知育之演說開通平民

第十條 校中購置書器修理校舍製備校具以銀八百元爲率

第十一條 校中募集學生六十人須年在二十內外畧有學問有志教育者依第九條所列研究一年卒業



師範生每人每月收膳金三元雜費二元

第十二條 校中延教師三人指導研究之事而訓練之

教師修膳以每人每月二十元為率其中增損由校中職員酌定

第十三條 校中雜費準第七條

教師修膳每年應貼銀七百二十元

照右核計會中應貼開辦費銀八百元常年費銀七百二十元

### 第三章 增設小學校

第十四條 一年以後小學師範生卒業分往各地設立小學校

第十五條 校舍準第八條職員即以教師任之會中臨時派視學員考驗教科

第十六條 校中購備校具修理學校舍以銀二百元為率

第十七條 募集學生每校六十人年在十歲內外四年後卒業學生皆不寄宿每

年收學費銀八元

第十八條 每校教師三人除教授學生外隨時集平民演說教師修膳每人每年

以一百六十元為率

第十九條 校中常年經費如學生足額時可無須津貼

照右核計會中每增設小學校一所應貼開辦費銀二百元常年費不必律貼如學生不足額時應另籌津貼



文字收功日

全球革命潮



東報時論

雜

## ●滿洲問題與列國之輿論

自滿洲之問題起。而歐美新聞。論列國之對於滿洲者。不一其議。今特擇其大略。以紹介于我國民。我國之對於滿洲也。或用詐偽。或用冷酷。或用攻擊種種手段。各新聞異口同音。然當時之態度如何。請略說其區區。

俄國布設西伯利亞鐵道以來。英國人自老叟以及少年。無不洞知俄國之野心。獨不料支那人竟忍于俄國所爲若是也。使非有日英美三國強硬之反抗。則固不能打破之。至于德法各國。其包藏野心。不可倚賴。則又英國人之所早信者也。故近日各新聞。紙無不竭力攻擊政府。實其對於支那政策之軟弱。若一旦滿洲列入俄國版圖。則英國亦必欲得相當之代償。云云。若日日新聞。論美國要求滿洲之自由港。而于俄國反對之事。則曰。此彼等之爭鬭。非吾人之所關。吾于亞細亞。而與俄國妥協。此乃吾人之利益也。若俄國于印度。而不妨我。則我以滿洲讓與俄國。亦無害云云。

東報時論

錄

141

司丹大得新聞所主張意見頗強硬。其言曰。俄國若真欲占領滿洲。則不可不抵抗。以最強硬之手段。而勿輕過之也。云云。

德視俄國之行動。若出以當。然各新聞紙之輿論。皆冷冷淡淡。如若無其事。且二年前。皮勞伯已公言。德國于滿洲毫無利害之關係。故爾來。德國輿論亦常言。滿洲無關係。云云。

夫欲使德國而與列強壓迫北京政府。使其共控俄國之野心。則德國決不爲之。德國各新聞皆豫言。日英之美。抗議。惟以艷麗的答辭。待過之而已。

美國之論滿洲問題也。似有失望之意。似有倦于保全支那之責。皆謂滿洲之地。恐不能爲支那之滿洲也。云云。

美國于要求俄國。與列國。迫滿洲一事。以爲非所希望。

美國各新聞論支那前途。甚爲悲觀。謂將來德國之于山東。法之于南滿洲。亦將用俄國今日施于滿洲之手段。無所忌憚。云云。

### ●俄美於滿洲之競爭

俄國占領滿洲之野心。久已暴露。前因撤兵延期。要求七約。遂驚動天下人之耳目。英美日三國起而抗爭。繼又有三日迫限之事。蓋俄國人向以恐嚇迫脅之政策。觀觀滿洲。今西伯利亞鐵道告成。而於商業軍事上。均有

極大之關係。今次之事。三國出而干涉。彼乃一變其強暴侵略之格。而超于商業界矣。夫俄人制清有餘。拒外不足。今既挫于三國。不得遂其虎狼之欲。設一旦領有其土。列國亦將演行豆分豆剖之慘。稿東洋商業之上。必蒙大損。而論其得失。受害之甚者。則莫如美國。

美國于東洋之勢力。不甚強大。獨于滿洲之商務。超過列強之上。今見俄人之舉動。深有所礙于商務之發達。故汲汲聯合英日。主持開放之說。以維持商務。擴張勢力。蓋滿洲之于美國。實爲支那沿岸之最近者。往來輸送較他埠爲便宜。且鐵道橫貫歐亞二洲。滿洲尤爲萬物皆萃之所。斯固商業繁盛之要樞也。縱使俄國利用其西伯利亞鐵道。而非採用專制政策。則萬不能與美敵也。可知。

于事實上論之。西伯利亞鐵道。猶未能與俄國對敵歐洲之利益。俄國輸送商品于支那時。不甚緊急。蓋支那商業。尚未發達。不能自行製造。故貨物多以海路輸運。由海路運送。則比之鐵道運送。其價不過半額。而由海運至滿洲。不由桑港運送。其價且更廉。

然俄國猶用其從來獨得之手段。彼于滿洲商業上。與美國試其競爭。毫無忌憚。據英國某新聞言。去年俄國商人。見美國綢緞布疋等輸入。行通甚廣。乃遂製造模倣品。其式無不取法美國。而自俄人批賣。比美人之價更廉。約八折半云云。

俄國之木棉類製造品。萬不能與美敵。且自俄國運至滿洲。較之美國運費其數較鉅。而俄國商品。乃能較美國尤廉。豈不可怪乎。豈俄商自甘居于損失者乎。今夫遠行萬里。其日日孜孜。而不甘居於損失者。固不待言。

顧乃不惜重資損利益。嘗以與美人競爭。其必有一原因在歟。原因者何。曰政府補助其力以擴張商務。以拒絕美人是也。至于俄國政府。竟擲莫大之資。以傾設美國之商品。其意豈不艱險乎哉。

然俄人排斥外國商品之手段。亦非至奇。波既支給砂糖之保護金。以廉其價。其較外國商品。殆僅半額。此尤其章明較著者也。

雖然。彼不獨于商業上為然也。更將用其他手段。以驅除美國之商品。他手段者何。滿洲之事實。的占領是也。彼逼迫支那。放棄滿洲條約。封鎖滿洲之港灣。欲以斷美國商品之輸入。于是徐展大欲。以占領滿洲。庶可以盡物。免干涉。而實行其志。望是。豈抑俄國所對於從來視為親友之美國之外交政策乎。抑當列強環視之。聞誓約。遵奉。開放。門戶。主義之故乎。嗚呼。今次俄國之舉動。實不得不謂咄咄怪事矣。

### ●論俄國牛官報之暴論

諾威烏倫者。俄國之牛官報也。于四月二十九日之社說大聲放言曰。『謂我國公使提出八條條約。以要求于清廷。此乃全然無根之捏說也。而今日英兩國據如此無根之說。欲容喙于清俄交涉之間。則俄國亦不能撤滿洲之兵也』云云。

異哉。已先破公約。以挑發他人之反抗。使他國不得已而責其食言。乃反利用其態度。以為違反條約之口實。嗚呼。此俄國之慣用手段也。而此次關於滿洲問題。又將用此手段乎。

諾威烏倫新聞。冷笑英國諸新聞徒信捕風捉影之說。以激昂也。且曰。

『然則果有事起乎。果與英人所以巧辭而描之事合乎。路透社或泰晤士社之北京通信員知之。實未有其事也。』

不過據彼等通信員之電。報俄國不過僅欲確保自千九百年以降于滿洲所獲之權利。俄國要求之風說。一旦流傳。北京日英兩國公使。遂反對俄國之要求。慈惠于慶親王。欲一變滿洲之狀態。復千九百年之情狀。且日英兩國。示有不忍俄國既得之權利之意。』

云云。俄國公使提出要求清廷之條件。洞若觀火。無論如何。欲謂全然無根之捏說。不得也。彼所謂『確保千九百年以降于滿洲所獲得之權利』者。果如何之權利。耶。果如何確保之。耶。況自國匪擾亂以來。以迄昨午滿洲條約。清廷未有與絲毫權利于他國也。然則俄國又從何而獲得乎。即有所獲。其必以強權奪之無疑矣。況當北京事變時。列國會相約以警曰。『乘國匪之亂。以強權要求特別之權利。則當出相當之價金』。是件為各國所公認者也。而當時俄國非其一乎。

滿洲條約之結訂也。皆各國認之以特別地位者也。此條約既訂。俄國有履行此公約之義務。無確保之權利。即此條約外。亦無要求之權利也。

今俄國自挑發列國之反抗。而逆用其反抗。以為不撤兵之口實。其暴慢之甚。一至于此。嗚呼。是而可忍。孰不可忍耶。東亞風潮。日益澎湃。吾輩雖欲頌之。而勢有所不能矣。嗚呼。



## 記軍國民教育會

陽歷五月十一日會議于錦輝館。公推謝君曉石爲臨時議長，董君鴻禕、蒯君壽樞、貝君均爲臨時糾議員。議決軍國民教育會規則。

軍國民教育會規則

第一章定名 本會名軍國民教育會

第二章宗旨 養成尚武精神實行愛國主義

第三章會員

一會員以留學生中同志者組織之

二名譽贊成員以援助本會之官紳商組織之（或爲本會盡力或助本會經費）

第四章職員及選舉法 本會職員分平時臨時二種

一平時職員如左（甲）教員（無定員）（乙）事務員（經理員四人書記員三人會計員三人運動員無定

留學界記事



數) (丙)執法員三人 (丁)職員長一人

二臨時職員如左 (甲)特派員(員數臨時酌定) (乙)教員(臨時教員亦無定數惟得變通其名稱如隊長區隊長之屬) (丙)事務員(種類如平時惟得隨事之大小酌量添舉) (丁)執法員(員數臨時酌定) (戊)職員長一人

教員不限會員由會中公請

特派員事務員及執法員皆由衆投票于會員中公舉惟運動員用推舉自認公認三法

職員長由職員中推舉

職員任期以半年爲率連舉連任

第五章會員之責任

一會員當確守本會宗旨擴張本會事業負保全國土扶植民力之責

二會員遇國事危急之時有遵依宗旨擔任事務之責

三會員有互相親愛互相教學互相規勸之責

四會員有調查內地情形及聯絡他種團體(惟以與本會同宗旨者爲限)之責

第六章會員之權利

一會員皆有議事決事及選人被舉之權

二會員皆有查究會務及質問職員之權

三會員皆有受會中保護援助之權

第七章入會請假除名

一有志入會者須由會員介紹開會時經衆公認方得入會

二會員如有不得已之事故可申明理由向書記員請假

三會員有犯本會公約者可由執法員提議除名由衆公決

第八章課程 課程計分三部

(甲)射擊部(打靶擊劍) (乙)體操部(普通體操兵式體操) (丙)講習部(戰術軍制地形築城兵器)另有

時間表

第九章經費

一義務捐 會員月輸義務捐四角

二特別捐 會員於月捐外有加捐或海內外紳商有樂爲提倡捐助者統作爲特別捐

義務捐於每月開會時各交會計員募集特別捐爲會計及運動員之專責惟會員亦各有勸集之義務

第十章會議 會期計分二種

(甲)經常會期 會員大會每月一次職員會半月一次 (乙)臨時會期 遇有要事得開臨時大會或臨時

留學界記事



職員會會期由書記員先時函告或由通信員馳告(事急時添舉書記專司報告即名通信員)  
第十一章附則

一本公約以會員公決後爲寔行之期

二本會各約章以半年爲改訂之期但遇有要事得隨時公議修改或另訂臨時公約

三本會事務所暫設日本東京神田區駿河臺鈴木町十八番地清國留學生會館內

附臨時公約

一此公約之目的在拒俄

二本會會員當服从公約犯者由執法員提議公決處罰

三本會會員當振作精神執行義務所定時刻(會員操演時刻及職員治事時刻)到會違者由執法員提議公決處罰

四本會會員當互相親愛見同人過失可隨時當面規勸不得膜視亦不得腹誹背後譏誚

五本會會員遇有患難當竭力互相保護救援

六本會會員當有事時不得無故喧擾宜有整齊嚴肅氣象

七本會會員遇危急時不得意存退避故意巧言阻撓致惑人心犯者公議處罰

八本會會員當堅宗旨勿爲惡人淆亂本意

九未出發之前當時警戒整肅不可以時優勢緩意存怠忽

十有出發之期當一致勇於前進不得意存畏怠貽誤大局

十一此公約既經公認執法員依此施行當嚴行查究不得玩視

議畢皆呼軍國民育教育會萬歲

五月十四日特派員鈕君湯君由橫濱乘博愛丸出發。先往上海轉往天津。一日(即十三日)上午浙江開同

鄉會以送湯君。江蘇開同鄉會以送鈕君。下午軍國民教育會會員皆集于會館以送二君。先攝影。次由葉君

潤等致送別詞。次由鈕君湯君致答詞。(詞皆略)語畢。會員呼鈕君湯君萬歲。鈕君湯君呼軍國民教育會萬

歲。中國萬歲。是晚由汪監督處送來管學大臣張電文。照錄如左。

請轉告學生庚電悉俄約政府方堅拒生宜壹意科學報國之日方長斷不可輕于一試百無一試

十七日開會于清風亭公推葉君蘭爲臨時議長。是日議決自治公約(公約略)及會員習課之班次時刻。

## 記留學女生擬創赤十字社之緣起

陰歷五月初九日女學生七人赤十字社篇志看護婦會功課開始。日本皇族貴族甚歡迎之。其功課每月例課二次(四時)特別演習一次。雖皆乘學課之際以從事。然甚踴躍甚鄭重也。並上書於貝子載振請極力提倡。其書錄如左。

日前晉謁。得領教言。以弱質愛國之忱。荷朱邸優渥之賜。感極而奮。不知所云。邇者在東留學生。以俄約日迫。一時忠憤。誓爲鬼雄。已設立軍國民教育會。練習體操。講求戰術。一有戰事。志在効國。某等亦吾國之民。宇寅一蒼赤。無一業之建樹。是自外於生成。安怪數千年來。女權之摧殘。凌遲。以至於今日也。當俄約警報。達於東京。留學生等。憂過慮。以爲北方。即有血戰。食欲冠日。歸國。自効戎行。某等忤僚無訴。爲母國。亡同胞。且殲弱質。女子。生復何益。故亦公議。隨軍北征。軍中之事。雖不克任。而裹傷收死。縫紉具食。或能爲之。即不得已。避死。所附於國。傷亦足以塞天下女子之責。失心若此。未敢少渝。日來各報。所載俄國。以我政府之拒。稍稍自戢。吾國或藉此得乘旦夕之安。奮發淬厲。以圖自振。學生等。尤當因是以善七年之艾。力學積健。以期有爲。此留學生等。軍國民教育會。設立之旨。而女學生等。亦十字社。看護婦。與會之因也。查各國。赤十字會之設。其宗旨。爲大同。爲博愛。戰地療傷。無分敵我。而仁術之所自擴。無不由於一二愛祖國。昵種族之士女。挾其親親之心。以爲博愛之本。奈丁格爾之役。英國之女子也。以英法攻俄之故。馳赴戰地。療卹死傷。卒爲今日各國。赤十字會之嚆矢。日本博愛社。亦十字會之先聲也。以鹿兒島亂之故。隸於軍醫。從事救護。卒基明治二十年。日內瓦府之同盟。惟其以英人急英國之患。日人卹日本之災也。故其惻隱之心。持之愈貞。推之益廣。乃克底於博愛大同之域。列於淦南條約。爲萬國之所公認。(淦南瑞士人。樹立赤十字社者。歐人稱赤十字會。條約爲淦南條約)是以無論何國。苟欲與於日內瓦列國之盟者。必首樹其母國仁聞之幟。此其公例。萬無可越。而某等所爲。切傷深察。而有所望於我君相我國民者也。戊戌之歲。

大阪商人孫淦書。編述紅十字會說畧一卷。言「地球萬國。猛獸如土耳其。偏小如暹羅。皆已締約。獨朝鮮與我未與前盟」。今距孫淦編書之歲。纔五年。而朝鮮亦踵起前會。列於淦南。泱泱大國。顧朝鮮。遲之。不若。乎營口之役。日本設立病院。吾國軍士傷者。病者。轉蒙其澤。此寔吾人之羞。吾國仿効西法。垂數十年。船塢。廠。歲有所築。雖屢經挫衄。仍不惜鉅帑。以經營之。至於救災卹鄰。萬國共行之仁政。獨退讓隱忍。而不敢任。是班孟堅所謂。敢於殺人。而不敢於生人者也。能無恫乎。孫淦又於光緒二十三年。在東京。稟請欽差。出使日本。大臣裕祿。至中國各地。捐集鉅資。試辦此會。懇由裕大臣。咨明總理衙門。代奏。奉批。紅十字會。西人謂之 Red Cross Society。拯災濟衆。最稱善舉。本大臣亦曾目覩該商所稟各節。具見存心利濟。惟善舉之設。事出衆擎。允准之權。應聽政府。仰候據情。咨請總理衙門。核奪。可否。遲速。應俟覆到之日。再行飭遵。某等因輟轉數年。吾國士女。無有繼起而道之者。庚子之變。義輔一帶。積屍如邱。流血成渠。瘡痍。傷復。不能不攀援哀號。待救於敵國之軍。醫凍餒。顛蹶。又不能不匍匐累。款受拯於強鄰之厚施。荷孫淦之說。見諸實行。則近畿之民。尤多所存活。至今言之。猶有餘痛焉。日本赤十字會。年開大會一次。某等在東。目覩其盛開會之日。帝后親臨。會中。厚錫資財。即泰西各國。提倡斯舉。皇室政府。無不與者。某等不敢不以善國之帝后。以望。宮闈。尤不敢不以強國之設施。以責政府。諄諄懇切。允爲代奏。具見仁民愛物。不讓東西諸賢王。惟風氣未開。衆擎匪易。非得朝廷倡率之力。不足以振全國好義之氣。惟。殿下有以拔起而規畫之。茲謹抄錄日本赤十字會章程。及日內瓦條約。另摺具呈。伏乞。代奏。并懇。勅令各省。勸諭紳富。協力贊成。

某等已入日本赤十字社爲志看護婦會。研究看護之法。苟有所得。不辭勞瘁。當竭誠爲効。一面且布告國人。苟有好義識時之士。聞風而起者。朝廷當有以獎勵之。幸甚。不宣。

### 記聯隊生劉君某被辱及成城學校諸君公憤事

陰歷五月十七晨。成城學校得劉君某自訴書曰。

五月十五日晚。近衛步兵第三聯隊第二中隊長西鄉大尉。呼余偕往散步。余視彼面帶狎容。遂拒之。(中畧)余之旁。岳君某在焉。西鄉大尉謂岳曰。爾學陸軍。何意岳以爲國等語。答之。被復問曰。爾何不去辮髮。岳即以旁言了之。被又紛紛不已。以日清戰爭等語譏刺。(中畧)後岳君去。西鄉大尉即以手挽余臂。作種種不堪語。(下畧)

成城學校諸君得此函。群起停課。每班舉代表二人。赴汪監督處。請向日本政府責問其事。謂吾中國人爲留學而來。非娼優可比。日人不得以無禮待吾學生。

十八日上午。成城學校監督演說。

劉君某事。與諸君無涉。諸君不得如兒戲。須從速上課。守學校規則。蓋諸君刺刺不已。余實不知諸君之果有何意也。(下畧)

監督演畢。成城學校代表人答辭。

(上畧)學校規則。生等無不守之理。然劉君某。亦留學生也。生等不得不干涉。且此事與敝國學生體面大有關係。(下畧)

答辭未畢。監督即去。成城諸君乃自立公約曰。頃觀監督。似藐視學生。吾等須思處置之法。今日既不上課。吾等須守學校規則。不得在外喧嘩。並須照常自脩。至此事之交涉。應請代表人任之。然代表人欲赴他處。亦須向監督請假。庶外人知吾等之舉動。並非若兒戲也。

當日下午。汪監督自參謀本部得回音錄於下。

(上畧)貴國派遣留學生。留學敝國。原以兩國邦交彼此親睦起見。現在貴國學生畢業回國。已不渺其人。敝國未嘗慢待學生。此次學生如必刺々不已。請貴國以後可不必再派學生。且敝國古來素有此風。自明治維新後。示禁止。然至今終未盡除也。(中畧)聯隊中彼此嬉戲。亦常事耳。與諸君實無所關係。(下畧)

成城學校諸君聞之憤極。中國派學生留學。爲日本之文明也。日人竟敢以野蠻待吾娼優視吾。則吾等又何面目復留學乎。且此次如模糊了事。則將來日人視吾學生。更不知至何地位。遂各議退學。並告日政府。此事乃學生等之公憤。不忍以娼優自待。至於兩國政府。各無干涉也。

十九日上午。成城學校監督。偕參謀部翻譯員來演說錄下。

(上畧)聯隊生劉君某。乃彼一人之交涉。與諸君無關。(中畧)此事愈弄愈大。非貴國之欽使不能辦。況此事若至弄大之後。恐有關於國際。如諸君不欲弄大。則請即日上課。任彼一人交涉。則此事即好了結也。

(中略)最好請即日上課。或明日。不然。監督自有辦法。諸君其重思之。勿貽後悔也。今日本監督且不欲聆諸君言。請各歸自修室。(下略)

監督演畢。成城諸君之代表人乃向翻譯員曰。

(上略)如監督必不欲聽生等言。則生等明日萬無上課之理。況此事不惟做國人所不能堪。即反之於貴國亦恐不能堪。試問貴國數年前。為一婦人赴美洲被美人受辱。事貴國留學生及商人大憤。公致電於貴國政府。後經美人謝罪。事始了結。今劉君留學生也。豈貴國婦人之不若。生等復何面目再上課乎。非故事喧嘩。實無面見貴國人也。

翻譯員曰。監督已向諸君說過。不欲聆諸君言。如必刺々不已。則請諸君之便。且監督曾云。明日自有辦法。請各歸自修室。其細思之。(下略)


成城學校諸君至此時退學事遂決。一面派人到汪監督處。請向參謀部辭決。並白此事乃學生等之憤。與兩國政府俱無關係。一面南北洋官費生擬致電(尚未發)於南北洋各大臣。陳其始末。


下午五點鐘。汪監督自參謀部回而言曰。諸君且少留。參謀部有挽回之意。並有意見二條。諸君如以為然。即由此了結。否則參謀部云。他事萬々做不到。(錄下)

一命西鄉大尉復至劉君處謝罪。

一命西鄉大尉赴汪監督處謝罪。

成城學校諸君見事已如此。遂經公衆議決。允照第二條辦法。次日汪監督偕參謀部員至成城學校。向監督說明。並囑諸生照常上課。





小說

小

# 斯巴達之魂

自樹

西歷紀元前四百八十年。波斯王澤耳士大舉侵希臘。斯巴達王黎河尼佗將市民三百同盟軍數千。扼溫泉門。（德爾摩比勒）敵由間道至。斯巴達將士殊死戰。全軍殲焉。兵氣蕭森。鬼雄晝嘯。追浦累皆之役。大讎斯復。迄今讀史。猶懍懍有生氣也。我今掇其逸事。貽我青年。嗚呼。世有不甘自下於巾幗之男子乎。必有擲筆而起者矣。譯者無文。不足模擬其萬一。噫。吾辱讀者。吾辱斯巴達之魂。

依格那海上之曙色。潛入摩利遜之灣。衣馱弟一峯之宿雲。亦冉冉呈霽色。灣山之間。溫泉門石壘之後。大無畏大無敵之希臘軍。置黎河尼佗王麾下之七千希臘同

159

說

斯巴達之魂

一

盟軍露刃枕戈。以待天曙。而孰知波斯軍數萬。已乘深夜。得間道。拂曉而達衣馱山之絕頂。趁朝暾之瑟然。偷守兵之微睡。如長蛇赴壑。蜿蜒以踰峯後。

旭日最初之光綫。今也閃閃射壘。角照此淋漓。欲滴之碧血。其語人以昨日戰爭之烈。兮壘外死士之殘甲。累累成阜。上刻波斯文『不死軍』三字。其示人以昨日敵軍之敗績。兮然大軍三百萬。夫豈懲此敗北。夫豈消其銳氣。噫。嘻。今日血戰。血戰。哉。黎河尼佗終夜防禦。以待襲來。然天既曙而敵竟杳。敵幕之鳥。向初日而噪。衆軍大懼。而果也斥候于不及防之地。竇不及防之警報至。

有奢利人曰愛飛得者。以衣馱山中峯有他間道告敵。故敵軍萬餘。乘夜進擊。敗佛雪守兵。而攻我軍背。

咄咄危哉。大事去矣。警報戟腦。全軍沮喪。退軍之聲。囂囂然挾飛塵以磅礴于軍中。黎河尼佗爰集同盟將校。以議去留。僉謂守地既失。留亦徒然。不若退溫泉門。以爲保護希臘將來計。黎河尼佗不復言。而徐告諸將曰。『希臘存亡。繫此一戰。有爲保護將來計而思退者。其速去此。惟斯巴達人有『履戰地不勝則死』之國法。今惟

決死！今惟決死戰！餘者其留意！』

於是而脛羅蓬諸州軍三千退。而訪喀斯軍一千退。而螺克烈軍六百退。未退者惟利司駭人七百耳。慨然偕斯巴達武士誓與同生。死同苦戰。同名譽以留此。危極。淒極。壯絕之舊壘。惟西蒲斯人若干。爲反復無常之本國質。而被抑留于黎河尼佗。嗟此斯巴達軍。其數僅三百。然此大無畏。大無敵之三百軍。彼等曾臨敵而笑。結怒。欲衝冠之長髮。以示一瞑不視之決志。黎河尼佗王亦于將戰之時。毅然謂得『王不死則國亡』之神誠。今無所遲疑。無所猶豫。同盟軍既旋。乃向亞波羅神而再拜。從斯巴達之軍律。輿糗以待強敵。以待戰死。

嗚呼全軍。惟待戰死。然有三人焉。王欲生之者也。其二爲王戚。一則古名祭司之裔。曰豫言者。息每卡而嚮以神誠告王者也。息每卡故侍王側。王竊語之。彼固有家。然彼有子。彼不欲亡國而生。誓願殉國以死。遂侃然謝王命。其二王戚。則均弱冠矣。正撫大好頭顱。屹立陣頭。以待進擊。而孰意王召之至。全軍肅肅。謹聽王言。噫。二少年今日生矣。意者其雀躍返國。聚父母親友作再生之華筵耶。而斯巴達武士豈其然。



噫如是我聞。而王遂語。且熟視其乳毛未褪之顏。  
 王『卿等知將死乎？』少年『然。陛下。』王『何以死？』甲『不待言戰死。』戰死。王『然則與卿等以最佳之戰地何如？』甲乙『臣等固所願。』王『然則卿等持此書返國以報戰狀。』

異哉。王何心乎。青年愕然。疑肅肅全軍諦聽。諦聽而青年恍然。厲聲答王曰。『王欲生我乎。臣以執盾至。不作寄書郵。』志決矣。示必死矣。不可奪矣。而王猶欲遣甲而甲不奉詔。欲遣乙而乙不奉詔。曰。『今日之戰。即所以報國人也。』噫。不可奪矣。而王乃曰。『偉哉。斯巴達之武士。予復何言。』一青年退而謝王命之辱。颺颺大旗。榮光閃閃。於鏖豪傑。鼓鑄全軍。諸君。諸君。男兒死耳。

初日上。征塵起。睜目四顧。惟見如火如荼之敵軍先鋒隊。挾三倍之勢。潮鳴電掣。以陣于斯巴達軍後。然未挑戰。未進擊。蓋將待第二第三隊至也。斯巴達王以斯巴達軍爲第一隊。利司駭軍次之。西蒲斯軍殿。策馬露刃。以速制敵。壯哉勁氣。亘天。峻鳥退舍。未幾。惟聞『進擊』一聲。而金鼓忽大振于血碧沙晶之大戰圍場裏。此大無畏

大無敵之勁軍。于左海右山。危不容足之峽間。與波斯軍遇。吶喊格擊。鮮血倒流。如鳴潮飛沫。奔騰噴薄于荒磯。不利那頃。而敵軍無數死于刃。無數落于海。無數蹂躪于後援。大將號令。指揮官叱咤。隊長鞭遁者。鼓聲盈耳。然敵軍不敢迎此朱血塗附。日光斜射。愈增燿燦。而霍霍如旋風之白刃。大軍一萬。盡湧至矣。然敵軍不能撼此擁盾屹立。士氣如山。若不動明王之大磐石。

然未與此戰者。猶有斯巴達武士二人存也。以罹目疾故。遠送之愛爾倖尼之邑。于鬱鬱閒居中。忽得戰報。其一欲止。其一遂行。偕一僕以赴戰場。登高遠矚。吶喊盈耳。踴躍三百。勇魂早浮動盤旋于戰雲黯澹處。然日光益烈。目不得瞬。徒促僕而問戰狀。

刃碎矣。鏃盡矣。壯士殲矣。王戰死矣。敵軍蜎集欲刼王屍。而我軍殊死戰。咄咄然。危哉危哉。其僕之言蓋如是。嗟此壯士。熱血滴瀝于將盲之目。攘臂大躍。直趨戰壘。其僕欲勸止欲代死。而不可而終不可也。主僕聯袂大呼。『我亦斯巴達武士。』一聲以闖入層層亂軍裏。左顧王屍。右拂敵刃。而再而三。終以疲憊故。引入熱血朱殷

之壘。後而此最後決戰之英雄隊。遂向敵列戰死之枕。噫死者長已矣。而我聞其言。汝旅人兮。我從國法而戰死。其告我斯巴達之同胞。

巍巍乎溫泉門之峽。地球不滅。則終存此斯巴達武士之魂。而七百利司駭人。亦擲頭顱。灑熱血。以分其無量名譽。此榮光糾紛之旁。猶記通敵賣國之奢利利人。愛飛得降敵乞命之四百西蒲斯軍。雖然。此溫泉門一戰。而得無量光榮。無量名譽之斯巴達武士。間乃亦有由愛爾俾尼目病院而生還者。

夏夜半闌。屋陰覆路。惟柝聲斷續。犬吠如豹而已。斯巴達府之山下。猶有未寢之家。燈光黯黯。微透窗隙。未幾有一少婦。送老嫗出。切切作離別語。旋鏗然闔門。慘淡入閨裏。孤燈如豆。照影成三。首若飛蓬。非無膏沐。蓋將臨尋。默祝願生剛勇強毅之丈夫。爲國民有所盡耳。特適萬籟寥寂。酸風戛窗。脉脉無言。似聞嘸息。憶征戍。歟。夢沙場。歟。噫。此美少婦而女丈夫也。寧有嘆息事。嘆息。豈斯巴達女子。事惟斯巴達女子能支配男兒。惟斯巴達女子能生男兒。此非黎阿尼陀王后。格爾歌與夷國女王。應答之言而添。斯巴達女子以萬丈榮光者乎。噫。斯巴達女子。寧知嘆息事。未完。

## 哀塵

法國露俄著  
庚辰譯

惠克德爾露俄既於前土曜日。(禮拜六)舉學士院會員經兩日。居辣斐的街之席拉覃夫人。折簡招露俄而饗以晚餐。

露歌特亦與其列。爾時渠僅一將官。適任亞耳惹利亞大守。行將就任之際也。

露歌特者。齡既六十有五。精神豐饒。而顏色潤澤。痘痕歷歷滿面。覺有一種粗豪氣。然決非粗野者。渠蓋以懋拙兼意氣。以古風維今樣者也。復無耄年長者自意之癖。一機轉之可人也。

席拉覃夫人令將官坐其右。露俄坐其左。而自處其中。於是此詩人與武人之間。乃生縱論。

將官於並耳惹利亞一事。心滋不平。其論曰。法國取此。是使法國爾後無辭以對歐羅巴也。夫攻取之易者。莫亞耳惹利亞若。在亞耳惹利亞。其兵易於圍擊。捕其兵無以異捕鼠。其兵直可張口啖之耳。且欲殖民於亞耳惹利亞。有綦難者。以厥土貧瘠。

故也。間嘗躬歷其地。見所藝黍。每莖相距者尺有半。

囂俄曰。誠然。古羅馬人所視爲太倉者。今乃若是歟。雖然。即信如君言。而余尙以此次之勝利爲幸事。爲盛事。蓋滅野蠻者。文明也。先蒙昧之民者。開化之民也。吾儕居今日世界之希臘人也。莊嚴世界。誼屬吾曹。吾儕之事。今方進步。余惟歌『霍散那』而已。君與余意。顯屬背馳。然君爲武人。爲當事者。故云爾。余爲哲學者。爲道理家。故云爾耳。

未既。囂俄辭席拉罩夫人以行。時方一月九日。雪花如掌。繽紛亂飛。囂俄僅着薄半鞋。徑出街上。知不能以徒步歸也。乃往泰波的街。蓋以素知街角有馬車之憩場。故既至。則萬徑寥寂。絕無輪音。囂俄遂鵠立路隅。以待馬車之至。

囂俄如受主命之僕。鵠立以俟。瞥見一少年衣裳麗都。俯而握雪。以投立路角着短領衣之一女子之背。女子忽驚呼。奔惡少年而擊之。少年亦返擊。女子復答之。於是兩人鬪益烈。以其益烈也。瞬間而巡查至。

巡查皆競執此女子。而不敢觸少年。

彼不幸之女子。見巡查之捕已也。乃力抗之。然終被捕。爾時渠乃宛轉悲鳴。巡查各執其雙手。曳令行。女子呼曰。余未爲害。余可保。必無彼紳士實先擊余者。余實無罪。乞就此釋余。余實未爲一害者也。實如是。實如是。

巡查曰。其速行。依定律。請若嘗試此六閱月間。

曰。請若嘗試此六閱月間。聞斯言也。彼不幸之女子。乃解辯益力。乞哀再三。巡查任其悲鳴。漠然不稍動。終曳此女子至大劇場後之霞駭街之警署。

囂俄惻惻悲此不幸之女子。惘然若有失。凡是等事。起例多。旁觀者遂厠入喧笑之羣衆間。以隨之行。

既達警署。囂俄欲徑入爲女子雪其罪。復自省曰。己之名已多。知者且邇。日報章亦遍揭之。因是等事而輒厠入其中。則物議所從生也。要之囂俄母入署。

拘此女子之警署。則在樓下。前臨通衢。囂俄欲悉其究竟。據窓窺之。見此女子以失望之餘。慘然伏地。而搔其髮。囂俄怦然心動。惻怛不堪。渠復深思。終而覺悟曰。囂俄應入署。

囂俄方入。有一明燭據案而書者。顧而發微弱之聲曰。若何爲者。答之曰。貴官。余適所起一事之證人也。余將以目擊之次第爲此女子告足下。故敢來。此言。次此女子凝視囂俄。若惟驚且詫者。其人曰。即信如君言。有多少利害存其間。然終無益也。此女子犯大道。擊人之科。渠曾毆辱一紳士。渠應處以六月之禁錮。女子乃復悲泣。轉輾於地。忽有數女子徑至渠側。謂渠云。我儕可來訪君。願君勿憂。我儕當齎衣服以與君。可姑受之。是等女子。爾時乃與以貨幣及食物。

囂俄曰。設若知予名。恐若言動當不如是。若其聽予言。

其人曰。然則君何人乎？

囂俄早知。無不告以名而事得釋之理。

囂俄告以名。警部（其人乃警部也）忽起謝無狀。其前之倨傲倏一易而爲足恭。且以椅進囂俄乞之坐。

囂俄謂警部曰。吾以吾目親見之。彼紳士握雪爲丸。以投女子之背。此女子固未嘗識紳士。因被擊而發痛苦之聲。渠固先奔紳士以擊之。然渠之權利所應爾也。即不

措問其暴亂而雪丸之苦痛與激冷。此女子之蒙害固已甚矣。終當事其母或育其兒之女子而奪之食。則警部無寧科罰緩之爲愈。是則在擊斃之紳士。蓋應捕者實非此女子而紳士也。辯護既畢。此女子懽喜與感激交見於面。渠惟曰。此紳士如何之善人。歟。渠如何之善人。歟。余未知有若斯之善人者。然余未曾遇渠。余未嘗識渠。警部謂囂俄曰。余深信君言。然巡查已述始末。訴狀既成矣。君之證言當列諸訴狀內。君其安心。然終當審理。故余不能釋此女子。囂俄曰。噫。是何言歟。余今爲君言者。事實甚明。實君所不能爭者。而亦無可爭者。而君尙欲加此女子以罪乎。則此審理乃大非理也。

警部曰。欲釋此事。玆惟一法耳。即君署名于君之證言是也。君署名否歟？應之曰。惟視此女子之釋否。以定余之署名。玆而囂俄遂署名。

女子惟再三曰。此紳士如何之善人乎。渠如何之善人乎。是等不幸之女子。待以親切。不僅驚感而已。待以正理。亦然。

譯者曰。此囂俄隨見錄之一。記一賤女子芳梯事者也。氏之水夫傳叙曰。宗教社會。天物者人之三敵也。而三要亦存。是人必求依歸。故有寺院。必求存立。故有都邑。必求生活。故耕。地航海。三要如此。而爲害尤酷。凡人生之艱苦。而難悟其理者。無一非生於斯者也。故人常苦於執迷。常苦於弊習。常苦於風火水土。於是宗教教義。有足以殺人者。社會法律。有足以壓抑人者。天物有不能以人力奈何者。作者常于諾鐵耳譚。發其一于哀史。表其二。令于此示其三云。芳梯者。哀史中之一人。生而爲無心薄命之賤女子。復不幸舉一女。閱盡爲母之哀。而轉輾苦痛於社會之陷穽者。其人也。『依定律。請若嘗試。此六月間。』噫嘻。定律胡獨加此賤女子之身。頻那夜迦衣文明之衣。跳踉大躍於璀璨莊嚴之世界。而彼賤女子者。乃僅求爲一賤女子。而不可得。誰實爲之。而令若是。老氏有言。聖人不死。大盜不止。彼非惡聖人也。惡僞聖之足以致盜也。嗟社會之陷穽。兮。莽莽塵球。亞歐同慨。滔滔逝水。來日方長。使囂俄而生斯世也。則剖南山之竹。會有窮時。而哀史輟書。其在何日。歟。其在何日。歟。



文苑

聞浙江潮出版恨未得見賦此奉寄

縉國男子

霸才王氣黯荒邱。禹蹟明明說本州。我倚天南今獨嘯。浙江潮自有潛流。

聞鄉人開學社於草茅坂用製祝詞

全

精舍獨開西郭門。諸君豪興自蜚翻。澄人社有千秋在。越絕書猶一卷存。大好江山留霸氣。素無師友媿名言。用王陽明語誰除壇坫張旗鼓。我欲南歸問故園。

懷七第四章錄其二

詩俠

九關虎豹聲烈三界。龍蛇噬態狂天運。轉旋期此日。地球顏色占何方。丹心一片明民義。碧血千秋弔國殤。迴瞬亞洲有豪傑。青年意氣自飛揚。羯來遊戲隱江村。小坐攤書總杜門。蓋世勳名天外想。非常事蹟夢中論。腸吞鐵石。

文苑

二

疑無迹手斬蛟鼉似有痕長嘯一聲驚主宰也應呼醒兆民魂

東甌女士張靜儀

## 題秋海棠補蟋蟀

戰事何年息終輸鬪智工數行愛國淚化作滿階紅

全

## 題競爭圖

大陸萬物生也有涯哀哉蟬歟螳螂捕之彼螳螂兮揚揚得志乃有黃雀空中窺伺  
列邦雄飛競爭如此強食弱肉曷持公理

全

## 題墨白牡丹

獨占百花王豈在色與香英姿昂然貴綠陰扶其旁繪事悟後素不忍染姚黃尺絹  
理想寄吾欲帥羣芳

全

## 題黃白菊花

籬落秋光愛曉香感情無限寄縑緗從來佳色都天演黃種豈輸白種良

全

## 題桃花寶劍

物競炎炎唯天所擇挾骨柔情支配人格豔絕環球光茫鞭電兒女英雄千秋合傳



調查會稿

## ●日本神戶大坂兩埠居留之浙商人數事業及與各省人數比較說

大坂埠 浙商約七十人著名者曰周慶中其事業以進口為大宗出口貨次之進口貨以麻米棉花漆狸皮羊皮鹿皮藥材等物為最出口貨以雜貨為最若與各省人數相比則江蘇約五十人山東約百五十人福建約三十人廣東為最多數未詳

神戶埠 浙商約百人著名者曰吳錦堂其事業較大坂稍廣進口貨以葷子葷餅為上米與藥材次之各省人數以廣東為最多若直隸山東不過十餘人福建又稍加焉統計華商寓神戶埠者約二千百餘人云

兩埠人數事業如上述若大坂市華商之稍占權力者尙推北幫南幫遜之昔曾有



三。江。公。所。之。設。形。式。類。一。廟。宇。例。祭。關。帝。及。天。飛。聖。母。每。朔。望。日。浙。商。必。往。行。禮。若。遇。神。誕。則。香。花。燃。燭。門。前。揭。示。與。內。地。廟。宇。同。日。人。名。公。所。曰。南。京。寺。焉。若。橫。濱。浙。商。之。數。尚。未。查。明。姑。俟。異。日。

### ●浙江運河輪船通行表

名別	業主	資本	航路	期日	開業年月
戴生昌	本國商	拾二三萬兩	上海杭州間	日行	光緒十八年
大東	日本人	十萬圓	蘇州杭州間	日行	光緒二十二年
利用	官立	四萬兩	上海湖州間	間日行	光緒二十一年
泰昌	本國商	一萬兩	上海杭州間	日行	光緒二十四年四月
利和	本國商	五六千兩	上海湖州間	日行	光緒二十七年四月
			上海嘉興間	間日行	光緒二十七年六月
				間日行	光緒二十六年九月

萃順昌 本國商 五六千兩

上海嘉興硤石間 間日行 光緒十九年

### ●温州樂清縣教育部

學校部所 名稱

樂清縣城內樂清縣學堂國文

員數 生徒 經費 建設年月  
教員五人 六十名 官立 由梅溪書院改 壬寅三月

經學

總理

政治

監督

歷史

庶務

地理

書記

數學

東文

體操

數學

全上

算學館

教員一人

三十名

官立

己亥

柳市鎮

樂西學社

教員 六十名 私立常年二千元由壬寅

抽捐 地方田畝

內分師範  
科普通附  
一設藏書所  
一由辛五  
建設每月  
開會二次  
聽者近千  
人又派人  
往各村鎮  
演說

測繪

微積

國文

經學

倫理

政治

歷史

地理

物理

算術

英文

體操

各地演說附

高步雲

黃式齋

倪彥

陳毓麟

鄭鼎銳

周繼善

王同

校長周

稽察治

會計馮豹

書記全上

## ●玉環廳教育部

玉環城內小學堂

國文

教員

未詳

本年

除未詳

石蘊輝

楚門小學堂未詳

未詳

郭家私立

## ●杭州輸出貨大宗數目表

專據由杭州洋關運輸者

一一〇、五五三担數

六六、三二六照海關兩

二、二四七全

三二、二〇九全

一、八〇〇全

四一、四〇〇全

三、七一九、五四〇本

一八五、九七七全

一三三、二二三担

三八、七二三全

一〇〇、四四〇隻

一四、三四〇全

六、七三二担

二〇、四五六全

五三〇全

二二、九六二六全

玉環城內

小學堂

國文

教員

未詳

本年

除未詳

石蘊輝

楚門小學堂未詳

未詳

郭家私立

一一〇、五五三担數

六六、三二六照海關兩

二、二四七全

三二、二〇九全

一、八〇〇全

四一、四〇〇全

三、七一九、五四〇本

一八五、九七七全

一三三、二二三担

三八、七二三全

一〇〇、四四〇隻

一四、三四〇全

六、七三二担

二〇、四五六全

五三〇全

二二、九六二六全

柴餅  
棉花  
綿絲  
扇  
柴  
麻袋  
藥材  
生絲由拱宸橋通益  
公絲廠所出者

全上由塘栖廠所出者  
 繭 七七三全 四六三、八〇〇全  
 繭 七六二全 四六、二二三全  
 繭 八六九全 四三、四三六全  
 繭 二、六三四全 一、五八〇、五七一全  
 徽州茶 六九、七九二全 一、七四四、八〇九全  
 龍井茶 九九八全 五四、九一一全  
 平水茶 二、五九四全 五九、六六三全  
 右杭州土產輸出表。係依去年海關報告數而立。此外尚有絹織各物。錫箔。各種紙料。鉛粉。剪刀。錫器。棉花。米。漆。筍。乾。藕。粉。麻。皮。之類。非由海關經行。故必由釐局調查。乃得確實。

## ◎杭州外國輸入貨大宗數目表

錫 三、六二九担 一〇八、八七八照海關兩  
 銅自日本來 一二、八一全 二五、六一一全

炭全 七九四一全 七九、四一〇全  
 粗葵扇 一二三四一、四〇〇本 一五、二一九全  
 牛皮 七二三担 三八、六七八全  
 洋油自日本來 二、〇〇二、二八〇箱 三二五、二五五全  
 全上自俄國來 一二〇、七一〇全 三二、七一六全  
 全上 一二四、八〇〇全 二九、四〇五全  
 乾蝦 九二九全 一八、五七四全  
 蘇木 一、〇三五全 一四、四八五全  
 石鹼 八、六九七全 三七、一四二全  
 黑砂糖 九、九四九全 三九、七八三全  
 白砂糖 三七、〇八九全 二二五、一一六全  
 洋傘 三、六〇九打 一八、〇四三全  
 右杭州外貨輸入表。亦係依去年海關報告數而立。尚有未列入表內者。如鴉片。計

重數一百十七萬四千九百四十兩。綿織各物計重數八千六百三兩。毛織各物計重數八千一百二十七兩。銅鐵各物計重數十八萬一千四百七十一兩。其餘雜貨計重數一百二十萬五千三百六十七兩。鴉片輸入之數如此其大。加以本省所出土膏。數不勝紀。居民之貧者。純服土膏。所謂台漿是也。然則每年銷膏之數。直至不可計數。謂之病國也亦宜。

### ●杭州外省輸入貨大宗數目表

豆餅	一一四〇四担	一七一〇七照海關兩
豆	三三三、〇九八全	八三二、七四五全
黑棗	一一九一七全	二九、一六二全
鮮果	一二、二七九全	七八、〇一九全
麻	二、九三五全	二九、三五〇全
染料	三、二七七全	一四、五三一全
油桐油菜油之屬	一七、七〇五全	一七七、〇五三全

橄欖

紙

黑砂糖

白砂糖

冰糖

煙水煙旱煙之屬

漆

白蠟

杭州貨物運輸。其自上海來者。則自江干以達于湖墅。其由蘇滬各地來者。則自湖墅以達于江干。江干湖墅之間。城河通之。相距不過二十里。然河道狹隘。貨物搬運必越二日或三日。甚至五六日。乃達。天旱之頃。城河水少。船舶壅滯。銜尾相接。莫能前行。即以米論。都僱人肩運。需時費工。莫此為甚。往年曾有建築泥馬路之議。杭紳以妨礙城河航業。疊加阻撓。是議之起。擬由拱宸橋沿城經艮山慶春清泰望江各

門外以達于江干取其與城河並行也。今聞有人復倡此議。度紳士抵阻之力。當較之往昔稍減矣。

### ●三門灣緊要調查書

三門灣界于甯海建跳之東。象山石浦之南。西連五嶼洋。東北連石浦江。其間島嶼甚多。最大者曰南田。截長補短。不下三十方里。其東則有檀頭山。上下布袋諸島。附焉。其西有朱門。大佛頭諸島。附焉。其南有博山島。其北有坦塘東門等島。又有白礁迭嶼虎口滿山黃嶼葛山南礁諸小島。遠近星羅。大小錯綜。浙海島灣之多。莫踰此矣。茲分門戶爲八。

朱門島與坦塘島接以三小嶼。是謂三門。

與南田大島相連。是謂林門。

與大佛頭相接。是謂朱門。

東門島與象山平巖相接。是謂嶺五門。

與上下布袋諸島相接。是謂東門江。

上下布袋島西北與南田大島間一小嶼。是謂下灣門。

其東南與南田大島亦間一小嶼。是謂鎖門。

南田大島之南接南山島。是謂金七門。

其地爲甯海象山之門戶。甯波臺州之咽喉也。於至港灣相接。亦皆有重要之處。今臚舉之如下。

甯海之胡陳港以前橫大清爲門戶。

瀝洋港茶院港以石牆頭古渡爲門戶。

白嶠港以越溪亭頭爲門戶。

一市港以礁頭牛腿爲門戶。

沙箕港以蔓奧司爲門戶。

海游港以寶奧司爲門戶。

而要皆總轄於建跳之海股而建跳與五嶼門岳井港車輿港又總會於三門灣三門灣之置重如此。若夫與三門灣輔車相依之地。則如象山海股以鎮海之彈。藉象


山之錢倉爲門戶而石浦又爲象山之要區此皆塞三門灣而不得出入者也至其水程里數則

自海門至青塘門水程五十里  
自青塘門至牛頭門水程三十里  
自牛頭門至三門灣水程六十里  
自三門灣至石浦水程三十餘里  
自石浦至舟山水程一百八十里  
自舟山至寧波水程二百里

此道商舟往來日以千計而三門灣爲必由之地若扼此險則寧波海門阻隔而不通矣。

往歲意大利索三門灣浙中大吏不知三門灣何地急檄沿海官吏查勘時意大利兵艦停泊寧海與奉化交界地之獅子口或上下游弋或沿海測量來去不定居民莫測意大利兵上岸時附近村莊居人爭殺雞豚售之獲利甚豐因此爭相

販賣媚外之心熾焉日起至有村農餽以土產意兵贈以紙幣彼此交遺一如戚友愚民無知因利受餌至可悲憐初意大利商人某至寧海面謁地方官約之曰我欲在寧海開一洋行諸事務望保護嗣向柴姓人租屋數楹即開一公司名爲義利公司雇上海數人司事焉不數月乃雇小工數十名持開礦器具至寧海西鄉約距城四五十里之大坂洋地方直行開礦地方官未之知也居民以事涉洋人亦莫敢攪後以屯駐日久礦苗不佳因而中止浙東諸地礦產甚多浙官棄之浙人棄之棄之而不顧宜有覬覦之者矣礦者國之精也失礦則失國附誌于此以告浙人之憂心時局者。





期 五 第 潮 江 浙



第三期刊誤表

[illegible]

五七	五七	五六	五五	五五	五四	五一	五十	五十	四九	四八	四六	四五	四四	四二	四一	四〇	三八	三八	三五	三三	二六
六	四	九	十	六	八	三	二	一	六	四	九	八	三	二	一	八	八	九	一	九	
千是中	太白靈	而智渴	所影者	助賢極	或于冠	無憂日	足以神	致種通	者幸儲	龍擊財	知融金	向以下	狹濫出	機顯焉	共損益	人類基	戲闕而	戰開有	調序而	其沒收	法除者
																					立統制

立統治　法律者　則閑然　觀從字　其收買　戰鬪而　調停有　調停而　其字贅　其損益　機關點　狹隘出　脫橋字　知金福　龍聖賢　者舉賢　稱致遠　足以神　舞星日　成于電　則食極　所來者　而智楊　太白蓋　于是甲

五十七	而精亡	五十七	而精亡
六十	四靈回轉	六十	四靈回轉
六十二	力強健	六十二	力強健
六十一	五強健之	六十一	五強健之
六二	三而或超	六二	三而或超
六二	八箇人者	六二	八箇人者
六十三	限教下	六十三	限教下
六十三	教亦下	六十三	教亦下
六六	九智之士	六六	九智之士
六八	六市僧之	六八	六市僧之
六九	六之氣概	六九	六之氣概
七一	七憊休也	七一	七憊休也
七三	五同胞當	七三	五同胞當
七三	五末路下	七三	五末路下
七五	八所虧虛	七五	八所虧虛
七五	九是其精	七五	九是其精
七五	十一則是全	七五	十一則是全
七七	八餘渡下	七七	八餘渡下
八十	五無不粹	八十	五無不粹
八二	五猶卓卓	八二	五猶卓卓
八三	十二紀耶下	八三	十二紀耶下
八三	十三開題以	八三	十三開題以
八四	十史歷者	八四	十史歷者
八五	五之微證	八五	五之微證

癸卯閏五月朔日發行

圖書 ● 江蘇全圖 ● 中國民族始祖  
黃帝像 ● 明太祖陵 (其一  
其二)

社說 ● 中國民族之過去及未來 ●  
論教育會爲民團之基礎

學說 (七門)

政法 ● 政体道化論 (續第一期)  
教育 ● 教育綱要  
哲理 ● 哲學概論  
科學 ● 動物分科一覽  
歷史 ● 荷蘭獨立史  
衛生 ● 荷蘭獨立史  
實業 ● 商業發達論

時論 ● 論漢人當憂滿洲  
小說 ● 空中旅行記

總發行所 日本東京神田區駿河臺鈴木町  
八番地中國留學生會館  
總經售處 上海棋盤街北段 文明書局發行所

零售每冊 大洋二角五分  
半年六冊 大洋一元三角  
全年十二冊 大洋二元五角

郵費照加

記言

文苑 ● 祭落卷文 ● 雜詩十餘首  
談叢 ● 松江人之生活 ● 三樂廬  
自助書

記事 本省時評 ● 呂海寰與蔡鈞  
內國時評 ● 專制國者製造新世  
界學生之分廠也 ● 法兵在廣西  
之舉動 ● 封報館之新法  
外國時評 ● 日俄滿韓交換的密  
約 ● 南非洲之華人 ● 塞維亞革  
命

調查錄 ● 上海學堂一般 ● 江蘇內  
河之航業

調會記事 ● 留學界 ● 江蘇同鄉會夏期談

圖畫 ● 江蘇全圖 ● 中國民族始祖

其二)

社說 中國民族之過去及未來  
論教育會爲民團之基礎

學說(七門)

政法(學)政體道化論(續第一期)

教育綱要

科學動物分類一覽

歷史 荷蘭獨立史

衛生學概論

實業 ● 商業發達論

時論  
論漢人當憂渾沙

人言○之口加不言

發行所

恩 經 售 處 上 十

系  
統  
售  
處

八七	三	吁呼	六萬萬	九十三	九十一	九四	七	餘韻	九八	四	其利害	二〇〇	二	其韻屬	二〇一	五	新境增	二〇二	四	歐羅下	二〇三	六	全欲壓	二〇四	三	海標間	二〇五	十二	先不過	二〇六	十一	若其日	二〇七	六	含有下	二〇八	十二	未本強	二〇九	四	則日其	二一〇	六	與母姊	二一一	七	善不運	二一二	五	隻魚上	二一三	八	河上諸	二一四	七	以下議	二一五	八	戰鼓中	二一六	六	勢則	二一七	六	召選滿	二一八	六	與其不	二一九	十三	密談之	二二〇	四	二
----	---	----	-----	-----	-----	----	---	----	----	---	-----	-----	---	-----	-----	---	-----	-----	---	-----	-----	---	-----	-----	---	-----	-----	----	-----	-----	----	-----	-----	---	-----	-----	----	-----	-----	---	-----	-----	---	-----	-----	---	-----	-----	---	-----	-----	---	-----	-----	---	-----	-----	---	-----	-----	---	----	-----	---	-----	-----	---	-----	-----	----	-----	-----	---	---

嘔嘔 六百萬 走○陽 踰○限 其利益 其領屬 鉛鐵增 脫巴字 今欲歷 海權間 先字贊 若夫日 脫政治 未大強 則見其 與匪殊 盡不速 下一行 同上議 以上議 嚴甲戰 刻期 召還滿 若其不 罪狀之

一四八	十四	誰爲一
一四九	三	比帝后
一四九	九	宋徽諸
一五〇	三	穆沁阿
一五〇	六	如幾祿
一五一	三	和雖去
一五一	四	旨申飭
一五一	六	蘭州兵
一五一	七	以調英
一五一	七	故調兵
一五二	十二	日募廢
一五二	二	領事見
一五三	五	出規勢
一五五	四	出里閣
一五五	四	岡藏外
一五五	五	尙非戶
一五八	二	第一一個督下
一六〇	九	復邀集
一六二	七	苦千人
一六三	七	者字賢
一六四	十	惟普通
一七三	三	器爾來
一七三	九	大家之
一七三	十	而失慰
一七六	四	歸姓名

[illegible]



日本橫濱市本町二丁目廿一番地

金丸銃砲店 電話 五百五十六番 五百三十三番

日本東京支店日本橋區通三丁目電本局六三六番一八番

# 內外馳名大販賣


美法德各國名廠製造會社特約大販賣  
 雅形圖解銃砲正價書全志冊如蒙下詢祈將  
 郵執印花四分封入後原班寄奉萬不致誤



壹 個  
 金四圓五拾錢替電池八拾錢  
 小包料內地金拾錢長サ曲尺  
 三寸三步厚八分

## 探見電燈

本品外部用輕銀製成其內部電池係用一種特別之化學作用製成乾電使能發光  
 該電燈用於野外演習及秋期演習時頗得好評  
 該電燈用以狩獵真屬無上上品銃獵家不可不家置一具也



該電燈用之於室內及倉庫等處既極安全復極明亮其光達三間以上每一電池可用  
 以發光至三千次之久洵輕便之探險器也圖解及正價表倘蒙函示附入郵稅後當即  
 寄奉不誤

定價壹個金四圓五拾錢 替電池金八拾錢  
 替雷球壹個八拾錢赤、青、黃御隨意小包料內地  
 拾錢長サ曲尺七寸五步直徑一寸二步

日本東京日本橋區通三丁目一番地  
 銃砲火藥獵具類販賣 金丸銃砲店  
 懷中電燈電球類

(電話本局六三六三二二八)

所派代誌本

◎浙江總代派所杭州白話報館

●又●又●  
太平三橋  
方址

折總注  
西派館  
書報采  
林處辦

嘉興城內秀水縣學堂  
鄭斐臣先生  
又平湖縣城  
文瀾閣

●又甯海縣城西街  
●台州黃巖縣署前  
●柯泰豐烟莊  
●音發羊布莊

又大往夢公廳巷慶元銀樓石聘南先生  
又瑞安小東門內郭漱霞先生  
北京疏瀉啟

●保定府城內局胡同鑑湖吳寓  
●蘇州元妙觀西東來書

●又常熟縣城  
●上每四馬路  
●海虞圖書社  
●平記書莊  
●廣雅書局

東西書籍 各種帳簿 東西圖板  
新聞告白 網目板 亞鉛板  
報電氣板之類

地圖 股票 各種商標 肉筆印刷 公司  
切圖畫之類

照相製印刷銅板  
三色版  
照相  
美術板

日本東京淺草區黑船町廿八番地

東京並木活版所

又 又 又  
棋盤街 棋盤街 棋盤街  
其路街 其路街 其路街  
新中國圖書社 普通學書室 通和圖書發行所

又 千秋坊  
又 無錫渠溪  
趙午橋先生  
務實學堂賬房

福州新勝大街  
安徽蕪湖甯淵觀南岸  
華蘆公社  
晉康煤炭公司

又馬王廟背  
湖北武昌橫街  
陶君節先生  
中東書社

湖南長沙府城太平街國民叢書社問報處  
又長沙國民教育社問報處  
又彭叔枚先生

又成都府城學道街 算學局徐伯庚先生  
又成都府東門內南紗帽街少年學社

廣州雙門底 萃廬閱報處  
廣州府城雙門底街天佑堂 廣聞報社

100

# 浙

# 江

# 潮

## 本誌第六期要目豫告

●社說◎地方自治之真義  
●論說◎民族主義論(續)

●學術(八種)

▲政法◎舟山條約之感慨(續)

▲哲理◎希臘古代哲學史概論(承前)

▲軍事◎軍隊實習談

▲歷史◎最近三世紀大勢變遷史(續)

▲傳記◎中國愛國者鄭成功傳(承前)

▲科學◎固體說

▲文學◎中國音樂改良說

●大勢(二種)

▲各國內情◎海上之美國○德國國勢之進步

▲國際政局◎英法之親交(承前)

●談叢◎廻瀾叢話

●小說◎斯巴達之魂◎自由魂

其餘圖畫時評雜錄文苑等類都二十餘門  
凡百八十頁限六月二十日出版

癸卯五月十五日印刷  
二十日發行

編輯者 日本東京牛込區東五軒町九番地  
發行所 浙江同鄉會幹事  
印刷所 浙江同鄉會雜誌部  
印刷人 酒井平次郎  
印刷所 東京並木活版所

